

夢梁錄序

昔人卧一炊頃而平生事業
敬歷皆遍及覺則依然故吾
始知其為夢也因謂之黃梁
夢矧時異事殊城池苑囿之
富風俗人物之盛焉能保其
常如疇昔哉緬悵往事殆猶
夢也名曰夢梁錄云脫有遺



闕識者幸改正之毋哂甲戌
歲中秋日錢塘吳自牧書

夢梁錄目次

卷之一

正月

立春

元宵

車駕詣景靈宮孟饗

二月

八日祠山聖誕

二月望

卷之二

三月

佑聖真君誕辰附

諸州府得解士人赴省闈

陰補未仕官人赴銓

清明節

州府節制諸軍春教

諸庫迎煮

二十八日東嶽聖誕辰

暮春

卷之三

四月

皇太后聖節

宰執親王南班百官入內上壽賜宴

皇帝初九日聖節

僧寺結制

五月

重午附

士人赴殿試唱名

卷之四

六月

在真君誕辰附

七月

立秋附

七夕

解制日 中元附

八月

中秋

解闈

觀潮

卷之五

九月 重九附

明裡年預教習車象

明堂差五使執事官

駕出宿齋殿

五輅儀式

差官輓祭及清道

駕詣景靈宮儀仗

駕回太廟宿奉神主出堂

駕宿明堂齋殿行裡祀禮

明裡禮成登門放赦

郊祀年駕宿青城端成殿行郊祀禮

卷之六

十月

立冬

孟冬行朝饗禮遇明裡歲行恭謝禮

十一月冬至

十二月

除夜

卷之七

杭州

大河橋道

小河橋道

西河橋道

小河橋道

倚郭城南橋道
倚郭城北橋道
禁城九廂坊巷

卷之八

大內

德壽宮

太廟

景靈宮

萬壽觀

御前宮觀

西太乙宮

佑聖觀

9

顯應觀

四聖延祥觀

三茅寧壽觀

開元宮

龍翔宮

宗陽宮

卷之九

三省樞密諫官

六部

六部監門

諸寺

秘書省 國史勅令附

諸監

大宗正司

省所

六院四轄

三衙

閣職

監當諸局

諸倉

內司官

內諸司奉安

卷之十

諸宮舍

府治

運司衙

諸王宮

家廟

館驛

本州倉場庫務

點檢所酒庫

安撫司酒庫

廂禁軍

防隅巡警

帥司節制軍馬

卷之十一

諸山岳

嶺

諸洞

溪潭澗浦

井泉

池塘

堰閘渡

卷之十二

西湖

浙江

域內外河

湖船

夕

江海船艦

河舟

卷之十三

兩赤縣市鎮

都市錢會

團行

鋪席

天晚諸人出市

夜市

諸色襟賞

卷之十四

祠祭

山川神

忠節祠

仕賢祠

古神祠

士俗祠

東都隨朝祠

外郡行祠

卷之十五

學校

貢院僧塔寺塔

城內外諸宮觀

城內外寺院

山

古今忠烈孝義賢士墓

歷代古墓

卷之十六

茶肆

酒肆

分茶酒店

麵食店

葷素從食店 請色點心事件附

米舖

肉舖

蠶舖

卷之十七

歷代人物

文武狀元表

武舉狀元

后妃列女

歷代方士

歷代方外僧

行孝

卷之十八

民俗

戶口

物產

穀之品

也

絲之品

泉泉之品

貨之品

菜之品

果之品

竹之品

花之品

藥之品

禽之品

獸之品

蟲之品魚之品

免本州歲納及苗稅

免本州商稅

恩霽軍民

恤貧濟老

卷之十九

園圃

瓦舍

塌房

社會

閒人

催覓人力

四司六局筵會假債

卷之二十

嫁娶

育子

妓樂

百戲伎藝


角觝

小說講經史

目錄終



國家圖書館, NATIONAL CENTRAL LIBRARY, TAIWAN, R.O.C.



夢梁錄卷之一

正月

宋錢塘吳自牧 著

正月朔日謂之元旦俗呼為新年一歲第序此為之首官
放公私僦屋錢三日士夫皆交相賀細民南女亦皆鮮衣
往來拜節街坊以食物動使冠梳領抹段匹花朵玩具等
物沿門歌叫問換不論貧富遊玩琳宮梵宇竟日不絕家
家飲宴笑語諠譁此杭城風俗疇昔侈靡之習至今不改
也

元旦大朝會

鐘

元旦侵晨禁中景陽罷主上精虔炷天香為蒼生祈百穀
于上旁宰執百僚待班于宮門之次猶見疎星遠建章但

禁門未啓而蝦蟆柳鼓並作攢點即放魚鑰闔闔門下方
啟龍閣執挺人傳呼頭帽號紛然衛士雜廷紳報到闔開
百僚聯轡入宮城簇擁皆從殿廡行遇大朝會駕坐大慶
殿有介冑長大武四人立放殿陛之角謂之鎮殿將軍殿
西廡皆列法駕鹵簿儀仗龍墀立青涼傘十把效太宗朝
立諸國王班次如錢武肅益蜀王等也百官皆冠冕朝服
諸州進奏吏各執方物之貴諸外國正副賀正使隨班入
賀百僚執政俱于殿廊侍班而閣門催班吏高喚云那行
吏進序班立畢內侍當殿厲聲問齊未禁衛人員隨班奏
班齊千官聳列朝儀整龍章已見轉御屏日表纔瞻臨玉
座連聲清蹕震班庭上御正衙有綠衣吏執儀劍突趨殿
前聲倅厲不可曉乃大瑞走辨耳宰執百僚聽名宣領班

誦舞皆稱壽再拜聲傳折檻邊禁衛人高聲高呼甚震名
為統殿雷樞密臣候稱壽畢登殿至折檻側百僚俱鞠躬
聽制曰履茲新慶與卿等同朝賀畢就殿賜宴宰執百僚
外國正副使人次日就館賜宴使副及三節人俱與焉翌
日至明慶靈隱等寺燒香次至玉津御園射弓朝家選能
射武臣侍射就園賜宴先列招箭班士十餘人于垛子前
使人多用弩子射其班士畏無脚小帽子錦襖子路開弩
子舞旋搭箭過與使人被窺得端正止令使人發牙例朝
廷差來伴射武臣用弓箭中的則得捷上賜開裝銀鞍馬
匹蘇本非衣帛金銀器物有差迎迓還舍觀者紛然如朝
使入朝辭賜宴餞行仍賜馬匹銀帛禮物甚盛三節人依
例給賜而去

立春

臨安府進春牛于禁庭立春前一日以鎮鼓鑼吹妓樂迎春牛往府衙前迎春館內至日侵晨郡守率僚佐以綵仗鞭春如方州義太史局例于禁中殿陛下奏律管吹灰應陽春之象街市以花裝欄坐乘小春牛及春幡春勝各相獻遺與貴家宅舍示豐稔之兆宰臣以下皆賜金銀幡勝懸于幘頭上入朝稱賀

元宵

正月十五日元夕節乃上天官賜福之辰昨汴京大內前縛山棚對宣德樓悉以綵結山杏上皆画群仙故事左右以五色綵結文殊普賢跨獅子白象各手指內五道出水其水用輓轆絞上燈棚高尖處以水櫃盛貯逐時放下

如瀑布狀又以草縛成龍用青幕遮草上密置燈燭萬盞望之蜿蜒如雙龍飛走之狀上御宣德樓觀燈有牌曰宣和與民同樂萬姓觀瞻皆稱萬歲今杭城元宵之際州府設上元醮諸獄修淨獄道場官放公私僦屋錢三日以寬民力舞隊自去歲冬至日便呈行放過夜官府支散錢酒犒之元夕之時自十四為始對支所犒錢酒十五夜帥臣出街彈壓遇舞隊照例特賞街坊買賣之人並行支錢散給此歲三州府科額支行庶幾體朝廷與民同樂之意姑以舞隊言之如清音遏雲掉刀鮑刀胡女劉家喬三教喬迎酒喬親事焦鮑架兒仕女杆歌杆孫本諸國朝竹馬兒村田樂神鬼十齋即各社不下數十更有喬宅眷澤龍船踢燈鮑老駝象社官巷口蘓家巷二十四家傀儡衣裝鮮

麗細旦戴花朶肩珠翠冠兒腰肢纖裊宛若嬋人府第中
有家樂兒童亦各動笙篁琴瑟清音嘹唳寂寂可人聽攔街
嬉耍竟夕不眠更蕪家三燈火處處管絃如清河坊蔣檢
閱家奇茶異湯隨索隨應點月色大泡燈光輝滿屋過者
莫不駐足而觀及新開門裡牛羊司前有內侍蔣苑使家
雖曰小小宅院然裝點亭臺懸掛玉柵異巧花燈珠簾低
下笙歌並作遊人玩賞不忍捨去諸酒庫亦點燈毬喧天
鼓吹設法大賞妓女群坐誼詳勾引風流子弟買笑追歡
諸營班院于法不得與夜遊各以竹竿出燈毬于半空遠
觀若飛星又有深坊小巷繡額珠簾巧製新裝競誇華麗
公子王孫五陵年少更以紗籠喝道將帶佳人美女遍地
遊賞人都道玉漏頻催金鷄屢鳴興猶未已甚至飲酒醺

9

醺倩人扶着墮翠遺簪難以枚舉至十六夜收燈舞隊方
散

車駕詣景靈宮孟餐

十六夜收燈畢十七早五更二點禁中催班從駕官僚入
殿起居訖出殿門外俱立馬于學士院茶候 駕興而殿
東折檻下快行家皆金蓮燭炬以俟登輦駕出和寧門詣
景靈宮行春孟朝饗禮前後兩行絳燈籠導引駕行向有
寶謨學士趙師韋詩風傳御道暉聲清兩道一作紗籠列
火城雲護帝尊天未曉象星環拱極星明駕迓景靈宮前
撤去黃蓋方入宮門此見君王度孝之忱至官幄少歇奉
常更奏行禮內侍捲簾班導上御黃道步至殿前崇禮館
道士二十四員在殿墀下叙立舉玉音法事上登殿行禮

自西至東步而入內侍下簾先自前殿中殿次後殿虔茶
行禮以遵奉先思孝之家法禮畢外廊賜從駕官食而有
對口孫本宣引宰臣以下入行殿賜茶駕還內其親從官皆
頂毬頭大帽紅纈錦圍搭戲獅子衫金鍍天王腰帶各執
骨朵文武官皆頂雙卷脚幘頭紅上大搭天鵝結帶寬衫
輦前班直頂兩脚屈曲幘頭着緋結帶望仙花衫跨弓劍
乘馬一扎鞍轡執纓紉前導欵數內有東三班謂之長入
祇候幘頭後各以青紅頭鬚繫之以表忠節之意御龍直
幘頭一脚指天一脚曲着方勝纈衫花着帶鍍金束帶執
從物校椅金花唾盂水罐次鑼乘壘龍鳳掌扇纓紉之類
及靴黃羅珠子盛百花背座御椅子并脚踏快行家頂短
小帽子露半青頭巾帶金巾環繡體腰紅纈衫金束帶懸

花着帶手執御校椅金花瓶獸爐香座御靴纓紉玉拄杖
小黃羅傘御扇等物俱搭步行俱口鳴打三頭起之昔諸
司庫藏各用金刺字紅牌前執後以黃羅傘籠扛擡前導
有本庫官乘馭掌其職分如諸司庫藏等司屬並衫帽隨
號募士頂帽紅羅纈衫金帶懸黃帛御馬驥騏等院亦金
字紅牌呼喝牽轡馬疋導引親事官各頂帽纈衫鍍銀帶
執紅紗貼金燭籠二百對左右導引行駕將至左右首各
一員閣門官屬乘馬執絲鞭文武官前導引至官僚起居
亭高聲唱曰躬身不要拜唱喏直身立奏聖躬萬福嵩呼
而行次有一員紫裳官係閣門寄班乘馬捧月樣繡兀子
覆於馬上文武中官十餘簇擁扶策而行衆唱曰駕頭次
以近侍諸司官俱乘馭前後導從三衛太尉御帶環衛知

閣內侍都知皆乘馭駕前導引更有內等子即御前忠
佐軍頭引見司人員等各頂帽髮鬢鬆着紅纈衫兩手
握拳顧望導行或有攔駕人捶之流血駕近則列橫門數
十人繫鞭視後圍子三五重皆執骨朵諸親從等都管人
員並執骨朵列行導引駕前有執金香座玉斧玉拂及水
晶珠杖迎駕高低弄把引行如龍弄珠也上升平頭輦御
龍直擊黃羅蓋雙後握雙黃羅扇駕近太廟則蓋撤開前
行數步上畧身而過此見尊祖敬宗之意駕後圍子亦數
重衛從諸班直馬隊從于駕後左有宰執侍從官寮右有
親王南班俱從行駕後有曲柄紅繡傘紅繡扇命寄班官
執馭而從次日再詣行後殿禮幸太乙宮景陽宮行款謁
禮其日用教樂所樂部駕前作樂導引駕後以鈞容直乘

馬作樂而從駕出景靈宮至回龍橋教樂所人員闌駕奏
致語雜劇色打和和來及奏禮成回鑾曲快行先奏報禁
中使內侍排班迎駕起居前人有詩曰簾捲天街看駕回
錦身捷足走能齊聯聲快報還宮後危從歸來日未西若
次日出則後宮后妃嬪侍皆詣景靈宮以半帳鑾儀從而
行皇太后皇后乘輿比檐子稍增花樣皆織龍輦輿工皆
立金龍護之剪駿妃則用金鳳嬪好止用棧檐耳次日或
遇泥濘委宰執分詣行事矣

二月

二月朔謂之中和節民間尚以青囊盛百穀瓜果子種互
相遺送為獻生子禁中宮女以百草闢戲百官進農書以
示務本上丁日國學行釋奠禮祭文宣王以祭酒司業為

獻官州縣學宮以帥率奉行立春後五戊日為社州縣祭社稷朝廷亦差官祭于太社太稷壇州府自收燈後例於點檢酒所開支閨會二十萬貫委官屬差吏伴催喚工作脩飾一作西湖南北二山堤上亭館園圃橋道油飾裝畫一新栽種百花映掩湖光景色以便都人遊玩

八日祠山聖誕

初八日錢塘門外霍山路有神曰祠山正祐聖烈照德冒福崇仁真君慶十一日誕聖之辰祖廟在廣德軍勅賜廟額廣惠自梁至宋血食已千三百年餘矣此邦國有禱士民有告感通即應其日都城內外詣廟獻送繁盛寂足府第及內官迎獻馬社儀仗整肅裝束華麗裝一作鞍又有七寶行排列數里珍異寶器珠玉殿庭一作亭志皆精巧後苑

又


諸作呈獻盤龍走鳳精細靴鞋諸玉一作色巾帽獻貢下俗各以綵旗鼓吹妓樂舞隊等社奇花異果珍禽水族精巧面作諸色鑰名車馬駕引歌叫賣聲效京師故體風流錦體他處所無臺閣巍我神鬼威勇並呈露臺之上自早至暮觀者紛々十二日廟中有街前樂教樂所人員部領諸色樂部詣殿作樂呈獻命大官排食米二十四盞各盞呈藝守臣委佐官代拜初八日西湖画舫盡開蘓岸遊人往來如蟻其日龍舟六隻戲于湖中其舟俱裝十太尉七聖二郎神三鬼快行錦體浪子黃胖雜以鮮色旗傘花藍鬧竿鼓吹之類其餘皆簪大花捲脚帽子紅綠戲衫執掉行舟戲遊波中帥守出城往一清堂彈壓其龍舟具呈參州府令立標竿于湖中掛其錦綵銀梳官楮攜龍舟快捷者

賞之有一小級郎披黃衫頂青巾帶大花插孔雀尾乘小舟抵湖堂橫節杖聲喏取指揮次以舟回朝詣龍沙小綵旗招之諸舟俱鳴鑼擊鼓勢分兩划掉旋轉而遠：排列成行再以小綵旗引之龍舟並進者二又以旗之招其龍舟遠列成行而先進者得提取標賞聲喏而退餘者以錢酒支犒也湖山遊人至暮不絕大抵杭州勝景全在西湖他郡無此更兼仲春景色明媚花事方殷正是公子王孫五陵年少賞心樂事之時詎宜虛度至如貧者亦解質借允帶妻挾子竟日嬉遊不醉不歸此邦風俗從古而然至今亦不改也


二月望

仲春十五日為花朝節浙江風俗以為春序正中百花爭

放之時寂堪遊賞都人皆往錢塘門外玉壺古柳林楊府雲洞錢湖門外慶樂小湖等園嘉會門外包家山王保生張太尉等園玩賞奇花異木最是包家山桃開渾如錦陣極為可愛此日帥守縣宰僚佐出郊召父老賜酒食勸以農桑告諭勤劬奉行虔恪天慶觀通年設老君誕會燃萬盞華燈供聖修齋為民祈福士庶拈香瞻仰往來無數崇新門外長明寺及諸教院僧尼建佛涅槃勝會羅列幡幢種種香花異果供養挂名賢書畫設珍異玩具莊麗道場觀者紛集竟日不絕



國家圖書館, NATIONAL CENTRAL LIBRARY, TAIWAN, R.O.C.



夢梁錄卷之二

宋錢塘 吳自牧 著

三月 佑聖真君誕辰附

三月三日上巳之辰曲水流觴故事起于晉時唐朝
賜宴曲江傾都袂飲踏青亦是此意右軍王羲之蘭
亭序云暮春之初脩契事杜甫麗人行云三月三日
天氣新長安水邊多麗人形容此景至今令人愛慕
薰之此日正遇北極佑聖真君誕辰佑聖觀侍奉香
火其觀係屬御前云處云字疑去字內侍提舉觀中事務
當日降賜御香修崇醮錄午時朝賀排列威儀奏天
樂于墀下羽流整肅謹朝謁陛前吟咏洞章陳口禮

士庶燒香紛集殿庭諸宮道宇俱設醮事上祈國泰
下保民安諸軍寨及殿司衙奉侍香火者皆安排社
會結縛臺閣迎列于道觀睹者紛之貴家士庶亦設
醮祈恩貧者酌水獻花杭城事聖之虔他郡所無也

諸州府得解士人赴省闈

三月上旬朝廷差知貢舉監試主文考試等官并差
監大中門官諸司彌封謄錄等官就觀橋貢院放諸
州府郡得解士人并三學舍生得解生員諸路運司
得解士人有官人及武舉得解者盡赴院排日引試
及州郡諸路寓試之得待補士人並日引試國子監
牒試中解者並行引試如有避親者就別院引試朝

廷待士之重差官之際並令快行宣押所差官員入
內到殿聽勅其知貢舉監試主文並帶差帽穿靴乘
馭同諸考試等官迎引下貢院然後鎖院擇日放試
諸州士人自三月間前後到都各尋安泊待試遂經
部呈驗解牒陳乞納卷用印并收買試籃桌椅之類
試日已定隔宿于貢院前賃房待試就看坐圖其士
人各引試三場正日本經次日論第三日策預試人
照合試日分集于貢院竹門之外向候開門放試士
人各入院內依坐位分廊占坐訖知貢舉等官於廳
前備香案穿束一作乘而拜諸士人皆答拜方下簾幙
出示題目于廳額吐中有疑難處聽士人就簾外上

請主文于簾中詳卷之訖則各就位作文隨手上卷
至晡後開門放士人出院納卷子中門外書知姓氏
試卷入櫃而出其士人在貢院中自有巡廊軍卒賣
碗水點心泡飯茶酒菜肉之屬貨賣亦有入一作廂
太保巡廊事所納卷子徑一作經放發下彌封所封卷頭
不要試官知士人姓名恐其私取故也却于每卷上
打號頭三場共一號方發往騰錄所騰錄卷子依字
號書寫對讀無差方納入考試官各房考校如卷子
考中發過別房覆考如稱衆意方呈主文却于騰錄
所弔取真卷點對批取定奪魁選伺侯申省奏號揭
榜候取旨差官下院折號放榜中省魁者殿試陞甲

恩例前十名亦如之補試中榜者三一作太宗武三
學為生員舉人中省闈者俟候都堂點請覆試不過
一論冒而已覆試畢然後到殿也此科舉試三年一
次到省士人不下萬餘人駢集都城鋪席買賣如市
俗語云趕試官生活應一時之需耳

蔭補未仕官人赴銓

每歲三月上旬應文武官蔭授子弟宗子蔭補者並
赴銓闈就試出官朝廷差監試主文考試等官就禮
部貢院放試中者三名取一名文臣試兩場本經
及刑統義第三日驟試法科者聽武臣試七書義三
學生員人疑入字試中榜者陞內今其時亦有宏詞

法科館職賢良方正三省堂後官及六部吏並試法
科陞補額名並是排日放試合差外諸司等官吏並
循諸試例如省闈年分移于八月放試中榜者赴吏
部伺候簾試過叅任差遣武選中者就兵部右選廳
銓量讀法注授出官其文武銓魁特轉一資恩例銓
魁仍置局造題名集設同年宴于西湖帥運諸司俱
有送助以為局費益臨安輦轂之下中榜多是府第
子弟榜之從皆百司衙兵謂之喜蟲兒其榜報人獻
以黃絹旗數面上題中榜新恩銓魁始姓疑名挿于門
左右以光祖宗而耀閭里乞覓捨攪酒食豁湯錢會
外又以一二千緡犒之此其常例也

清明節

清明交三月節前二日謂之寒食京師人從冬至後
數起至一百五日便是此日家以柳條挿于門上
一本無上字名曰明眼凡官民不論小大家子女未冠笄
者以此日上頭寒食第三日即明節每歲禁中命小
內侍于閣門用榆木鑽火先進者賜金碗絹三匹宣
賜臣僚臣燭正所謂鑽燧改火者即此時也禁中前
五日發宮人車馬往紹興攢宮朝陵宗室南班亦分
遣陵行朝享禮向者從人官給紫衫白絹三角兒青
一作音得纏今亦遵例支給至日亦有車馬詣赤諸攢
并諸宮妃王子墳堂行享禮官員士庶俱出郊省

墳以盡恩時之敬車馬往來繁盛填塞都門宴于郊
者則就名園芳圃奇花異木之處宴于湖者則綵舟
畫舫欸：撐駕隨地行樂此日又有龍舟可觀都人
不論貧富傾城而出笙歌鼎沸鼓吹喧天雖東京金
明池未必如此之佳殢酒貪歡不覺日晚紅霞映水
月挂柳稍歌唱一作閨清圓樂聲嘹亮此時尚猶未絕
男跨雕鞍女乘花轎次第入城又使童僕挑着木魚
龍船花籃鬧竿等物歸家以饋親朋隣里杭城風俗
侈靡相尚大抵如此

諸庫迎煮

臨安府點檢所管城內外諸酒庫每歲清明前開煮

59

中前賣新迎年諸庫呈覆奉所擇日開沽呈樣各庫
預頒告示官私妓女新麗粧着催社隊鼓樂以榮迎
引至期侵晨各庫排列整肅前往州府教場伺候點
呈首以三丈餘高白布寫某庫送到有名高手酒匠
醞造一色上等醲辣無比高酒呈中第一謂之布牌
以大竹長挂起三五人扶之而行次以大鼓及樂官
數輩後以所呈樣酒數擔次八仙道人諸行社隊如
魚兒活擔糖糕麪食諸般市食車架異檜奇松賭錢
漁父出獵臺閣等社又有小女童子執琴瑟妓家伏
役婆嫂喬粧繡鞋浪兒手擎花籃精巧龍杖其官私
妓女擇為三等上馬先以頂冠花衫子襠袴次擇秀

麗有名者帶珠翠朶玉冠兜銷金衫兒裙兜各執花
斗鼓兜或捧龍阮瑟、後十餘輩着紅大衣帶皂時
髻名之行首各僱賃銀鞍開粧馬匹借賃宅院及諸
司人家虞侯押番及喚集閑僕浪子引馬隨逐各青
絹白扇馬匹供值預十日前奉庫官小呈五日前點
檢所僉廳官大呈雖貧賤潑妓亦須借備衣粧首飾
或托人僱賃以供一時之用否則責罰而再辦妓女
之後專知大公皆新中紫衫乘馬隨之州府賞以綵
帛錢金銀碗令人肩馱于馬前以為榮耀其日一作
在州治呈中祇應訖各庫迎引出大街直至搗鴨橋
北酒庫或俞家園都錢庫納牌放散寂是風流少年

沿途勸酒或送點心間有年尊人不識羞恥亦復為
之旁觀哂笑諸酒肆結綵歡門遊人隨處品嘗追歡
買笑倍于常時

州府節制諸軍春教

帥守衙一作衙帶節制軍馬之職每歲春秋二教三月
正當春閱時候擇日告報本州所統軍馬諸縣巡尉
兵卒及節制殿步兩司軍馬並赴蒲橋下後軍教場
教閱軍伍以備起發防秋至期浙西路鈴并節制諸
軍統制等官屬帶領各部軍馬詣教場伺候教閱鳴
鑼擊鼓試炮放烟諸軍排陣以迎敵之勢將佐呈比
體挑戰之風試弩射弓打毬走馬武藝呈中賞犒有

差軍卒勞績給以錢帛午後散放迎回府治伺候帥
座回衙方行逐便回軍寨其帥首馬前排列軍仗八
卦辰宿諸宿色旗隊甚夥轅門帳門界限嚴肅人不
敢視親從對、衫新、鮮士卒威風凜凜、可畏使馬
牽控寶裝鮮新黃轎前引織旗後隨樂騎擁後威聲
震懾佐官彈壓以警無良觀者如堵至暮方歸向有
端明厲尚書諱文翁開闢于抗儀伏異于帥守者夥
旗幟多用鉞斧之器御馬花諸物營教閱傳旨宣押
禁中教場呈試武藝飛鎗斫柳走馬舞刀百藝俱呈
奏使臣奏樂聲徹九霄點提以下錫予甚隆使臣兵
車頒降從例殿步司所隸將佐軍伍俱出郊合教于

樞木教場之上賜帥將金器之絲疋加之品食御酒
主兵官卒俱沾雨露之恩也

二十八日東嶽聖帝誕辰

三月二十八日乃東嶽天齊仁聖帝聖誕之日其神
掌天下人民之生死諸郡邑皆有行宮奉香火杭州
有行宮者五如吳山臨平湯鎮西溪曇山奉其香火
唯湯鎮臨平殿廡廣濶司案俱全吳山廟居輦轂之
下人烟稠密難以開拓亦勝曇山梵宮內一殿耳都
城士庶自仲春下浣答賽心懽或專獻信香者或答
重囚帶枷者或諸行鋪戶獻異果名花精巧麪食呈
獻者一本無或僧道誦經者或就殿廡舉法音而上

壽者舟車道路作陸絡繹往來無日無之又有丐者
于吳山行宮獻綵画錢幡張挂殿前其社尤盛聞之
此幡錢屬殿後充脂粉局收管其殿下有佐神姓劉
父子俱為神靈顯感應人皆皈依五月二十九日誕
日諸社獻送亦復如是姑書以記之耳


暮春

是月春光將暮百花盡開如牡丹芍藥棣棠木香酴
醾薔薇金玉繡毬小牡丹海棠錦李徘徊月季粉團
杜鵑寶相千葉桃緋桃香梅紫笑長春紫荆金雀兒
笑靨香蘭水仙映山紅等花種之奇絕賣花者以馬
頭竹籃盛之歌叫于市買者紛然當此之時雕梁燕


三七

語綺檻鶯啼靜院明軒溶々洩々對景行樂未易以
一言盡也

夢梁錄卷之二終



國家圖書館, NATIONAL CENTRAL LIBRARY, TAIWAN, R.O.C.



夢梁錄卷之三

四月

四月謂之初夏氣序清和晝長人倦荷錢新鑄榴火
將燃飛燕引鴿黃鶯來友正宜涼亭水閣圍棋投壺
吟詩度曲佳賓勸酬以賞一時之景上旬之內車駕
詣景靈宮行孟夏禮駕過處公松僦金官放三日第
二日為新暑初回令宰執分詣

皇太后聖節

初八日壽和聖福皇太后聖節前一日尚書省樞密
院文武百寮詣明慶寺啟建祝聖道場州府教集衙

宋錢塘 吳自牧 著

前樂：部及妓女等州府滿散進壽儀範向自紹興以後教坊人員已罷凡禁廷宣喚徑令衙前樂充條內司教樂所人員承應初四日樞密院率修武郎已上初六日尚書省宰執率宣教郎以上並詣明慶寺滿散祝聖道場次赴貢院齋筵帥臣與浙西倉憲及兩浙漕州縣屬官并居文武官就于廣化寺滿散祝聖道場出西湖德生堂放生然後回府治錫宴簪花其禮儀蓋教與宴御同也

宰執親王南班百官入內上壽賜宴

初八日宰執親王南班百官入內起居邀駕迺皇太后殿上壽起居舞蹈嵩呼回詣紫宸殿宴樂來作殿

三

前山棚綵結飛龍舞鳳之形教樂所人員等做學百禽鳴內外肅然止聞半空中和鳴鸞鳳翔集閣門東班引平章宰執親王以下起居上殿賜坐謝恩坐訖賜平章宰執侍從親王南班武臣觀察使以上坐于殿上餘卿監郎丞及武臣防禦使以下坐于殿廡間軍校排在山樓之後殿上坐兀係品位高低坐第三四行黑漆矮榻坐物每位列環餅油餅棗塔為肴盤若向者高宗朝有外國賀生辰使副朝賀赴筵于殿上坐使副餘三節人在殿廡坐肴盤如用猪羊鷄鵝連骨熟肉并葱韭蒜醋各一碟一作標三五人共漿水飯一桶而已所有知閣門事官與御帶環衛等官

及閣門職事官俱立殿陛之下也上公稱壽率以尚書執注碗斟酒進上其教樂所色長二人上殿于闌干邊立皆譚褻紫寬袍金帶黃義襪謂之看盞如斟御酒看盞者舉其袖引白綵御酒進畢拂雙袖於闌干而止主上以寶卮先從東後西宣示宰執親王以下及外國使副閣門宣贊分班躬身齊傳宣飲盞酒者三群臣拜于坐次後捧卮飲而再拜坐宰臣酒色長則曰綵酒如前教樂所樂部例于山樓上綵棚中皆褻長脚幙頭隨樂部色服紫緋綠三色寬衫黃義襪鍍金四面腰帶前例拍板次畫面琵琶又列笙篪兩座高三尺許形如半邊木梳黑漆鏤花金裝面臺

座張二十五絃一人跪而交手擊之次高架畫花地金龍大鼓二面擊鼓人皆結寬袖別套黃窄袖垂結帶金褻鼓棒兩條高低互擊宛若流星後有羯鼓如尋常番鼓子置之小桌上兩手皆執杖擊之次中間列鉄石方響用明金綵畫架子雙垂流蘇次列簫笙塤箎管策龍笛之類兩旁對列杖一作鼓皆長脚幙頭紫繡抹額皆擊紫寬袖黃窄袖結帶黃義襪諸雜劇色皆譚褻各服本色紫緋綠寬衫義襪鍍金帶白殿陛對立直至樂棚每遇供舞戲則排立叉手舉左右肩動足應拍一齊群舞謂之按曲子第一盞御酒歌板色一名唱中腔一遍訖先笙與簫笛各一管和

之又一遍衆樂齊和獨聞歌者之聲宰臣酒樂部起
傾盃百官酒三臺舞旋多是譚裊寬衫舞曲破擷前
一遍舞者入至歇拍續一人入對舞數拍前舞者退
獨後舞者終其曲謂之舞末第三盞者進御酒歌板
色唱和如前式宰臣慢曲子百官舞三臺第三盞進
御酒宰執百官酒如前儀進御膳御厨以繡龍袱蓋
盒上進御前珍羞內待進前供上食雙捧托直過
頭凡御宴至第三盞方進下酒鹹豉雙下駝峰角子
宰執百官以殿侍側身跪傳酒饌即茶酒班仗役也
蓋謂高殿侍捧盞行天厨分鬻極恩榮傍筵拜起
嘗君賜不請微聞匙筋聲百鼓呈拽乃上竿挑索倒

三〇

立折腰弄碗踢磬瓶筋斗之類藝人皆紅中綠服第
四盞進御酒宰臣有宮酒送酒歌舞並同前教樂所
伶人以龍笛腰鼓發譚子恭軍色執竹竿拂子奏排
語口號祝君壽雜劇色打和畢且謂奏罷今年新口
號樂聲驚裂一天雲叅軍色再作語句合大曲舞下
酒盃鬻子骨頭索粉白肉胡餅第五盞進御酒琵琶
色長上殿奏喏獨彈玉琵琶前輩有詩曰寶軸琵琶
奏一歡玉鈎珠結響珊珊群臣傾聽天朝樂却咲烏
孫馬上彈宰臣酒方響色長上殿奏喏獨打玉方響
亦有詩詠之垂珠寶架玉牌方催送黃金萬壽觴疑
是飛仙朝帝闕玲瓏環珮在宮商凡色長獨奏玉樂

器例有宣賜其彈玉琵琶者賜五兩五疋打玉方響者賜三兩三疋樂伶當殿謝恩祇受訖百官酒樂部起三臺舞叅軍色執竿奏數語勾雜劇入場一場兩段是時教樂所雜劇色何雁喜王見喜金寶趙道明王吉等俱御前人員謂之無過蟲再下酒羣仙肉天仙餅太平畢羅乾飯縷一作縷肉羹花肉餅前筵畢駕興少歇宰臣以下退出殿門幕次伺候須臾傳旨退一作班再坐後筵賜宰臣百官及衛士殿侍伶人等花各依品位簪花上易黃袍小帽先駕出再坐六簪數朵小羅帛花帽子宰臣以下起居坐有詩詠曰玉帶黃袍坐正衙再頒花宴侈恩華近臣拜舞瞻龍表

絳葢高籠壓帽紗樂伶色長看盞第六盞再坐斟御酒筵起慢曲子宰臣酒龍笛起慢曲子百官酒舞三臺蹴毬人爭勝負且謂樂送流星度彩門東西勝負各分番勝賜銀碗并彩段負擊麻鞭又抹鎗下酒供假元魚蜜浮酥捺花第七盞進御酒筵色長上殿奏喏七寶箏獨彈宣賜謝恩有詩咏曰雁行飛入玉琮瑋滿殿齊看七寶箏彈到急催花片處春聲依歷上林鶯宰臣酒慢曲子百官酒舞三臺叅軍色作語勾雜劇入場三段下酒供排坎羊胡餅炙金賜御前宣勸殿上宰執親王使相侍從外國使副畢中使二員至御座前奏過分東西殿廡傳宣臺官卿監郎丞簿

飲盡酒者三拜而飲之并傳宣外國使副下三節官
屬皆屬聲喏三聲拜而飲有詩詠曰內臣拱立近天
光奏罷傳宣下御廊來聽番官三節喏不須重譚盡
來王第八盞進御酒歌板色長唱踏歌宰臣酒慢曲
子百官酒舞三臺衆樂作合曲破舞旋下酒供假沙
魚獨下饅頭一作饅肚羹第九盞進御酒宰臣酒並慢
曲子百官舞三臺左右軍即內等子相撲下酒供水
飯簇釘下飯宴罷群臣下殿謝恩退前輩有詩云宴
罷隨班下謝恩依然騎馬出宮門歸來要修需雲璣
留得天香袖尚存

皇帝初九日聖節

四月初九日度宗生日尚書省樞密院官僚詣明慶
寺如前開建滿散至日侵晨平章宰執親王南班百
官入內起居舞蹈稱賀隨班從駕過皇太后殿起居
畢回集英殿賜宴儀式不再述且賜宴殿排辦事節
云儀鑾司預期先于殿前絞縛山棚及陳設帷幕等
前一日儀鑾司翰林司御厨宴設庫應奉司屬人員
等人并于殿前直宿至日侵晨儀鑾司排設御座龍
床出香金獅鑿火爐子桌子衣帟等及設第一行平
章宰執親王座物係高座錦褥第二第三第四行侍
從南班武臣觀察使以上並矮座紫褥東西兩朵殿
廡百官係紫沿席就地坐翰林司排辦供御茶床上

珠花看果并供細果及平章宰執親王使相高坐果
桌上第看果殿上第二行第三第四行侍從等平面
桌子三員共一桌兩朵殿廊卿監以下並是平面矮
桌亦有三員共一桌果桌于未開門內時預行排辦
御前頭競燎爐供進茶酒器皿等于殿上東北角陳
設候駕御王座應奉其御宴酒盞一作盃皆屈卮如菜
碗樣有把手殿上純金殿下純銀食器皆全校漆碗
碟御厨製造宴殿食味并御茶床上看食看菜匙筋
鹽碟醋罇及宰臣親王看食看菜并殿下兩朵廡看
盤環餅油餅枣塔俱遵國初之禮在累朝不敢易之
故禮其宴設庫提點監造五局宴食嘗行油撒百官

食味秤鹽盤一作舫兩女令闕少御酒庫排辦前後御
宴酒及宣勸御封酒

僧寺結制

四月十五日結制謂之結夏蓋天下寺院僧尼庵舍
設齋供僧自此僧人安居禪教律寺院不敢起單雲
遊自結制後佛殿起楞嚴會每日晨夕合寺僧行持
誦經咒燃點巨燭焚蕤香火或有寺院朝廷降賜錢
會足帛金銀啟建新懺會四十九晝夜每日六時修
懺祈國安民其僧人一刻不敢妄出齋戒嚴肅不敢
觸犯神天報應在目前大刹供三日或五日換堂俱
都寺主辦皆十方檀信施助耳蓋孟夏望日乃法王

禁足釋子護生之時一作自此有九十日可以安單
辦道是月園圃瓜果初生禁中增價市之進以賞時
新內侍之家及府第富室亦如此

五月重五附

仲夏一日禁中賜宰執以下公服羅衫五日重午節
又曰浴蘭令節內司意思局以紅紗綵金盃子以葛
蒲或通草雕刻天師馭虎像于中四圍以五色染葛
蒲懸圍于左右又雕刻生百蟲鋪于上却以葵榴艾
葉花朵簇擁內更以百索綵綠細巧鏤金花朵及銀
樣鼓兒糖蜜韻果巧粽五色珠兒結成經簡符袋御
書葵榴畫扇艾虎紗疋段分賜諸閣宰執親王燕之

三八

諸宮觀亦以經簡符袋靈符卷軸巧粽夏橘等送饋
貴官之家如市井看經道流亦以分遺施主家所謂
經簡符袋者蓋回抱撲子問辟五兵之道以五月午
日佩赤靈符掛心前今以鈇符佩帶即此意也杭都
風俗自初一日至端午日家、買桃柳葵榴蒲葉杖
一作道又并市艾粽五色水糰時果五色瘟傘當門
供養自隅宿及五更沿門唱賣聲滿街不絕以艾與
百草縛成天師懸于門額上或懸虎頭白澤或士官
等家以生珠于午時書五月五日天中節赤口白舌
盡消除之句此日採百草或修製藥品以為辟瘟疾
等用藏之果有靈驗杭城人不論大小之家焚燒午

香一月不知出何文典其日正是葵榴開艷梔艾爭
香角黍包金菖蒲切玉以酌佳景不特富家巨室為
然雖貧乏之人亦且對時行樂也

士人赴殿試唱名

諸路過者舉人排日赴都堂簾引訖伺候擇日殿試
前三日宣知制誥詳定考試等官赴學士院鎖院命
御策題然後宣押赴殿士人詣集英殿赴居就殿廡
賜坐引試依圖分廡坐定各賜印刊策題其士人止
許帶文房及卷子餘皆不許挾帶文集士人入東華
門各行搜檢身內有無繡體文私方行放入午則賜
食與士人其硯水之類皆殿直祇直供辦午後納卷

而出舊製士人卷子仍封彌卷頭打號然後納初放
官次下覆考考定次第送口定叅詳一同方定甲名
次資而定奪三魁伺候上御文德殿臨軒唱名進呈
三魁試卷天顏親覩三魁排定姓名資次然後宣喚
三魁姓名其三魁聽快行宣喚數次方敢應名而出
扣問三代椰貫年甲同方請入狀元待班處更換可
賜綠襪靴簡第一名狀元及第二二名榜眼第三名
探花其狀元官授承事一作即職除上郎簽判榜眼
授承奉郎探花授承務郎職注中郎或下郎簽判或
無見闕則節推察推之職三魁進詩謝恩上賜御宴
賜詩與狀元以下第一甲舉人賜進士及地第二甲

賜進士出身第三至第五甲並賜同進士出身如有
魁及前下名太宗學內舍生員並陞甲恩例其老榜
者謂之特奏名為魁者附第五甲補迪功郎餘者授
諸州文學助教武舉一作無進士前三名照文科為
狀元榜眼探花恩例各賜紫囊金帶靴笏狀元授秉
義郎榜眼授從義郎探花授保義郎俱殿步司正副
將之職除武舉進士皆循文科例賜進士及第出身
如進士欲赴御教場內射弓陞甲聽從其便蓋招箭
班祇正也帥漕二司于未唱名前差人更容司官等
項行排辦禮部貢院充文科狀元局或別院或借祥
符寺充武科狀元局以伺唱名帥漕與殿步司排辦

鞍馬儀仗迎引文武三魁各乘馬帶羞帽到院安泊
款待每日祇直皆兩司給官錢供應及于諸州府守
臣諸路三司及制閫殿步三司等官俱有餽送助局
錢酒兩狀元差委同年進士充本局職事官措置提
名登科錄帥司差撥六局一作三司人員安撫司閱借銀
器等物差撥鼓樂一作鼓樂就豐豫樓開鹿鳴宴同拜人
俱赴團拜於樓下文武狀元注授畢各歸錦里本州
則立狀元坊額牌所居之側以為榮耀州縣亦皆迎
迓設宴慶賀如遇龍飛年分三魁黃甲及其餘進士
皆倍加恩例却與常年不同則狀元可除下通判於
此可見士子讀書之貴而朝家待士之厚不可不知

也故書記之為士者察之

夢梁錄卷之三終

國家圖書館, NATIONAL CENTRAL LIBRARY, TAIWAN, R.O.C.

夢梁錄卷之四

六月 崔真君誕辰附

宋錢塘 吳自牧 著

六月季夏正當三伏炎暑之時內殿朝參之際命翰林司供給冰雪賜禁衛殿直觀從以解暑氣六月初六日勅封護國顯應興福普佑真君誕辰乃磁州莊府君係東漢人也朝廷建觀在閣門外聚景園前靈芝寺側賜觀額曰顯應其神在靖康時高廟為親王日出使到磁州界神顯靈衛駕因此官逮觀崇奉香火一作同建此宮觀以褒其功此日內庭差天使降香設醮貴戚士庶多有獻香化紙是日湖中畫舫俱艤堤邊

納涼避暑恣眠柳影飽挹荷香散髮披襟浮瓜沉李
或酌酒以狂歌或圍棋而垂釣遊情寓意不一而足
蓋此時燂石流金無可為翫姑借此以行樂耳

七月立秋附

七月秋孟例于上旬內車駕詣景靈宮行孟享之禮
以秋陽正炎上命宰執分詣立秋日太史局委官吏
于禁廷內以梧桐樹植于殿下俟交秋時太史官穿
奏秉曰秋來其時梧葉應聲飛落一二片以寓報秋
意都城內外侵晨滿街叫賣楸一作葉婦人女子及
兜童輩爭買之剪如花樣挿于髻邊以應時序

七夕

〇〇

七月七日謂之七夕節其日晚晡時傾城兒童女子
不論一作貧富皆着新衣富貴之家于高樓危榭安

排筵會以賞節序又于廣庭中設香案及酒果遂令

女郎望月瞻斗列拜次乞巧于女牛或取小蜘蛛以

金銀小盒兒盛之次早觀其網絲圓正名曰得巧內

庭與貴宅皆塑青磨蝎一作蝎一作樂一作又名摩睺羅狻兒悉

以土木雕塑更以造綵裝欄座用碧紗罩籠之以下

卓而架之用青綠銷金卓衣圍護或以金玉珠翠裝

飾尤佳又于數日前以紅燒一作雞米食時新果子

互相餽送禁中意思蜜煎局亦以鵲橋故事先以水

蜜瓜果一作木瓜一作進入市井兜童手執新荷葉效摩睺羅

之狀此東都流傳至今不改不知出何文記也

解制日 中元附

七月十五日一應大小僧尼寺院設齋解制謂之法
歲周圍之日自解制後禪教僧尼從便給假起單或
行脚或歸受業皆所不拘其日又值中元地官赦罪
之辰諸宮觀設普度醮典士庶祭拔宗親貴家有力
者于家設醮飯僧薦悼或拔孤爽一作僧寺土無土
字于此日建盂蘭盆會率施主錢米與之薦亡家市
賣冥衣亦有賣轉明菜花油餅酸餠沙餠一本無沙餠
乳糕豐糕之類賣麻穀窠兒者以此祭祖宗寓預報
秋成之意雞冠花供養祖宗者謂之洗手花此日都

四三

城之人有就家享祀者或往墳所拜掃者禁中車馬
出攢宮以畫朝陵之禮及往諸王妃嬪等墳行祭享
之誠後殿賜錢差內侍往龍山放江燈萬蓋州府委
佐官就浙江稅務廳設斛以享江海神鬼夏月瓜桃
梨枣盛有雞頭亦有穀品若揀銀皮子嫩者為佳市
中教賣之聲不絕中貴戚里多以金盒絡繹買入禁
中如宅舍市井欲市者以小新荷葉色裹糝以麝香
用紅小索繫之

八月

八月上旬丁日太宗孝宗庠典一作學疑太武宗俱
行秋丁釋奠禮秋社日朝廷及差州縣差官祭社稷

于壇蓋春祈秋報也秋社日有士庶家妻女歸外家
回皆以新葫蘆枣兒等為遺俗諺云謂之宜良外甥
兒之兆耳中秋前諸酒庫一作中申明點檢所擇日排
辦迎新帥府率本州軍伍及九縣場巡尉軍卒並節
制殿步兩司軍馬往蒲橋教場教閱都人觀覩尤盛
于春季也

中秋

八月十五日中秋節此日三秋恰半故謂之中秋此
夜月色倍明于常時又謂之月夕此際金風薦爽玉
露生涼丹桂香颺銀蟾光滿王孫公子富家巨室莫
不登危樓臨軒玩月或開廣榭玳筵羅列琴瑟鑑鐸

〇〇

酌酒高歌以卜竟夕之懽至如鋪席之家亦登小小
月臺安排家宴團圍子女以酌佳節雖陋巷貧窶之
人解衣市酒勉強迎懽不肯虛度此夜天街買賣直
至五鼓散月遊人婆婆于市曉至不絕蓋金吾不禁
故也

解闈

三年一次八月十五日放貢舉應一本室諸州郡府
及各路運司並于此日放試其本州貢院止放本州
諸縣應舉士人運司放路一本有寓居士人及有官
文武舉人并宗女夫等本州貢院在錢塘門外王家
橋運司貢院在湖州市三學生員就禮部貢院赴解

試率執侍從在朝文武官子姪等併于國子監牒試則就縣並於十五日為頭排日試三場若諸州府及各漕司亦于十五日放試其諸處貢院前賃待試房舍雖一榻之屋賃金不下數十楮親朋餽送赴解士人點心則曰黃甲頭魁雞以德物稱之是為佳識杭城輦轂之地恩例特優本州元解額七十名今增作名諸州各有定額兩浙運司寓試士人約一百名取一名有官文武人及登仕郎皆十人取一人國子牒試則五人取一名太武宗學士人約四五人取一名舉州貢院放榜之際帥臣親往院中開拆一銀牌親書得解人姓名付提音往報諸路州郡供設

鹿鳴宴待貢士又取程文次者為待補名數無定額伺來歲朝廷放補諸州路得補士人皆到都就試中榜者則入太學為生員免三學得補者經吏部給授綾緡然後奉學此朝廷待士之重功名皆自此發軔也

觀潮

臨安風俗四時奢侈賞玩殆無虛日西有湖光可愛東有江潮堪觀皆絕景也每歲八月內潮怒勝於常時鄙人自十一日起便有觀者至十六十八日傾城而出車馬紛紛十八日寂為繁盛二十日則稍稀矣十八日蓋因帥座出郊教習節制水軍自廟子頭直

至六和塔家：樓屋盡為貴戚內侍等僱賃作者位
觀潮向有白樂天咏潮詩曰早潮終落晚潮來一月
周流六十迴不獨光陰朝復暮杭州老去被潮催又
蘓東坡咏中秋觀夜潮詩曰定知玉兔十分圓已作
霜風九日寒寄語重門休上鑰夜潮留向月中看萬
人鼓譟吳儂猶似浮江老何童欲識潮頭高幾尺
許越山渾在浪花中江邊身世兩悠悠：人與滄波共
白頭造物亦知人易老故教江水更西流吳兒生長
狎濤濶冒利輕生不自憐東海若知明主意應教斥
鹵變桑田江神河伯兩醯雞海若東來氣吐霓安得
夫差水犀手三千強弩射潮低林和靖咏秋江詩云

蒼茫沙嘴鷺鷥眠遠水無痕浸碧天寂愛蘆花經雨
後一蓬烟火飯漁船治平郡守蔡端明詩天捲潮迴
出海東人間何事可爭雄千年浪說鷓夷怒一夕全
疑渤海空浪靜寂宜閑夜枕崢嶸須待駕秋風尋思
物理真難得隨月虧圓亦未通其杭人有一等無賴
不惜性命之徒以大綵旗或清涼小傘紅綠小傘先
各繫繡色一作繡緞子滿竿伺潮出海門百十為群執
旗泗水止以迓子香弄潮之戲或有手脚執五小旗
浮潮頭而戲弄向于治平年間郡守蔡端明內翰見
其往：有沉沒者作戒約弄潮文云斗牛之外吳越
之中唯江濤之窟雄乘秋風而益怒乃其俗習于此


觀遊厥有善泗之徒競作弄潮之戲以父母所生之遺體投魚龍不測之深淵自謂矜誇時或沉溺精魄永淪于泉下妻孥望哭于水濱生也有涯盡終于天命死而不弔重棄于人倫推予不忍之心伸爾無家之戒所謂今年觀潮並依常例其軍人百姓輒敢弄潮必行科罪罰自後官府禁止然亦不能遏也向有前輩作看弄潮詩云弄罷江潮晚入城紅旗颭白旗輕不因會喚翻頭浪爭得天街鼓樂迎且帥府節制水軍教閱水陣統制部押于潮未來時下水打陣展旗百端呈拽又于水中動鼓吹前面導引後擡將官于水面舟楫分布左右旗幟滿船上等舞鎗飛箭

の七

分列交戰試炮放烟捷追敵舟火箭群下燒燬成功鳴羅放教賜擣等差緣一有因字車駕幸禁中觀潮殿庭下視江中但見軍儀于江中整肅部伍望闕奏喏教如雷震余扣及內侍方曉其尊君之禮也其日帥司備牲禮草履沙木板于潮來之際祭供祭于江中士庶多以經文投于江內是時正當金風薦爽丹桂飄香尚復身安體健如之何不對景行樂乎



國家圖書館, NATIONAL CENTRAL LIBRARY, TAIWAN, R.O.C.



夢梁錄

卷之五至七

國家圖書館, NATIONAL CENTRAL LIBRARY, TAIWAN, R.O.C.



蕙梁錄卷之五

九月 重九附

宋錢塘 吳自牧 著

日月梭飛轉盼重九益九為陽數其日與月並應故號曰重陽是日孟嘉登龍山落帽淵明向東籬賞菊正為故事今世人以菊花茱萸浮于酒飲之蓋茱萸名辟邪翁菊花為延壽客故假此兩物服之以消陽九之厄年例禁中與貴家皆此日賞菊士庶之家亦市一二枝玩賞其菊有七八十種且香而耐久擇其尤者言之白黃色若蓮房者名曰萬鈴菊粉紅色者名曰桃花菊白而檀心者名曰木香菊純白且大者



名曰喜容菊黃色而圓名曰金鈴菊白而大心黃者
名曰金盞銀臺菊數本取為可愛蒸之此日都人市
肆以糖麪蒸糕上以猪羊鴨子為絲簇釘插小綵旗
名曰重陽糕禁中閣分及貴家為饋送蜜煎局以五
色米粉塑成獅子蠻以小綵旗簇之下以熟栗子肉
杵為細末入麝香糖蜜和之捏為餅糕小段或如五
色彈丸皆入韵果糖霜名之獅蠻粟糕供觀進酒以
應節序其日諸寺院設供衆僧頃東都有開寶仁王
寺院設獅子會諸佛菩薩皆馭獅子則諸僧亦皆坐
獅子上作佛事抗都却無此會也

明禋年預教習車象

明堂大祀三年一次春首領詔天下明禋以九月十
一辛日大饗天地侑以祖宗咨爾百官各揚乃職此
循隋唐制也夏首修築泥路三衛選差羽林兵營築
天街砥樣平黃道中間明月月備履法駕欲安行預
於兩月前教習車象其車每日往來歷試於太廟前
至麗止門回車輅院一次若僅閱車每車須用鐵千
斤壓之如郊禋之歲以車五乘教習正謂輅馬儀車
五色輪雙扶綵率稔擎雲遙知帝勢巍々重精鐵應
須壘萬斤其明禋年止一車以代玉輅儀 車上置
青旗二面鼓一面駕以數馬挾車衛士皆紫衫帽子
車前數人擊鞭行車前列朱旗數十面銅鑼擊鼓十

數面執旗鼓俱服一本紫衫帽子後以大象二頭每一象用一人裹交脚幘頭紫衫跨象頭而馭手執短柄銀鑿尖其兩象有不馴者擊之至太廟前及鹿正門前用鑿使其圍轉行步數遭成列令其拜亦令其如鳴喏之勢御街觀者如堵市井撲賣土木粉捏粧綠小象兒并紙畫者外郡人市去為土宜遺送

明堂差五使執事官

明裡差大禮使禮儀使儀仗使鹵簿使橋道類通使及差攝侍中大宗伯太常少卿進接大圭進爵進牲進冊捧冊讀冊官太常丞協力郎光祿卿丞捧幣官請百執陪祀官分獻功臣官九宮貴神十二神諸星

陪祀宜分祀社稷官執綬官總務官及巡警都巡檢使及諸執事官俱勅牒差候禮成日各推賞賜錫分分銀絹正有差仍轉行官而其總務官職任尤繁皆親歷壇壝事無大小俱親點視也如捺祭器滌濯無垢以奉潔盛次視滌官得其牲牢黍養肥豐以嚴薦饗繼往文思軍器法物等庫點視儀仗整備無缺法物頓增光彩以表虔恭前期修奉卜剛辰役使太一作大匠方興作修整壇堂十分新點察帥府嚴差官吏監造醞五齋須用黃幄嚴圍護誠心供饗荐馨香脩視太常旂裳組繡之具琴瑟鐘磬之樂監督寶裝鑾輅款增明例耗黃金數百星躬督工程無弊蠹不惟

省費又晶焚花鴻傳進樂章和格神人皆凡一本空
洽百執宗臣赴太常教習儀範各宜恭貽一本空天雅
奏隨品節止無毋令亂舊章五使以下集于貢院
笙鋪琴瑟按工師八音競奏無違節想像靈壇率鳳
儀平明一作使集百僚及執事官于尚書省習景靈太
廟明堂儀若郊祀習郊壇儀於郊壇奉璋秉德如神
在匪事儀型欲可觀勅差太社令積薪神席升壇束
茅仰止宸衷嚴祀事掃清不留塵總務官拱
立于龍幄秉輅進呈入正闕歷試御路正廟宮都人
觀瞻稱萬歲五使百僚赴都堂受祀誓戒秋卿儀立
稟冰霜森立朝班改事堂祀事旨嚴須誓戒聳聽誰

敢不齋莊宿齋之日宣押國歲入禁中守護內鑰本
作事務晡時平章率百官及陪祀官等入內奏請主
上致齋于大慶殿衛士鐵衣官結佩帷宮齋潔于本
于字儀刑

駕出宿齋殿

明裡行禮前三日平章宰執率百官恭請主上宿大
慶殿致齋寄班舍人殿上親警蹕要知不是御常朝
上御駕出綉綿色元子安於殿中御榻上蓋太祖受
位之初累帝明裡郊祀俱坐之三年一次增錦色一
層耳法駕儀仗鹵簿俱列龍幄之左右禁庭鐘鼓樓
上有太史局生員官測驗刻漏每刻作鷄鳴擊鼓一

下則服綠者一人執牙牌至殿下奏曰某時幾刻或曰某時正也宰執百僚皆服法服環法佩履頭冠其頭冠各有品從宰執親王九量加貂蟬籠巾侍從官七量餘官六量至二量有差臺諫官增豸角耳所謂量者則冠前額量上排金桐葉是也俱服降袍皂絲方心曲領中單環珮雲頭履鞋隨執簡笏餘執事人皆介幘緋袍亦有等差惟閣門御史臺諸吏加方心曲領後堂官依供品位服入殿祇應人服色依法定色服各給黃方號餘黃長號緋方長号各有入殿宮壇門去處如無号妄入者准違制論也奏請致齋日殿門內外及鹿正門外皆禁衛羽林兵俱全裝鐵騎

數萬圍繞大內是夜殿前儀衛之外左右六軍儀仗鹵簿分列於鹿正和寧更有裹綠一作紫小帽服一作綿絛一作絛絛縫寬衫兵士餘人作一隊各執銀裹頭黑漆杖子謂之喝探兵士聚首而列一作立凡十數隊各隊一名喝曰是與不是衆聲答曰是又曰是甚人衆聲答曰殿前都指揮使某人及喝五使姓名更互喝叫不停聲或作鷄鳴是衆人唱道迺自初更至四更一點方止此謂之禁更前人詩咏之曰將軍五使欲來時停着更籌問是誰審得姓名端的了齊聲唱道不容遲又置警場於鹿正門外名為武嚴兵士以函鼓画角二百其角皆以綵帛如小旗脚結其上兵士皆

小帽黃繡抹額黃繡寬衫青窄寬衫日晡及三更時
名奏嚴每奏先鳴角二聲罷一軍校執一長軟藤條
上繫朱拂子搗鼓時衆鼓手觀其拂子隨其高低以
拂子應其鼓聲高下宿太廟宿郊壇青城行宮俱用
嚴更警場也

五輅儀式

明禮止用玉輅俱頓於太廟側輅屋下 玉輅按周
禮春官巾車掌王之玉輅錫繁音盤纓十有二再就建
太常十有二旒以祀康成注曰玉輅以玉飾諸末今
玉輅頂耀葉三層凡八十一葉皆鍍金間其一作玉
龍大蓮葉攢簇四柱攔檻鍍玉盤花龍鳳懸掛照山

河社稷大鏡及懸纓旂珮御座後青錦繡圍之後出
青繡小河龍鳳旗二面有詩咏曰鏤瓊雲朵貼瑤箱
珠網雕檀七寶床首建太常鳴大珮玉龍耀葉發祥
光餘金象沐革四輅俱鍍金耀葉簇之俱按周禮巾
車職簾曰 金輅鈞繁纓九就康成注曰金輅以金
飾輅裝以五鳳升龍間火珠黃衣黃弁駕黃車畫輪
金輅旂裳畏鈴響螭頭震九衢 象輅朱繁纓七就
康成注云象輅以象飾輅製以銅葉金塗繁有光貼
牙檜軾坐籠床亦一作赤號六駕繁纓七旂繡紅羅烏
隼翔 革輅龍勒條纓五就康成注云革輅輓也以
革而飾漆之無他飾革輓製以赤白飛銅六駕馳聯

翮龍虎茂黃旂龍帟當革鞞漆製條纓五戎弁寬裁
對鳳衣木輅前繫纓鵠建大麾康成注云木輅不
輓以革漆之前讀讀字一本空為錙剪淺黑製以鳳啣鈴
珮響交加御座革裯織百花十六金龍齊夾轂皂羅
塵上繡龍蛇

差官輓祭及清道

禮祀與郊祀俱差祠官輓祭按周禮大馭掌玉輅
以祀及犯輓注曰行山曰輓犯者封土為山象以菩
荔棘柏為神主既祭以車轆之而去喻無險難也清
道之神乃三重王出入則八人夾道行服武弁緋袍
繡衫執黑漆杖按周禮祀條音狼氏掌執鞭以趨避

之義也愚詳之即半夜而過連聲告報兩街首位俱
令滅燈燭者是也

駕詣景靈宮儀仗

主上宿大慶殿致齋次早五更攝大宗伯詣殿前執
牙牌奏中嚴外辨護衛鐵騎自四更時接續番裡導
行諸司員一本分局分內侍人員司屬前往宮闈排班百
官各法服冠珮入朝起居畢各出殿門轡馭在學士
院伺候快行衛士各執蓮炬在檻下伺駕登道遙輦
從駕詣景靈宮行奏告禮次第朱旗數十面鑼鼓隊
司一作引驅象二頭各以宮錦為衾披之以金裝蓮花
寶座安于背中金轡籠絡其首體座一衣錦裳人執

銀鏤跨頭驅行按晉書輿服志及漢鹵簿在前宋朝
開寶初廣南來貢吳越王以廣南交趾獻于朝以備
大駕南渡于後入貢南幣給錦衾覆之理廟朝安南
貢至今備大駕先驅之儀伏鹵簿有幡幟者謂之告
止傳教信幡各以緋帛雜錯未本字一告止者以為
行之節傳教者有教令所不及置幡以傳信幡者題
表官號以為待信也蓋謂教信幡傳告止幡陵風朱
珮錦衣間一傳一作丁一本舉皆如節直自圜立至
九關鹵簿儀仗有高旂大扇畫戰長矛以五色介冑
騎一作馬之士或小帽錦繡抹額者或頂黑漆團頂
幘頭者或以皮如一作兜兜鑿者或漆皮如犀蚪而籠

巾者或衣紅黃罽画錦繡服者或衣純青純皂以至
靴一作鞋襪皆純青皂者或裝交脚幘頭或錦為絕如
蛇透一本有身者或數人唱引大旗行過或執大斧
跨劍銳牌持鎗棒者或持竿上懸豹尾者持短竿者
於戟上綴五色結帶銅鐸者又有儀仗內名襍步角切
稍小阜切皆按開元禮志金吾將軍執襍稍以察隊五
去其非違形如劍而三一本又以虎豹皮為袋盛
之其制始于秦漢爾雅云襍稍牛抵觸百獸不敢當
制牛首於上正謂虎劍囊封似劍形刻成牛首獸
皆驚後先鹵簿彰威德糾察非違孰敢櫻或持朱藤
結方圓網者名罩罩呼卓切按徐安釋疑曰乘輿

黃麾內左單右單以朱藤結網二螭首紅絨拂蓋單
方單圓取單昂二星象又云天文單昂之中謂之天
街故以單單前導也建物旗者其制有黃龍負圖君
王萬歲天文綵繡日月合璧五色連珠重輪慶雲五
岳四瀆四方祥物祥一本無光瑞氣雙蓮秀芝嘉木
瑞瓜金牛赤豹鸞鳳龍鱗白狼鸚武鷓鴣耆錦織一作
幟一作扇犀祥鶴危君王右一作乾繖曲蓋朱圓扇者按
張帛避雨謂之繖赤質背表正方四角有銅螭頭其
曲蓋者武王時大風折柄太公用之而制曲繡團朱
扇按漢制乘輿用也法駕鹵簿儀仗隊引者如節幢
受戟帶祥烟角斃弓刀列後先五十隊中分六引設

官領袖畫華鞵有大旗名蓋天旗立于麗正門外御
路中心又有旗高三四丈謂之次黃龍旗往太廟一作
郊前立若郊祀移於青城行宮門外立之亦名蓋天
旗也更有含索旗座首以餘立之有天一作武金吾
親勳諸班弼奉神一作隊密一作扎九重環寶輦繡
飛捲香塵又有交脚幟頭勝劍足靴如四直者一
二百人不可名狀諸殿直親從官皆帽衣結帶紅錦
或紅羅上紫團搭戲獅子短後打甲背子御龍直裘
真珠結絡花兒短中衣紫上雜色小繡花衫鍍金束
帶腰懸花省帶綵鞋文武官皆頂朱漆金裝笠兒衣
紅上團花背子其國朝九寶如大朝會置於殿陛前

郊明大祀迎于儀仗中符寶官二員左右奉寶以從
駕謂之迎寶輿也三衛太尉并御帶環衛官皆小帽
背子或紫繡靴袍跨馬前導內侍亦小帽紫繡袍從
駕導行千乘萬騎駕到景靈宮入次少歇奉詣詣聖
祖殿行禮以醪茗蔬菜醑饗之樂奏乾安大安靈
安興安祖安正安冲安報安之章樂舞發祥流慶降
真觀一作碩德之曲奏告畢駕回太廟宿齋

駕回太廟宿奉神主出室

上御平頭輦回宿太廟齋殿其禁衛鐵騎盡移至太
廟繞瑞石山前後護衛文一作武金吾武勳羽林等
兵士並列衛六軍儀仗鹵簿移屯太廟後夜移麗正

唱探嚴更警惕並如致齋夕於黃昏鐘鼓院官赴太
廟前報出動更籌唱過姓名如前令也三更行事大
宗伯奏中殿外辨上出齋殿禮直官等導引詣太廟
諸室殿庭行奏告禮上詣殿上南東隅西立行三
獻獻牲牢宮架樂奏乾安興安正安億安之章樂舞
文德武功皇武大定昭文美成治一作洽隆大明重光
承天瑞慶大德大倫大和之曲禮畢奉太祖太宗高
宗神主出空殿下橫街之北分祀七祀位如司命戶
灶中霤門厲行等神橫街之南設配饗功臣趙韓王
以下二十五位分祀左南班宗室奉行其三神主命
內侍以儀仗迎往明禋殿天明時乘黃令一作進玉

輅奏請登玉輅珠旒牙軾翠流蘓環珮天香蕪寶爐
中勅乘黃親進御玉虬擁駕下雲衢上御冠服如圖
畫星官之狀其通天冠俱用北珠捲結又名卷雲冠
服降袍玉珮執玉元圭正座玉輅上左右各一內侍
名御藥冠服執笏侍立左首欄檻邊一從侍中書官
者曲身冠服旁立于欄以紅絲條繫定免一作致踈
失名為執綬官以備玉音顧問親承接帝俞儒學已
通稽古力更求民瘼備嘉謨駕輅衛士裹漆圓頂蓋
耳帶帽子着黃生色寬衫青襯衫青襪頭袴青履繫
錦絕輅後四人攀行如攀枝狻兒輅前有服法服朝
冠二人執簡道輅行輅之左右亦二人服法服乘馬

從輅行辨嚴于輅放行時參政前遮奏少遲預勅一作
勅金吾街仗使威容浸威務如儀蓋奏請少遲欲令
萬騎千官整齊築法儀森嚴按典刑逍遙平輦小輿
輕金龍間飾彤霞綵綬引天街寶輅行誕馬六匹按
孝武昭王侯誕馬不得過二足誕散也舊並施鞍韉
景祐初志令輅前凡六匹誕馬者正謂之紅檐誕馬
控雙行項下朱絛繫綵纓駟士錦衫勒執御共誇汗
血似雲韁按馬青衣錦寶相花衫也人御馬常儀外
有甲騎綴以金鈴在輅前引行鑾鈴犀甲控青鬃凡
馬俄驚一洗空御筆賜名猶記浣牙牌金刻草頭風
此本朝故事郊裡皆遵制導引矣

駕宿明堂齋殿行禮禮

上自太廟御玉輅入鹿正門宿齋殿遵先朝親祀明
裡故事明堂殿即文德中配饗大常寺奉常官于殿
上立正配四位皆用黃 設版位居北面南 昊天
上帝位君東面西太祖太宗高宗位惟矮案上設禮
物及殿廡設天星岳瀆百神版位推設祭器設玉冊
於殿陛之間乃玉刻金滕寶冊文鋪張景鑠掩前開
在天列聖皆欣頤宜有著登錫聖君凡大祀差大祝
一員進搏黍及肺祭奠玉冊得其玉冊文章禮及恭
為民祈福額蒼穹憑誰設玉詣祠壇帝勅清朝小府
官蒼壁黃琮仍瓚爵靈光下燭寶光寒護水者按周

禮小司寇凡裡祀五帝寶水令差從官一員奉祀一作

禮滿領鏤水潔而清耗試隨時更沃增腥蒸厭來俱

一作饌成猶自氣蒸騰光祿牽牲有舊章詣厨更覆

屬丞郎各供乃職知嚴恪芳薦豐陳鼎俎香荐牲官

爾秉犧牲總用駉一本近壇眠宰尚聞聲須臾玉俎

供肥脂主上躬臨奏荐牲妙送甘泉從侍臣列祠太

乙九宮神高禘一作上賜垂靈祝同衛宸旒奏帝真

乃分祀九宮貴神于東青門外祠壇也分祀農師

重誠有司設壇勢岩々報崇初人主親裡日不比春

祺咏載焚其夜三更攝大宗伯執牙牌奏中嚴外辨

奏行事駕出齋殿面南設一大帷次更換祭服青

袞龍脈中朱舄繩玉佩褱平天冠二十四旒並大真
珠為旒知閣御帶環衛及大禮使太常禮直官前導
二一作內侍御空一作華扶侍上自黃道撒瑞腦香而
行至明堂殿外恠次請上升御座少歇同禮節嚴整
其登歌道士十餘人列鐘磬二架歌色琴瑟等有五
七執事人在殿上執役殿前設官架樂在列編鐘玉
磬其架如方響者同無一本但增廣而高大立于地編
鐘形稍編玉磬狀似曲尺繫其曲尖處皆上下四層
柱之架兩角綴以流蘇次列數架大鼓或三或五以
木窖貫立于架座上節鼓有如琴而長者如箏而大
者截行如蕭管兩頭存節而橫吹者有玉燒成如圓

彈而開竅者如笙大者如簫而增管者有欲鼓則鼓
清亮宮架前立兩竿樂工皆褱介幘如籠巾者緋寬
衫初帛共舞者頂紫色冠上有橫板皂服朱裙履
樂作初則文舞手執小牌比文舞諸加數人擊銅鏡
響環又如擊鋪灶宋者又兩人共移一銅甕就地擊
者舞者形如擊刺如乘雲如分手皆舞容矣冕旒奕
奕一本作葉按靈光酌禮惟勤舉祿將文德武功皆寓舞
自然綴兆美異章舞分八佾樂章諧手執明揚古意
回莫道綺儀無祖述兩階曾格有苗來樂作先擊祝
以木一作不造如方壺画山水之狀每奏樂擊之內外
共九下樂止則擊敔如伏虎形脊上皆鋸齒一曲終

以破竹刮之而樂止明堂樂章奏乾安景安嘉安廣
安化安豐安光安禧安彰安德安正安熙安之曲凡
樂曲共十九章明禋祀俱用十一一作景靈宮及太
廟四章五相更易以奏皆安字為名清廟靈宮暨禋
壇伶工總屬奉常官八音款格神人悅樂曲更成十
九家明堂樂舞文德武功之舞凡隆歌宮架樂全憑
神樂宮一作掌之凡大祀用登歌宮架樂差攝太常
丞二一作員一則充壇上舉麾一則充壇下舉麾又
差協律郎二員一則視壇上舉麾一則視下壇一作壇下
舉麾則拜宮架登歌屬奉常舉麾神樂丞郎殿堂
五奏鈞天樂丞一作丞拜精虔合典章一常直官于小

帷次奏請行禮導引上至殿階下惟有禮直及大禮
兩使扶持上殿登其知閣御帶環衛俱侍立殿檻下
伺駕回上登殿詣正北一位吳天上帝前拜跪攝殿
中監察來回一拜進爵再拜復次引詣正東太祖
太宗高宗位拜跪進爵並行初獻禮駕統升殿宮架
樂止則殿上登歌樂作駕降殿則登歌樂止宮架樂
復作龍衮初升殿陞階奉天的祖藏呈儀虎闕夕啟
咸來從坐紛綸衛百祗亞獻差親王代行禮理廟
朝委皇太子亞獻其祭肱準制度按宋朝會要服衮
冕垂白珠九旒章大小雙綬謂之冕珠旒荐二觴九
章雙綬表儲皇由來欽若為家法嗣復無疆有道長

巫獻畢禮直官再奏請駕升殿詣昊天上帝位前左右二員奉玉冊官登冊而跪上拜跪奠酒執玉圭而跪中書舍人讀玉冊正謂幣玉高擎授上公發幽青一作冊頌成功捧未寶爵親監滌醴酒浮香琥珀紅上復降殿小帳內終獻差親王行禮祇事明禋與九筵禮成三奠樂重宣欽令廟祏如警固宗祀先來肺腑賢終獻畢禮直官奏請上登殿飲酒受昨進玉爵跪受穹皇鴻福萬年觴三咽仍分飲昨香欽錫庶民皆協極受元純福善喜嘗飲昨畢送神景安樂舞象靈旋誠達穹昊徹豆籩羽葆霓旌回盼獨福流鴻祉萬斯年上降殿詣小帳前拱立望燎則上殿禮科幣

帛玉冊右階而下南去有燎爐上有一人點唱諸物入爐焚之殿側典廡廊陪祀天星百神陪祀官及執事官皆面北而立班贊者唱卿拜衆俱拜而出上自小次前登小輿還火次更服登輦教樂所伶人在殿門排列奏慶禮成曲一甲士舞禮成曲破訖伶人進口號樂復作麗正門外諸軍鼓吹作俱聲振天地輦入垂拱殿宰執政官常服入賀大起居蹈舞九拜蒿呼稱壽樞密宣制曰履茲新慶與卿等同攝禮部郎奏解嚴于殿前宰臣百官出麗正門外幕位伺候天明入登門放赦

明禋禮成登門放赦

宰執百官立班於麗正樓下駕輿宮架樂作上升樓
扇蓋初臨樓檻外捲簾敬坐正臨軒要令祭澤諶
芳國先示克民肆罪愆犬竿尖直上有盤立金鷄啣
紅幡上書皇帝萬歲盤底以紅絲索懸于四角令紅
巾百戲人爭先沿索而上先得者執金鷄嵩呼謝恩
前輩有詩曰立起青雲百尺盤文身駢勇上鷄竿嵩
呼爭得金幡下萬姓均歡仰面看御樓上以紅錦索
引金鳳啣赦文放下至宣赦臺前通事令人接赦詔
宣讀大理寺率簿兩司等處以見禁杖罪之囚衣褐
衣荷花枷以獄卒簪花 伏門下傳旨釋放湯網蠲
除不任刑聖心仁恕給民生傳宣脫去花枷後萬歲

聲連快活聲樓上簾已垂傘扇已入上回內伶人樂
大震迎駕入內赦頒群邑急翻身行迎拜宣傳廣聖
仁四海一家霑大霈盡令黎庶慶維新

郊祀年駕宿青城端成殿行郊祀禮

向于咸淳年間度宗親饗南郊祀用正月朔正係上
辛日行事前三日致齋于大慶殿內次日駕詣景靈
宮奏告回太廟致齋奏請三祖出室第三日自太廟
升玉輅其金象草木四輅從行幸嘉會門外至郊臺
次側青城端誠行殿致齋通天冠綴寶珠明五綵雲
中警蹕聲萬騎千官齊道從君王今夜幸端誠所謂
青城止以青布幕為之函楚砌之文旋結城闕以淨

明院為行宮建端誠行殿以脩一日之幸舊東都宣和間用土木蓋造行殿以青布幕圍之儀伏鹵簿排列至行宮鐵騎圍繞衛護分命三衛主管衛兵貔貅萬旅護郊垆特戒都門早放局分命三營親典領衛嚴行殿悉安寧上宿青城行宮在都城外三里總務官與殿帥至城司提點官遇夜五行提舉衛兵謂之錦鞞金勒出宮城還入龍闈綴殿行珠帽繡衣提舉處連營諾震四小聲又有紫金緋衣數隊千餘人羅布郊野守衛又差行宮都巡檢使部領甲軍往來巡邏至夜嚴更警惕喝探並如明裡式行宮前立蓋天旗于青城御街中大旗五丈築星躔高揭圖壇八陛

前君德天臨無不蓋故令備物象純乾其夕燈明天氣清朗星斗增輝雲彩無之前人作詩咏曰消選休成舉泰裡西方冠蓋集都城格天聖德將何驗晝日如春夜朗明三更時攝大宗伯奏中嚴外辨禮直官奏請行事烏幘朱衣引近簪奏如外辨與中嚴對傳金字牙牌退帝幄中官喝捲簾上出端誠殿升安輦南行一作曲尺誤西去百步乃郊壇入外壇東門至第二

壇東面南一大幄次駕幸火次更換祭服畢禮直官知閣御帶環衛大禮使導引天步舒徐曳袞裳旒珠圭玉儼齋莊欲騰明德唯馨遠黃道先揚瑞腦香屬鞮特：送銀瑤班歷朱衣典奉常前導袞衣親大祀

金鉉鐵甲開爭先上之壇下小幄謂之小次設御座
在內奏升御座少歇禮直官催禮科辨嚴鳴景陽鐘
其嚴甚大且清鐘如寺觀鐘樓寺大上鑄日月星斗
列曜中鑄五輅儀仗下鑄六街三市於鐘上禮嚴登
極享高靈東粟牲牢薦德馨特分切景鐘催節奏
洪散考擊徹青冥然後宮架樂作奏請上升郊壇行
事其郊壇象天立制築園丘饗帝于郊法有周壇陞
崇高音類又音廷挺漢近雲車風馬按靈游壇高三層有
七十二級壇面方圓各三丈壇有四階正南曰午階
東曰卯階西曰酉階北曰子階壇上設黃罽四位大
饗宴奉太祖太宗配于高宗昨孝廟時按周成王

一作祀洛中陟配于文王惟漢武合祠汶上今推嚴
于高宗也壇龕十二壇從祀諸神位七百六十有七
板位係朱牌金字蒼穹宗祖萃天星岳瀆方維會百
神一作金孔明標朱板位傳今髣髴享精誠雅樂遵
堂奏豫和教文昭假協登歌星驅日御均歆頌天靜
無風海不波上登壇登歌樂作行初獻禮畢降壇委
親王行更獻禮上再登壇讀玉冊跪奠訖再降壇親
王行三獻禮畢升壇飲福受胙送神畢上登壇立小
次前邀請君王望燎光禮嚴燭座各隨方奉常贊引
令班退環珮琤琕夜未央其禮科幣帛玉冊並由酉
階而下出南壇門外去壇百步有燎炉高丈餘如明

種點唱入爐焚之其郊壇三層四階有十二龕燈十
二宮神內外壇俱設神位每位一板位一燭一爵一
矮桌置牲儀二籩豆一幣各差陪祀官及奉常吏贊
禮焚燎訖宮架樂止鼓吹未作壇下肅然惟聞輕風
環珮聲恍若天仙下臨清雅之甚維時近侍禁衛快
行以燈燭二三百枝列成闌子照如白日上登安輦
率大幄更衣奏請升大安輦如玉輅制度無輪雲
龍耀葉疊三層藤一作織金花御座新十四穗毬珠
間結四垂大帶輝耀人此輦按唐制合用五番輦官
四百五十人脈色如挾輅衛士同以教樂所伶工在
外壇東門排列奏樂導引駕回青城殿受禮成賀樺

一作光隨萬燭明大安寶輦入端誠百僚拜舞丹墀
下震地仙韶賀禮成前後鈺鏡奏禮成導隨法駕返
青城純音直徹雲霄外疑是鈞天廣樂聲上幸端誠
殿宰執百官拜舞禮成樞臣宣制班庭盡鞠躬履
茲新慶與卿同臣心歸美將何報願祝君王壽億萬
百官班退法宮邃密護重簾跪執牙牌奏解嚴班捲
駕行蓮炬煖禮容猶自絳觀瞻天明儀仗鹵簿甲騎
捲班回麗正門上登大安輦左右二卿一本無御藥侍
立前者教樂所伶工作樂後有鈞直容及部伍鼓吹
後從上升輦之前侍中一員奏升降承旨紫壇徹後
駕還宮黃牒前期命侍中容扈衮衣升降霞輅前承

旨示恩隆五輅從輦後回麗正門上至門裡降輦平
章宰執百官立班于門下伺候上登樓臨軒立金雞
竿放赦如明裡禮同太皇垂簾設帳內庭芳旁慈母
親承看嗣皇忽奉起居仍問勞徃來互遣貴貂璫欵
看回鑾報六宮內東簾幙舞翔龍大安輦上瞻天表
熙事圓成尚正容

夢梁錄卷之五

夢梁錄卷之六

宋錢塘 吳自牧 著

十月

十月孟冬正小春之時蓋因天氣融和百花間有一
二朵開者似乎初春意思故曰小春月中雨謂之液
雨百虫飲此水而藏蟄至來春驚蟄雷始發聲之時
百虫方出蟄朔日朝家賜宰執以下錦名曰授衣且
賜錦花色依品從給賜百官入朝起居錦衣襖三日
士庶以十月節出郊掃松祭祀墳墓內庭車馬差宗
室南班往攢宮行朝陵禮有司進煖爐炭太廟享新
以告冬朔諸大刹寺院設開爐齋供貴家新粧煖閣

低垂簾繡老穉團團淺斟低唱以應開爐之序

立冬

立冬日朝廷差官祀神州地祇天神太乙十五日水官解厄之日宮觀士庶設齋建醮或解厄或存亡立冬之後如遇瑞雪應序朝廷支給雪寒錢閏會二十萬以賜軍民官放公私貸錢五七十日應作以示優恤

孟冬行朝饗禮遇明禋歲行恭謝禮

每歲孟冬例與上旬行孟冬禮遇明禋行恭謝禮係先一日朝饗禮次日方行恭謝而官與宰相起居在學士院伺候駕出景靈宮待旦催班入帝廷殿中緣燭徹室明衛士拱立聽宣輦華炬金蓮引駕行駕前

教樂所伶工導引作樂道遙輦後鈞容直動鼓吹從

後一作

詣景靈宮行恭謝禮成就西齋殿賜平章

執政親王百官宴盞次食品並如朝會聖節同凡群

臣飲量內侍先奏定酒斟淺深每盞用平尺量分數

各有定數不得留殘前進畢上降輦轉御屏百官小

歇傳宣賜群臣以下簪花從駕衛士起居官把路軍

士人等並賜花檢會要嘉定四年十月十九日降旨

遇大朝會聖節大宴及恭謝回鑾主上不簪花又條

具遇聖節朝會宴賜群臣通草花遇恭謝親饗賜羅

帛花且臣僚花朵各依官序賜之宰臣樞密使合賜

大花十八朵欒枝花十朵樞密使同簽書樞密使院

事賜大花十四朵藥枝花八朵教文閣學士賜大花
十二朵藥枝花六朵知閣官係正任承宣觀察使賜
大花十朵藥枝花八朵止任防禦使至刺史各賜大花
八朵藥枝花四朵橫行使副賜大花六朵藥枝花二
朵待制官大花六朵藥枝花二朵橫行正使賜大花
八朵藥枝花四朵武功大夫至武翼賜大花六朵正
使皆藥枝花二朵帶遥郡賜大花八朵藥枝花二朵
閣門宣輦舍人大花六朵簿書官加藥枝花二朵閣
門祗候大花六朵藥枝花二朵樞密院諸房逐房副
使承旨大花六朵大使臣大花四朵諸色祇應人等
各賜大花一朵自訓武郎以下武翼郎以下並帶職人

並依官序賜花簪帶快行官帽花朵細巧並隨柳條
教樂所伶工雜劇色渾裡上高簇花枝中間裝百戲
行則動轉諸司人員如幹旋殿幹及百司下親事等
官多有珠翠花朵裝成花帽者惟獨至尊不簪花止
平等輦後四黃羅扇影范而已都人瞻仰天表御街
遙望如錦向有朝臣吟二十八字曰景靈行駕到和
寧頭上宮花射彩雲歸向慈嚴誇盛事誓殫忠力報
吾君又有恭謝一二詞咏之名滿庭芳鳳閣祥煙龍
城佳氣時裡恭謝時豐綺羅爭看簾幙捲南風十里
仙儀寶仗 紅翠玉環玲瓏鑿回也簫韶緩奏散在
千官迎萬乘絲輪疊疊錦繡重聽鳴稍輦路宴罷

鰲宮瞻仰天顏有喜君恩霈寰宇雍容生平願洪基
固拱聖壽永無窮慶清朝銀燭花殘紅消燭淚九重
魚鑰韶聲沸奏萬乘祥曦門外蓋聖君恭謝靈休謹
訪景明嘉禮天意好祥風瑞月榭一作時正當小春天
氣禁街十里香中御輦萬紅影裡千官花底控繡勒
寶鞭搖曳看萬年永慶吾皇撚指又瞻三載御街
行時康三載昇平世恭謝三朝禮群臣禁衛帶一作戴
花回馭卷兒郎精銳戰袍新樣團鵬擁重隘圍子隊
繡衣花帽挨排切錦仗天街裡有如仙隊玉皇來妙
樂鈞天盈耳都民觀望時果是消災滅罪瑞鶴仙歡
聲盈萬戶慶景陵禮畢鑿輿遊步西郊煖風布喜湖

山深鎖飛烟飛霧傳收繡羽驂駟馳驟絨縷望彤芳
穩金鑿衣鸞翔舞雲馭近回天廐錫宴瓊津洪恩
鈞頤霞天向暮翠華動舞韶舉絳紗籠千點星飛清
禁銀燭交輝輦路瑞光中渺祝無疆太平聖主車駕
還內后妃殿閣蒙頒犒餅歲高裝數百重均給隨鑿
禁衛士狼飡皆有喜歡容

十一月冬至

十一月仲冬正當小雪大雪氣候大抵杭都風俗舉
行典禮四方則之為師宮是冬至歲節士庶所重如
饋送節儀及舉盃相慶祭享宗裡加於常節士庶所
重如晨之際太史觀雲氣以卜休祥一陽後日晷

長比孟月則添一線之功杜甫詩曰愁日愁隨一線
長正謂之也此日宰臣以下行朝賀禮士庶人互相
為慶太廟行荐黍之典朝廷命宰執祀於園丘官放
公私僦金三日車駕詣橫宮朝享

十二月

季冬之月正居大寒小寒時候若此月雨雪連綿以
細民不易朝廷賜閑會給散軍民貸錢公私放免錢
不徵自冬至後成日數至第三成便是臘日謂之君
王臘：月內可鹽猪羊等肉或作腊犯法魚之類過
夏皆無損壞惠民局及士庶修製臘丸藥俱無虫蛀
之患此月八日寺院謂之臘八大刹等寺俱設五味

粥名曰臘八粥亦設紅糟以麩乳諸果笋竿為之供
僧或饋送檀施宅貴等家二十四日不論貧富皆備
食錫豆祀灶此日街坊及市間叫買五色米食花果
膠牙餈箕豆叫聲為沸其夜家以燈照於卧床下
謂之照虛耗二十五日士庶家煮赤豆粥祀食神名
曰禳口粥有猶狗者亦與焉不知出於何典考之此
月雖無節序而豪貴之家如天降瑞雪則開筵飲宴
塑雪獅裝雪山以會親朋淺酌低唱倚玉偎香或乘
騎出湖邊看湖山雪景瑤林瓊樹翠峰似玉画亦不
如詩人才子過此景則以膈雪煎茶吟詩咏曲更唱
迭和或遇晴明則邀朋約友夜遊天街觀舞隊以預

賞元夕歲旦在途席鋪百貨西門神桃符迎春牌兒
紙馬鋪印鍾馗財神迴頭馬等饋與主顧更以蒼朮
小棗辟瘟丹相遺如宮觀羽流以交年疏小木湯茅
送檀施家醫士亦饋屠蘇袋以五色線結成四金魚
同心結子或百事吉結子並以諸品湯劑送與主顧
第宅受之懸於額上以辟邪氣街市撲買錫打春幡
勝百事吉斛也兒以備元旦懸於門首為新歲吉兆
其坊巷叫賣蒼朮小棗不絕又有市爆伏成架烟火
之類自此街市有貧丐者三五人為一隊裝神鬼判
官鍾馗小妹等形敲鑼擊鼓沿門乞錢俗呼為打夜
胡亦驅儼之意也

除夜

十二月盡俗云月窮歲盡之日謂之除夜士庶家不
以大小俱洒掃門閭去塵穢淨庭戶換門神挂鍾馗
釘桃符貼春牌祭祀祖宗遇夜則備迎神香花供物
以祈新歲之安禁中除夜呈大驅儼儀並係皇城事
諸班直戴面具着繡畫雜色衣裝手執金鎗銀戟画
木刀劍五色龍鳳五色旗幟以教樂所伶工裝將軍
符使判官鍾馗六丁六甲神兵五方鬼使灶君土地
門戶神尉等神自禁中動鼓吹驅祟出東華門外轉
龍池灣謂之埋祟而散是日內司意思局進呈精巧
消夜果子合：內簇諸般細果時果蜜煎糖煎及市

食如十般糖橙沙糰韻果蜜盪或皂兒糕蜜酥小泡
螺酥市糕五色菓豆炒棧栗銀杏等品及排小巧玩
具頭兒牌兒貼兒小酒器工棒
子中做造像生大安葦或玉輅丸
等是夜禁中爆竹蒿呼聞于街巷
火屏風諸般事件爆仗及送在
聲如雷士庶不以貧富家
日圓爐圍坐酌酒唱歌鼓

盒

相

爆仗

如同白

謂之守歲

夢梁錄卷之六

夢梁錄卷之七

杭州

宋錢塘 吳自牧 著

杭城號武林又曰錢塘次稱胥山隋朝特一作剡立

次郡杭僅三十六里九十步後武肅錢王發民丁與

十三寨軍卒增築羅城週圍七十里許有南城門稱

為龍山東城門号為南上一作北上一作保德北城

門名北關今在餘杭門外人家門首有青石塾是也

西城門曰水西關在雷峰塔前城中有門者三曰朝

天門曰 門曰鹽橋門宋太祖 年間錢王納

土 安有号為寧海軍高 于紹興歲南渡

國家圖書館, NATIONAL CENTRAL LIBRARY, TAIWAN, R.O.C.

無湊

川湊

于此遂稱為行在所其地襟江抱湖川一作

衍民物阜蕃非殊方下郡比也自

歸宋易名旱門僅十有三水門者五城

南門者名嘉會城樓綉綵為諸門冠蓋此門為御

道遇南郊五輅欲此幸郊壇路城東門者七曰北水

門曰南水門蓋禁中水從此流注出鉄沙河及橫河

橋下其門有鉄窓柵鎖閉不曾輒開曰便門曰候潮

門曰保安水門河道跨浦橋與江相隔耳曰保安門

俗呼小堰門是也曰新開門城東門有三曰崇新門

俗呼薦橋門曰東青門俗呼菜市曰艮山門城北門

者三曰天宗水門曰餘杭門舊名北關是也餘杭水

門蓋北門浙西蕪湖常秀直至江淮諸道水陸俱通

城門者四曰錢塘門曰豐豫門曰湧金門曰清波郎俗

呼閩門也曰錢湖門其諸門內便門東青艮山皆甃

城水門皆平屋其餘早門皆造樓諸城壁各高三丈

餘橫濶丈餘禁約嚴切人不敢登犯者準條治罪城

內元三門俱廢之獨朝天門止存兩城壁杭人獨以

門稱之

大河橋道

自和寧門外登平坊內曰登平橋次曰六部橋即都

亭驛橋北曰黑橋兌玉牒所對巷曰州橋執政府大

渠南曰安水一作永橋次曰國清橋投東轉北曰保安

延壽橋權貨務東曰阜民橋不通舟楫合同場前曰
軍橋襍賣場西曰通江橋沿大河直至曰望仙橋次
曰宗陽宮橋介真道館前曰三聖橋榮王府前曰佑
聖觀橋沿河看位前曰榮王府橋常慶坊東曰太
和橋樓俗名柴埭富樂坊東曰薦橋北曰豐樂橋善
履坊東曰油蠟局橋元呼新橋興福坊東曰鹽橋上
奉廣福孚順孚惠孚佑侯蔣相公祠橋東一直不通
水旱橋名蒲橋咸淳倉前曰咸淳倉橋元名東橋御
酒庫東曰塌坊橋仙林寺東曰仙林寺橋平糶北倉
曰西橋豐儲倉後曰葛家橋東曰通濟橋俗名梅家
橋御酒庫北曰小梅家橋通濟橋北曰田家橋次曰

晉濟橋白洋池前曰白洋池橋次曰方家橋自大河
直直通天宗水門至三閘也

小河橋道

自宗陽宮橋轉西河曰鍾公橋次曰清冷橋南瓦子
前曰熙春棧橋南瓦內投西曰灌肺顏橋通和坊東
曰金波橋北曰普濟橋次曰巧兒橋寶佑橋五間樓
巷東曰亨橋賢福坊東曰平津橋俗名猫兒橋北
曰舍人橋次曰永清橋鉄線巷西曰水巷橋次曰新
橋義和坊曰芳潤橋元名炭橋武志坊東曰李博士
橋次曰棚橋新安坊東曰新安橋出御街投北曰象
安橋投東入延定坊曰鴉鴨橋次曰安國橋又名北

橋：北曰軍頭司橋，懷遠坊出御街投北曰橋；之西曰貢院橋，次曰藩封酒庫橋，雜作院西曰祥符橋；西曰小新莊橋，普寧坊東曰清遠橋，仁和縣衙對巷曰仁和倉橋，縣巷北曰萬歲橋，六部架閣庫前曰天水院橋，淳佑倉前曰倉橋，次曰水新橋，出餘杭水門亦由于三閘水路，曰其衆安興觀橋，皆平坦與御街同蓋。四孟車駕經由此兩橋，轉西禮部貢院路，一直過新莊橋，詣景靈宮行孟饗禮也。

西河橋道

自衆安橋轉西曰衆安橋，梁次曰下瓦子橋，沂王府北曰結縛橋，十官宅前曰石灰橋，次曰八字橋，元呼洗

楚橋南曰馬家橋，次曰鞞鼓橋，清河坊東曰洪橋，次曰升亭橋，曰施水坊橋，西橫街有橋名曰曲阜其橋不通舟楫，水脉自六房院後石橋下湖水從此流出也。韓府南曰軍將橋，次曰三橋子，西樓酒庫前曰惠進橋，元呼金文庫橋，羅漢洞巷對曰侍郎橋，向有侍郎姓廉名郎叔居此，又有賢德及人里巷賢之以盛名以記之。南真道館前曰施家橋，斯河頭五頭祠後曰普濟橋，亦自八字橋轉西曰清湖橋，次曰黑橋，左藏庫前曰藏庫橋，楊駙馬宮前投西曰安濟橋，潘國塔卷通接樓洋街路曰安福橋，直抵故太學，次曰丁家橋，霍使君廟前曰長生老人橋，錢塘縣巷曰縣橋。

跨真珠河曰真珠河橋此兩橋俱不通舟國子監前
曰紀家橋監後曰車橋側曰青龍橋茶湯巷西曰長
壽橋舊名楊妬橋萬壽觀前曰新北一作橋景靈宮
前曰車馬橋鎮城倉西曰師姑橋餘杭門裏中正橋
元呼斜橋水門前曰釣橋舊名便橋水路出餘杭水

門通三閘

一本有也字

小西河橋道

自西樓稷酒庫側三橋南入惠遷橋西過惠遷井曰
太常寺後小橋次曰臺官街後門橋六房省院對曰
如意橋度牒庫後巷曰一作永安橋即五聖廟橋西
曰度子橋次曰湧金橋界于湧金三池之中矣湧金

門北沿城鑷子東井曰鑷子井橋張府後俞家園東
曰永安橋六房後門曰石橋此三橋俱不通舟湖水
溢于橋下暗溝注于曲阜橋下流出西河俞家園九
官宅曰白蓮花橋宅北投西巷曰紅蓮花橋兩橋俱
旱橋耳又自渡子橋轉南轉運司衙前曰普安橋油
車巷對曰德壽橋府學前曰凌家橋謝二郎使一本
前曰定安橋慈幼君前戒子橋樓店務橋次曰流福
橋元呼開兒橋臨安府治前曰州橋俗名懊來橋蓋
因到訟庭者到此心已悔也故以此名呼之一本無末句

倚郭城南橋道

城南所管地界自白塔額下橋曰追隆兒門裏夏家

橋交木場後曰楊婆洋津橋東曰李家橋本廟治廳南曰揚洋橋馬倉巷口名紅橋子美政坊前曰美政橋雪酷庫東曰南新橋俗呼朱橋嘉會門外曰利涉橋酒庫巷內曰上梁家橋顏家樓對巷下梁家橋浙江亭側曰跨浦橋使門外投南橫河橋布行前亦名橫河橫橋鮫團前曰渾水閘橋南外庫南曰蕭公橋大郎巷口曰土泥橋南外酒庫對巷曰清水閘橋候潮門外南曰衆惠橋護聖步軍南曰下泥橋候潮門外直東上樞木橋又名普濟白旗寨對巷曰下樞木橋護聖教場門東曰上洪橋中教場門東曰中教場橋下教場門東曰柴市橋盛家街東曰濟衆橋妙靜

寺北曰諸家橋：西曰保安閘橋保安水門外曰保安橋新門口門外富景園東名昇仙橋此是旱橋一直向東曰南新草橋城東駱家跳曰駱家橋西首寨前曰馬軍橋：東寨曰前步軍橋善應寺北曰四板橋：西曰萬壽橋又名呂家橋景隆觀後曰通利橋次曰菜一作市橋老兌營後曰五柳園橋北曰福濟又名廣澤一作崇新門外直東曰章家橋北曰淳祐橋拱一作聖營東曰螺螄橋小粉塲前曰普安橋又名橫河橋東曰廣濟橋蒲塲巷軍巡鋪前安濟橋遊奕教塲門曰教塲門橋：東橫河軍巡鋪前曰報恩橋螺螄橋北蟬行曰蔡湖橋遊奕軍祐聖殿後曰遊

奕寨橋：北曰安榮橋南路曰小蔡湖橋殿司雙寨
門前曰前軍橋東青門外直東曰菜市橋遼鋒軍東
曰太平橋北曰端平橋青東門曰十善橋次曰黃姑
橋艮山門東曰順應橋舊名塌子橋仁和尉司前曰
無星橋法明寺前曰駱駝橋寺門外走馬塘曰蠶橋
尉司後曰蠶家橋沙河角頭水陸寺北曰常家橋：
側曰廣度橋走馬塘東石斗門鋪前曰石斗門橋尉
司側曰木板橋沙河角頭曰宋家橋城東鄭家園後
曰翁泰橋次曰馮家橋章家橋姚店橋園後麥莊廟
前曰麥莊橋城東九里松大路曰樟木廟橋廟前曰
江家橋城東盧家雪窰南曰行人橋走馬范家村曰

張娜兒橋姚斗門鋪曰新塘橋石斗門鋪前曰蔡家
大橋城東蔡村曰蔡家小橋高塘灣橫塘路曰姚馬
四橋城東官園裏曰鴨舍橋：大路曰李家橋官園
裡北曰孫家橋金家村曰猪坊橋姚斗門鋪前一本無前
唐家村曰資福橋曰小資福橋斗門東南陸家村曰
陸家橋沈家塘口曰歐家橋斗門南大路曰升仙橋
看經寺前曰看經橋城東胡陳畝等處其橋有九名
曰范家徐家李家陳家杜家姚家仲家橋普寧錢下
廟等橋三一作五里塘路口張家橋：側曰菩薩橋行
人庵側曰嚴家橋殊勝寺前曰殊勝橋塘大路曰三
家橋塘東曰斜一作新橋：側曰鮑家橋塘西曰飛家

橋

倚郭城北橋道

城北所管地界自錢塘尉司西水磨頭曰石函橋又呼西石頭橋西湖孤山路曰寶佑橋俗呼斷橋孤山路中曰涵碧橋和靖林處士故居曰處士橋而延祥四聖觀西曰西林橋蘓堤南來第一橋曰映波第二橋曰鎖瀾第三橋望山第四橋歷堤第五橋曰東浦第六橋曰跨虹先賢堂前橋曰袁公橋蓋府尹袁大資建堂造橋以名記之麴院新堤路小橋曰小新堤橋麴院大路由東曰行春橋九里松左軍教場大路西有橋亦曰行春橋飛來峰路口曰合澗橋龍井路

口曰歸隱橋蓋東坡欲易于過溪北橋也來顧西太清宮前曰孝義橋嶺口寨前曰新河橋麥顏至龍井其橋有三曰善安永安永福橋花一作家步至丁家山有橋者三曰雙井丁家小小丁家山橋高麗寺側曰惠因橋淨慈寺北慶樂園前曰長橋錢湖門外沿城海子口隅下清化橋清波門外流福水路橋聚景園前曰聚景橋顯應觀前曰顯應觀橋湧金門外城北水口上曰相國西橋九曲小渡曰咸淳新建橋曰九曲昭慶橋大昭慶寺前曰昭慶廣濟橋西寨前曰策選寨橋昭慶教場西曰教場橋教場橋北曰崇福橋霍山大路口曰羊坊橋霍山行宮巷口曰保安橋

羊坊巷北曰溜水橋精進寺北曰小溜水橋溜水橋
西北曰沈家塲橋前一帶曰安民橋西曰馬塋觀
音庵西曰八字橋運司竹木塲前曰馬軍橋羊角埂
上有橋者四曰上泥下泥崇壽閣家橋馬塋烏盆塲
曰富春橋又名烏盆橋羊角埂西雙寨門曰策蹇馬
軍橋埂西曰入裏曰人勇步人橋本州試院前曰大
通橋王家橋試院東曰道姑橋試院西曰清水橋石
塘東曰西堰橋古塘橋東曰方公橋西曰觀音橋城
西銅錢局前曰古塘橋古塘裏西曰惠安橋北郭務
前曰餘杭橋天宗水門外曰上堰橋餘杭橋側曰下
堰橋北郭稅務北曰塘餅橋神勇鋪曰過軍橋上閘

南曰上斗門橋下斗門西曰永興橋上閘南曰中斗
門橋上閘東陸家塲前曰天宗棧庫橋餘杭門外上
閘頭曰上閘橋上閘北中閘頭曰中閘橋中閘西曰
唐家橋又名壽安橋中閘北下閘頭曰下閘橋米市
橋南曰浴室橋下閘西北曰米市橋米市裏曰黑橋
麻線巷曰採蓮橋夾城巷口曰家橋德勝橋北曰下
斗門橋喬瓦子後曰鄧家橋又曰廣利橋石牌頭巷
內曰衣公橋雜塲後德勝橋舊名堰橋因韓太尉掩
擊苗傳故杭人稱之曰長板橋曰楊塲橋下界倉後
曰高家果塲張家三橋五里大路曰東新橋莫家塲
前曰范塲橋元係小石橋魚行裏曰水水橋接待寺

南曰望佛橋；西曰復明橋一名倪郎中橋；東曰雷道橋魚行裏曰黑橋接待寺前曰香火橋北外酒庫南大路曰佐一作左家橋西倉南曰寶慶又名蔥版螂橋豐儲倉前曰西倉橋倉北曰洞霄道院橋城北廂巷口曰富春一名茆家橋西倉北醋坊橋官界巡司東曰吳家橋司西曰黃家橋江漲務稅東曰江漲橋；西南曰歸錦橋瓜山涇巷口曰洪橋巷東曰杜公橋董家巷北曰獅子橋喻家橋；側葛家余家二橋喻家橋西葉家橋北新東曰費家橋北新南曰羊棚橋；北曰北新橋元名中興永安橋北新隅北曰康家橋；側曰豐惠橋正等舖曰邱墓橋康家橋；

北塘上曰板橋

禁城九廂坊巷

在城九廂界各廂一員小使臣注授任其烟火盜賊杖解所屬其職至微所統者軍巡火下地分以警其夜分不測耳曰宮城廂廡坊巷東至嘉會門禁城角西至中軍壁小寨門南至八盤嶺北至便門巡舖城角在應作左一南廂所管坊巷曰大隱安榮懷慶和豐並在清河坊內南首一帶左一北廂所管坊巷曰吳山坊郎吳小井巷清河坊與南瓦子相對融和坊即灌肺頰巷新街融和之北太平坊通和相對市南坊即中子巷市西坊俗呼壩頭又名三橋街並在御街

西首一帶南新街御史臺相對康裕坊俗呼八作司
巷後市街吳山北坊西相對泰和坊俗呼糯米坊俗
天井坊即天井巷舊名通淞坊稍西龍舌頭路中和
坊元呼樓店務巷舊名淨因坊仁美坊俗呼石版巷
在通判北廳之東近民坊府治東流福坊府治前西
豐裕坊凌家橋西美化坊府學西入巷並在清河坊
北首一帶直至州府沿河至府學前凌家橋西左二
坊廂所管坊巷自脩義坊俗呼菱林巷即由市富樂
坊俗呼賣一作買馬巷衆樂坊俗呼虎跑泉巷教睦坊
俗呼狗兒山巷積善坊即上百戲巷秀義坊即下百
戲巷壽安坊俗名官巷脩文坊即舊將作監巷里仁


坊元名陶家巷保信坊俗呼剪刀股巷定民坊即百
棚巷睦親坊俗呼宗學巷純禮坊元名後洋街巷保
和坊舊稱磚街巷報恩坊俗名觀巷已上在御街西
首一帶福德坊在保和坊巷內招賢坊仁和縣前對
巷登省坊縣衙相對係郭宰買民地初開此坊耳左
三廂所管坊巷欽善坊井亭橋內開扇子巷甘泉坊
相國井巷口與井亭橋對清風坊莊文府南活水巷
清河坊洪福橋西楊和王府前興慶坊結縛橋對前
洋街德化坊舊木子巷在潘閣巷口字民平易俱在
塘縣前右三一作二廂所管坊巷孝仁登平二坊和寧
門外西東壽城坊大廟南糧料院巷天慶坊即天慶

觀巷保安坊元呼廟巷懷信坊俗呼糴糶巷長慶坊
入忠清廟巷一作已上並在大街東西新開坊清平
巷轉東上抱劍營路常慶坊都稅務南柴桑橋巷富
樂坊薦橋西右二廂所管坊巷清平坊即舊沙皮巷
通和坊金波橋路寶佑坊即福王府看位一直路賢
福坊即壩東貓兒橋巷蘭陵坊水巷橋巷義和坊元
呼炭橋巷武志坊元名李博橋巷戒民坊俗呼棚橋
巷為市曹行走一作州之地新安坊名為新橋樓巷
延坊鷺鴨橋巷安國坊即北橋巷懷遠坊舊呼軍頭
司營巷普寧在觀橋之北即清遠橋巷皆在御街東首
一帶同德坊舊呼燈心巷在街北嘉新坊北庫東西

北呼七郎堂巷教欽坊呼竿竹巷北酒庫東面南新
開南巷薦橋富樂坊對新開北巷曰新橋東右三廂
所管坊巷東巷坊即上中沙巷西巷坊名下中沙巷
豐和坊全皇后府東善履坊即芳潤橋東典禮坊益
橋下西堍昌樂坊蒲橋東右四廂所管坊巷名曰興
禮自宗院宮牆之東至傳法寺佑聖觀堂謝太后宅
福田宮出街直到寧海坊俱屬所統也蓋杭舊有坊
巷廢之者七如羅漢洞舊有坊名美俗三橋滂金路
舊名會昌坊洪橋楊府巷元作紫雲坊癸辛街巷為
後訓坊馬家橋西曾立孝慈坊洗瑟橋南北岸謂之
通寶豐財二坊後人不可不知姑並述之

夢梁錄卷之七

夢梁錄卷之七



國家圖書館, NATIONAL CENTRAL LIBRARY, TAIWAN, R.O.C.

夢梁錄

卷之八至十

國家圖書館, NATIONAL CENTRAL LIBRARY, TAIWAN, R.O.C.



夢梁錄卷之八

大內

大內正門曰麗正其門有三皆金釘朱戶畫棟雕甍覆以銅瓦鐫鏤龍鳳飛駮之狀巍峩壯麗光耀溢目左右列闕庭百官侍班閣子登聞鼓院檢院相對悉皆紅杈子排列森然門禁嚴甚守把鈐束人無敢輒入仰視至晡時各門下青布幕護之嚴正門內正衙即大慶殿遇明堂大禮正朔大朝會俱御之如六參起居百官聽麻改殿牌為文德殿聖節上壽改名紫宸進士唱名改牌集英明禋為明堂殿次日垂拱殿

宋錢塘 吳自牧 著

常朝四叅起居之地內後門名和寧在孝仁登平坊
卷之中亦列三門金碧輝映與麗正同把守衛士嚴
謹如人出入守闈人唱頭帽弓門外列百寮侍班閣
子左右排紅杈子左設閣門右立待漏院客西省方
館入登平坊沿內城有內門曰東華守禁尤嚴沿內
城面南皆殿司中軍將卒立寨衛護名之中軍聖下
寨寨門外左右俱置護龍水池沿寨向南有便門謂
之東便門禁庭諸殿更有者十曰延和曰崇政曰福
寧曰復古曰緝熙曰勤政曰嘉明曰射殿曰遠德曰
奉神御殿名欽先孝思之殿更有天章諸閣奉慈祖
至理廟神御之書圖製之籍寶瑞之閣建于六部山

後俱進御膳即嘉明殿在勤政殿之前勤政即木帟
寢殿也嘉明殿相對東廊門樓在殿中首六部尚局
御厨祇應內侍人員俱集于此殿上常列禁衛兩重
時刻提警出入甚嚴內皆近侍中貴殿之廊廡皆知
省御藥御帶門司內轄等官幕次聽候宣喚小園子
快行親從輦官黃院子內諸司司屬人員等上香者
俱聚于廊廡祇候伏後如宮禁買賣進貢皆由此入
惟此寔浩穰每遇進膳自殿中省對嘉明殿禁衛成
列約欄不許過往省門上有一人呼唱謂之撥食次
有紫衣裹捲脚幘頭者謂之院子家托一合用黃繡
龍合衣籠罩左手携一條紅繡羅手巾進入于此樣

約十餘合繼後又托金瓜合十餘合進入若非時取
喚名曰汎索皇太后殿名曰坤寧皇后殿名曰和寧
兩殿各有大官及殿長內侍及黃院子幕士殿屬親
從輦官等人祇候諸宮妃嬪等位次亦有內侍提舉
各閣分官屬掌箋奏院子小園子等人祇直和寧門
外紅杈子早市買賣市井寂盛益禁中諸閣分等位
宮娥早晚令黃院子收買食物下飯于此凡飲食珍
味時新下飯奇細蔬菜果品件不缺遇有宣喚收買
即時供進如府宅貴家欲貪會賓朋數十位品味不
下一二十件隨索隨應指揮辦集片時俱備不缺一
味夏初茄瓠新出每對可直十餘貫諸閣分貴官爭

進增酬之不較其直惟得享時新耳

德壽宮

德壽宮在望仙橋東元係秦太師賜第于紹興三十
二年六月戊辰高廟倦勤不治國事別創宮庭御之
遂命工建宮殿扁德壽為名後生金芝于左棟改殿
扁曰康壽宮中有森然樓閣扁曰聚遠屏風大書蘓
東坡詩賴有高樓能聚遠一時收拾付閑人之句其
宮樂四面遊翫庭館皆有名扁東有梅堂扁曰香遠
栽竹間芙蓉倚竹處有射扁曰梅坡松竹三徑醑醑
亭扁曰新妍木香堂扁曰清新芙蓉岡南御宴大堂
扁曰載忻荷花亭扁曰謝聽臨賦金林橋亭扁曰燦

錦池上扁曰至樂郁李花亭扁曰半綻紅木樨堂扁曰清曠金魚池扁曰瀉碧西有古梅扁曰冷香牡丹館扁曰文杏又名靜樂海棠大樓子扁曰浣溪北有櫛木亭扁曰絳葉香亭前栽春桃扁曰倚翠又有二亭扁曰盤松盤高廟雅愛湖山之勝于宮中鑿一池沼引水注入壺及石為山次像飛來峰之景有堂扁曰冷泉孝廟觀其曾賦長篇詠曰山中秀色何佳哉一峰獨立名飛來參差翠麓儼如畫石骨蒼潤神所開忽聞彷彿來宮圓指顧已驚成列岫規模絕似靈隱前面勢恍疑天竺後孰云人力非自然千岩萬壑藏雲烟上有崢嶸倚空之翠壁下有潺湲漱玉之

〇〇

飛泉一堂虛敞臨清沼密蔭又加森羽葆山頭草木四時春閱盡歲寒人不老聖心神智情幽閒壺中天池非八閭蓬萊方丈渺空濶豈若坐對三神仙日長雅趣超塵俗散步逍遙快心目山光水色無盡時長將把向杯中綠高廟覽之欣然曰老眼為之增明後孝廟受禪議德壽宮改扁曰重華御之次憲明太皇欲御又改曰慈福宮壽域皇太后亦改宮扁曰壽慈御之繼後宮室空閒因之而廢咸淳年間度廟臨政以地一半營建道宮扁曰宗陽以祀感生帝其時重建殿廡雄麗聖真威嚴宮圍花木靡不榮茂裝點景象又一新耳目一半改為民居圃地改路自清河

坊一直築橋為宗陽宮橋每遇孟享車駕臨幸行
燒香典禮橋之左右設漕帥二司起居亭存焉

太廟

太廟在瑞石山紹興間建正殿七楹十三室二車十
駕款謁禮後又幸建康改為聖祖殿復奉神主還杭
仍復奉安于此禮部太常寺遵典行郊禋禮前一日
朝享太廟仍設七祀板位于殿廡橫階之北又設配
饗文武功臣自韓王趙普以下二十五位于橫階之
南後部寺奏增建廟室後東西增六楹通舊十三楹
為一室東西二楹為夾室及增廊廡作西神門冊寶
殿祭器庫屋建齋殿及致齋閣子四十有四楹咸淳

六
九

添置一室奉理廟神主通為一十四室皆正中又築
二成之臺為祠宮升下以奉神主出入之地四祖廟
在諸之西奉僖順翼宣四祖神主耳每遇三年以孟
冬禘饗即廟行禮次詣諸室恭行礼典

景靈宮

景靈宮在新莊橋投北坐西乃韓蘄王世忠元賜宅
基其子獻于朝改為宮向中興初高廟鑾輿幸此
四孟朝獻供于禁中行禮紹興年間臣僚奏景靈宮
以奉祖宗衣冠之所即漢享廟也今就便殿作朝設
位以饗求副廣孝之意遂詔臨安府同脩內司相度
以蘄王宅基修蓋宮廟殿門扁曰思成前為聖祖殿

宣祖至徽宗殿居中東西廊俱圖配享功臣像于壁
元天聖后與昭憲太后而下諸后殿居于後朝家欲
再廣殿廡劉氏餘地其子孫復獻遂增建前殿五楹
中殿七楹後殿十七楹自是齋殿進膳更衣寢殿次
第俱脩焉咸淳年間再命帥臣重脩各殿度廟親洒
扁目自聖祖宣祖太祖至理廟十六殿曰天興天元
宣武大定熙文美成治隆大明重光承元瑞慶皇德
系隆美明垂光章熙之扁自元天聖后至楊太后十
五殿曰保寧太始儷極輝德衍慶繼仁徽音坤元系
儀順承纘德順嗣徽元順 體德之宮扁後有 自東
齋殿西循廡而右為大堂三臨池上左右為明樓旁

有蟠桃亭堂南為西齋殿遇郊禋恭謝設宴賜花于
此西有流杯堂躋水堂梅亭北為四并堂又有橋井
修竹四時花果亭宇不能備載宮南建崇理館命道流
以奉洒掃晨香夕燭之職仍設內侍官提宮事務及
宮司黃成兵侍衛之按朝野雜記太廟以奉神主一
歲五饗朔祭而月薦祈其五饗命宗室諸王奉禮朔
祭以太常卿行事景靈宮以奉塑像歲行四孟饗主
上親祀之帝后大忌宰臣率文武官僚行香僧道作
法事后妃六宮亦皆繼往天章閣奉繪像時節朔望
帝后生忌日皆編荐內臣行禮內庭欽光孝思殿亦
奉神主御上每日炷香凡朔望帝后忌辰節序皆親

行酌獻之禮太廟之祭以行俎豆禮景靈宮祭以奉
牙盤禮天章閣欽光孝思殿以奉常饌行家人之禮

萬壽觀

萬壽觀在新莊橋西紹興間建殿觀宇以太霄殿奉
昊天寶慶殿奉聖主長生殿奉長帝生西則純福殿奉
元命後十二楹為二十二室奉太祖以下會聖宮章
武殿應天璇運皆塑像以存東都遺制前殿東有圓
廟堂扁曰延聖章后惠后室扁曰廣溫成后室扁
曰寧華四孟朝獻畢上由御圃詣本觀諸殿行燒香
禮景定改道院齋閣以奉皇太后元命觀東建神華
館命羽士焚修

御前宮觀

御前宮觀在杭城者六湖邊者三多是潛邸改建琳
宮以奉元命或奉感生帝屬內侍提舉宮事設立宮
司守衛兵士凡宮中事務出納金穀日膳道衆修崇
醮款凡有修勅整宮宇及朝家給賜銀帛殿閣貼齋
錢帛並皆主繼散給羽士沾恩甚隆外觀皆不及也
東太乙宮在新莊橋南元東都祠五福太乙神也駐
驛于此以北隅擇地建宮以奉禮寺討論宜設塑像
按十神者曰五福君基大游小游天一地一四神
臣基民基直符元行五宮四十五年一移所臨之地
歲稔無兵疫紹興間命浙漕度地建宮凡一百七十

四區殿門扁曰崇真大殿扁曰雲休扶殿扁曰瓊章寶室元命殿扁曰介福三清殿扁曰金闕寥陽齋殿扁曰齋明火德殿扁曰離明兩廡俱繪三皇五帝日月星宿岳瀆九宮貴神等與從祀一百九十有五遵平太興國舊制每祀用四立日設籩豆簋簠尊壘如上帝禮兩廡以次降殺車駕過四孟朝饗嘗觀諸馬又建元命殿扁曰崇禧淳熙建藏殿扁曰瓊章寶藏鐘樓扁曰瓊音之樓埋宗建長生殿奉南極度宗建通員殿以奉佑聖中祐殿奉元命順福殿奉太皇元命蓋易長生名改為延壽俱宸翰也又北辰殿奉北斗崇真館在宮南有齋八曰觀妙潛心泰定集虛

顯真集真洞微虛白館有小圃亭扁曰武林山在宮後小坡山乃杭之主山也

西太乙宮

西太乙宮在西湖孤山淳祐間太史奏太乙臨梁分蓋請用天聖故事于國城西南別建新宮以順方向于是擇八八角鎮地建宮奉安遂析延祥觀地為宮以涼堂建正殿扁曰黃庭之殿門扁曰景福之門安奉太乙十神帝像東有延祥以備臨幸其外扁曰福祥之門凡宮之事儀四立祀典皆如東太乙例遵行咸淳間以德輝堂為元命殿明應堂為太皇元命殿迎真殿在宮之右有齋者二曰通真養素宮

中舊有陳朝檜至今七百五十餘年矣蘇東坡嘗為
僧志詮作詩以記側有小亭孝廟宸翰其詩石刻于
亭下曰道人手種幾生前鶴骨龍姿尚宛然雙幹一
先神物化九朝三見太平年忽驚華表依岩出乞與
佳名到處傳此栢未枯君記取灰心聊伴小乘禪

佑聖觀

佑聖觀在端禮坊西元 孝廟舊邸紹興間以普安
外第設主 光廟乾道年間又開甲觀之祥淳熙歲
詔改為道宮以武奉真武紹定重建觀之門曰佑聖
之觀殿曰佑聖之殿藏殿扁曰瓊章寶藏 御製真
武贊及宸翰黃庭經皆刻之石以賜后殿奉元命西

九

奉孝廟神御即明遠樓舊址也 孝廟少年時題杜
甫詩曰富貴必從勤苦得男兒須讀五車書 理廟
又書全篇鏤于東宮屏風上曰碧小學士焚銀魚白
馬却走身岩居古人已用三冬足年少今開萬卷餘
晴雲滿戶團傾蓋秋水浮階溜決渠富貴必從勤苦
得男兒須讀五車書延真館在觀之右命道流脩晨
香名燭之供館有道紀堂虛白齋

顯應觀

顯應觀在豐城門外聚景園之北處湖之東水四面
遠觀之額宣和所賜靖康年間 高廟為康邸出使
至磁州神馬引而南建炎初秀邸妻夢神指一羊謂

曰以此為識識遂誕毓 孝廟由是累朝祠祀彌謹
中為顯應之殿其神位曰護國顯應興聖普佑真君
高廟為書殿扁且揭以御名昭其敬也孝廟宸書寶
章壇之扁理廟書洞古經以賜刻石 寧廟御題觀
碑額以表功忠觀之東有崇佑觀

四聖延祥觀

四聖延祥觀在孤山舊名四聖堂道經云四聖者此
徵北極大帝之四將号曰天蓬天猷翊聖真武大元
帥真君元是 顯仁帝太后繪像奉事甚謹朝夕不
忘香火高廟為康邸出使將行見四金甲神人執弓
劍以衛紹興間慈寧殿出財建觀侍奉遂于孤山古

利徙之為觀次年內廷迎四聖、像奉安此觀、額
詔復東都延祥舊名殿扁曰北極四聖之殿、門扁
曰會真之門三清殿扁曰金闕寥陽法堂扁曰通真
元命閣扁曰清寧皆理廟奎墨藏殿扁曰壇章寶藏
孝廟親墨有堂扁曰瀛嶼元是涼堂扁曰建西宮以
堂為黃庭殿別創新堂以此扁奉之觀有瑞真道館
即延祥觀門也

三節寧壽觀

三節寧壽觀在七寶山元三節堂因東都三節寧壽
之名賜觀額寧壽觀殿扁曰太天奉三節真君像觀
中有三神御殿觀中曾蒙賜三古器玩皆希世之珍

一曰宋鼎乃宋孝武帝之牛鼎以祀太室之鼎二曰唐鐘係大唐澄藩觀舊物內廷出內帑金帛易以賜之禁中每聽鐘聲以奉寢興食息之節三曰褚遂良書小字陰符經此物宣取復賜賈秋壑觀之外曰東山為殿以奉元命有亭扁曰寶俯見日出呂庵扁曰仁壽

開元宮

開元宮在太和坊內秘書省後元寧廟潛邸為道宮向東都有開元陽德觀以奉火德嘉泰年間詔以嘉邸改充開元宮儀制皆視佑聖觀扁曰明離之殿祀以立夏又詔臨安府即殿左別建皇一本伯宣無皇

明王殿遂徙從大宗正司他所悉以址為宮寧廟神御殿又有璇璣殿奉北斗易扁曰北辰衍慶殿以奉真武順福神佑二殿奉元命皆嘉明殿奎函宮北建陽德館以存脩真道侶

龍翔宮

龍翔宮在後市街元理廟潛邸舊為靖惠府詔建道宮賜名龍翔以奉感生帝大門扁曰龍翔之宮中門扁曰昭符之門殿扁曰正陽之殿禮官討論祀典以正月上辛日差侍從三獻官等升為上自祀行禮脩牲牢禮料用之二籩豆設祭歌宮架樂舞受誓戒望祭齋寧行事內牲牢依祀天地禮例用羊豕所有

儀像朕色制度有靈體殿廡下畫像可遵 議以龍
翔宮奉感生帝既屬羽流合用齋醮之法其正月上
辛日望祭自如其舊奉旨從之宮之左曰福慶殿以
待車駕款謁改名神御殿正陽之後殿為醮殿宮西
奉南真館門曰南真之館中門曰啟晨之門三清殿
扁曰三境儲祥後殿扁曰申佑以奉元命西曰順福
殿以奉太皇元命壽元殿奉南斗景緯殿奉十一曜
鐘樓扁曰和應之樓絃扁曰凝真之章藏殿扁曰琅
函寶藏小位次以備車駕宴坐扁曰仙源羽士之室
扁曰澄虛內侍之室舍扁曰采石有高士三齋曰履
和頤正全真

宗陽宮

宗陽宮在三聖廟橋東以德壽宮地一半建之宮賜
名以奉感生帝蓋此地前建王邸又建廟毓聖之所
天瑞地符益大彰顯詔兩司相度建宮大門之扁曰
宗陽之門宮中門扁曰開明之門正殿扁曰無極妙
道之殿以奉三清順福殿奉太皇元命三清殿後為
虛皇之元殿直北有門扁曰真應之門中建毓瑞之
殿以奉感生帝後為申佑殿奉元命通真殿奉佑聖
自開明內左有玉賴之樓景緯之殿壽元之殿右有
樂簡之樓瓊章寶書北辰之殿規制祀典並視龍翔
宮行常以郊饗回歸行款謁禮有降輦殿曰臨之殿

門曰福臨殿門進膳殿曰端拱後有軒扁曰勁霜有
圃建堂二曰志敬曰清風亭扁曰丹邱元圃亭之北
鑿石池堂北扁曰垂福後曰清境圃內四時奇花異
木脩竹松檜之盛宮西有介真館堂曰大範觀復滄
妙齋曰會真澄妙常淨供 度廟奎添

夢梁錄卷之八

夢梁錄卷之九

三省樞使諫官

宋錢塘 吳自牧 著

三省即尚書省中書省門下省樞密院國初循唐舊制置院于中省之北今在都堂東上為樞屬列曹之所蓋樞密使率以宰臣兼領自知院以下皆聚于都堂治事省院在和寧門北首舊 寧寺也樞密院後建經武閣係藏經武要畧之文中省門下後省在都堂後諫院在後省之西檢正左右司在諫院之右向東承旨檢詳編脩在檢密院三省樞密院監門大門之南三省檢密院架閣在制院後御史臺在清河坊

內北向蓋取嚴肅之義內有朝堂即臺廳也自紹興
來未嘗置對有屬臺臣獻問則刑察就聽于大理寺
問罪矣

六部

六部在三省樞密院之南部之中堂名曰論思獻納
之堂 吏部掌天官依唐制以文武有官人分左右
銓選名之尚左尚右侍左侍右司封司勳考功凡七
司以掌文武法授到部推賞等事 戶部名為地官
又稱民部掌天下州郡財賦得財用耗而復衍倉廩
虛而復實之事 禮部謂之春官掌禮儀討論典故
講習典禮大典禮朝聘禮慶賀朝儀生辰聖節元旦

冬至朝會郊祀明堂合祀天地祖宗典策秋享祭祀
社稷封賜祀典祀廣功臣勲烈配享及賜家廟祭器
等事 兵部謂之夏官掌兵伍廂軍武舉投試武藝
金吾衛伏人司兵及大將出征告廟破賊露布鹵簿
字圖若蕃夷馬戶授官封爵等事及天下地圖堡寨
烽堠番夷婦服內附皆掌之又稱駕部掌輦輅車乘
廐牧雜畜乘具傳駟之政令辨其出入之數再名庫
部掌軍器儀仗鹵簿法式隨軍攻城什物及供帳之
事是為四司主掌也 刑部謂之秋官掌邦典之重
輕民訟之疑惑重刑之出入官僚之憲讞皆主之蓋
民不同大小生死事體所係四方刑訟得其平直發

于天庭以稱其職唐制刑部分為四司曰刑部曰都
官曰比部曰司門是也 工部謂之冬官掌工役程
式及天下屯田文武官職曰京都衢闕苑囿山澤草
木畋獵漁捕運漕碾磴之事唐制名為四曰工部曰
屯田曰虞部曰水部一皆所總也

六部監門

六部監門在六部大門之左凡所掌之事隸于六部
部門受其出入之時以聽上稽訪門之司存蓋至是
而愈重矣奉行列曹之命以正胥吏之失贊長貳
之懲決以遵長官之意耳 六部架閣其庫在天水
院僑掌六曹之文書主二十四司之案牘故官置庫

掌其架閣皆無失悞矣

諸寺

太掌寺在羅漢洞掌奉掌禮儀討論典故祭器太常
樂器等事寺內有昭勳崇德閣：上繪像文武功勳
大臣自忠獻趙韓王普以下二十五人于其上也
宗正寺玉牒所在太廟南玉牒建局以宰臣提舉從
官兼脩撰宗正鄉少以下悉預修宗廟蕃慶系錄仙
源積慶圖等書檢討官亦以他職兼耳 大理寺在
仁和縣西設鄉少丞簿評事司直之官及治獄都轄
推吏等家屬皆居于寺內以嚴出入之禁掌朝廷刑
棘廷尉之職按法斷刑治獄推刺等事 司農寺在

保民坊內國制以戶部掌國計而司農列鄉少丞簿
贊之如州府縣道每年上供及宰執百官軍糧宣限
米斛皆委專官吏卒下各路州縣坐徵以應宣限支
用也 大府寺在保民坊內係周官職總局二十有
四如諸軍諸司糧審四院左藏二庫買務賣場及編
奎兩司和劑惠民四局祇候鈔引院皆掌屬矣

秘書省 國史敕令附

秘書省在天升坊之左東都建于禁中紹興間以殿
司寨基建省有殿扁曰右文之殿秘閣在後殿傳奉
御書製書函古器等兩廡列累朝制書石刻國史實
錄院在殿東提舉官各在殿西道小堂在閣後東西

二閣監少之位並簿館職閣無一本列于兩廊堂之前
著作之庭在堂後有小軒置石刻東坡函竹于中西
有四閣著作著佐之位國史日歷所在著作庭廡有
汗青軒編纂會要所在著作庭西廡日歷會安庫經
史諸子書籍庫共七庫俱列于殿外東西兩廡書列
庫在著庭之右后有一本一作群玉堂以東坡畫竹真
跡為屏有蓬萊亭一作庭前為鑿池度以石橋池上壘
石為山又有亭者六扁曰芳香席珍方壺含章茹芝
繹志次有射圃含章亭後有渾儀基乃太史推占星
象之用也敕令所在侍御一作橋專為詳定編脩諸
司敕令蓋謹法度廣賢才耳

諸監

國子監在紀家橋太學之側設祭酒司業丞簿等官專掌天子之學校訓導生員之職總掌國子太學事務生員出入規矩考課試遵訓導天子視學皇太子齒胄則講議釋奠等禮也監廳繪魯國圖東西為丞簿位後看書庫位中為堂繪三禮圖于壁用至道故事有圃亭扁曰芳潤丞錢聞詩扁曰以隸古書枝庫在中門內將作監在保民坊設監少丞簿掌計料監造官司營房舍屋皆隸焉蓋漢制將作大匠治襲秦官亦少皞氏以五雉為五工正以利器用唐虞共工周官考工之職也軍器監在保民坊監有長貳

丞簿之官率屬治典唐六典建官不殊掌製造御前軍器別置提舉提轄等官蓋其役近年專委殿岩而監製本監蓋以省也

大宗正司

大宗正司在天慶坊內以魏憲惠王府舊址築之掌親屬宗廟之事自漢魏隨唐迄于宋因而不改以皇族官位高有德望者領之又以本族尊高為判本司又增同知以為之輔宗司有閣扁曰屬籍之閣吁以見宗屬蕃衍盛大而已

省所

茶鹽所會子所公田所封樁安邊所並在三省大門

內職以都司官兼提領舊有安邊所創于嘉定初專
充拘推簿緣家產更有市權所牙契所后因吏胥蠹
弊走卒煩擾遂廢其名撥入封樁所以併掌之今有
創市舶所官府察見吏奸亦行省罷矣

六院四轄

登聞檢院鼓院始建于和寧移于麗正左右闕亭^{一作}
庭之南左檢院右鼓院按唐舊制設四廳以通下情
名曰崇仁司諫申明招賢遵禮以使四方賢才便其
上達 都奏進院在朝天門外掌邦國傳送之事以
鈐轄諸道傳遞官兵則周官行夫其職也 官告院
在部門之北士大夫自一命以下至于公卿王爵軍

卒一資以下至于節鉞告命皆隸院給之如文則吏
部武則兵部宗戚命婦司封屬之考校勳績司勳掌
之凡四司皆集本部出誥命耳元豐改制俱悉吏部
行文武告命鈔而蕃官兵吏部自後皆歸吏部右選
文思院在北橋東京都舊制監官分兩界曰上界
造金銀珠玉曰下界造銅錢竹木雜料然兩界監官
解舍毋得近本院隣塙並薛居所以防弊欺也但金
銀犀玉工巧之制綵繪裝鈿之餘若輿輦法物器具
等皆隸也 諸司諸軍料糧院在洋沙坑七官宅廢
屋諸司諸軍察計院在保民坊內舊軍馬教場基置
院且如糧料院者乃諸司諸軍仰土之祿均也尤不

可不嚴設官置吏欲其專心致意支撥無差失矣如
審官院者自宮禁朝廷百寮以下至于內侍御士及
于諸軍兵卒凡賦祿者以式法審其名數而其辟召
者惟郊祀賜緡已乃審祿有疑于則召以法凡四方
之計籍上于大農則逆其會凡有司議調度會賦出
則諏焉 權貨務都茶場通在橋東蓋國初循唐制
舊以九路之漕自達于淮去則茶貨回則轉鹽諸路
苗而使之官納鈔引以便商賈但鈔引之法通行則
設官專職主之諸街市煩官曹之選于斯重矣 雜
買務雜賣場在權貨務內唐制謂之官市宋初為市
買司太平興國年方更名雜買務奉禁中買賣而平

其直南渡後合局于此凡宮禁月料朝省紙劄文思
製造和濟脩合封樁所積編估以時其直打套以藉
其數而就售焉又置提轄以總其務耳 左藏庫有

東西二庫在清湖橋一作河又韓世忠所獻賜第基建

庫東庫則掌幣帛絕一作駝網之屬西庫則掌金銀

像券綵纊之屬蓋朝廷用度多侈于澹岳燭湖之口

江淮之賦則歸于四總領餉諸屯軍則東西二庫歲

入絹計者率百四十萬以緡計之率一千萬給遣大

軍居什之七宮禁百司祿賜裁三有非泛浩煩之費

則口于朝往，出內幣樁下以補其闕耳 封樁上

庫在三省大門內封樁下庫在左藏庫中門安邊太

平庫在下庫南蓋封樁下庫北于。孝廟時之以備
緩急支撥又分戶部錢物隸本所則有上下庫之別
上庫彙名者曰折帛總制增鹽三分鹽袋增額不排
辦人使下庫彙名者曰煮酒。息營田鹽場蘆柴冊
江。沙田額五釐閑子為數五彩中因文移緩弊罅
多諸郡網額虧數甚矣哉

三衙

殿前司在鳳凰山八盤額中置衙有御書閣凝香堂
整暇堂山之上為月岩有亭扁曰延桂寂亭處曰介
亭在石嶙嶠亭之後為冲天樓極高江海湖山奇偉
之觀 侍衛馬軍司移屯建康以行司邊帥兼領元

有帥衙在保民坊內改為寺監公宇 侍衛步軍司
在鐵冶額西衙有御書閣湖山堂錦繡樓相公井

閣職

閣門在和寧門外掌朝參朝賀上殿到班官等儀範
上有知閣簿書室贊及閣門祇候寄班等官 四方
容首館在東華門外北容首者掌收接聖節兼奉香
及賀表外國使人往來接待之禮四方館者掌收接
諸州府郡朔望正冬賀表及大禮賀表等事 御前
忠佐軍頭引見司在文思院後有內等守營以正廳
知閣提點幕官以大使臣為幹辦司官

監當諸局

車輅門外院在嘉會置庫安五輅及平等車 製造
御前軍器所在禮部貢院之西改隸殿司所管工役
每季所製器納內庫萬全三指揮東西作兩營在所
之東北 編估打套局在左藏庫門內 惠民利濟
局在大府寺內之右製藥以給惠民局合口暑臘藥
以備宣賜 大平惠民局置五局以熟藏藥價貨以
惠民也南局在三省前西局衆安橋北二局寺西坊
南之外局浙江亭北外二局以北郭稅務兼領惠民
藥局收贖 草料場在天水院橋西有廩十眼受畿
內所輸稻麥豆以給驕驃馬二院及宰執三衛之馬
合同場在過軍橋之下掌茶鹽鈔引合同 會子

庫在權貨務置隸都茶場悉視川錢法行之以務門
兼職以都司官提領日以工匠二百有四人以取于
左帑而印會歸庫矣 造會紙局在赤山湖濱先造
于蕤城次成都以蜀紙起解后因路遠而弗給詔杭
州置局于九曲池遂徙于今安溪亦有局仍委都司
官屬提領但工役經定額見役者日以一千二百人
耳 交引庫在大府寺門內專印造茶鹽鈔引遂請
丞簿僉押 法物庫在梅家橋北掌祭祀法服朝服
冠珮帶紉及大禮明禋旗幡衫袍等內侍領其職
度牒庫在油車巷掌僧道二流承恩教牒 市船務
在保安門外瓶場河下凡海商自外至抗受其券而

考驗之又有新務在梅家橋北 司農排岸司在前
洋街掌拘却諸州郡宣限綱運運檢察搜空而繫其
不登岸者岸作 三省樞密院激賞錢庫在俞家園
激賞酒庫在錢塘縣南 左右驕驪二院在淶沙坑
兩院以馬二十四匹為額每月朝叅各院以御馬三
疋至和寧門立于南向朝罷回院 象院在嘉會門
外御馬院養餵安南玉貢至象三象叅左右騎御貢
至象三叅左右騎御直在七官定山上馬院左右使臣營
在嘉會門外 左右教駿營在麗正門 牛羊司在
權貨務后掌御膳及祭之牲有滌宮在六和塔之南

諸倉

省倉上界在天水院橋北其廩有八眼受納浙右米
以充上貢及宰執百官親王宗室內侍仍支給玉城
班直省部職負 省倉中界在東青門外菜市塘有
廩三十七眼皆受納浙右苗綱經常和糴公田椿積
等米以供朝家科支農寺宣限凡諸軍諸司三學及
百司催券諸局工役等人皆給焉 省倉下界在東
倉舖初于舊址極廣表朝家更脩乃折三之二建廩
廳八十眼 豐儲倉在仁和縣側倉橋東以公田浩
瀚諸倉不足以受納以豐儲增創成廩百眼 豐儲
西倉在杭餘門外佐家橋北其廩五十九眼 端平
倉在餘杭門外德勝橋東元儲漕糴後歸農寺蒞以

京局官領之咸淳重修有木榭扁曰介然蓋取太倉
箴語而併箴刻于石有廩五十六眼 淳祐倉在餘
杭門內斜橋南元瓶以儲米糴疇帥司其後朝家撥
支賑糴百姓自后付農寺以給諸軍諸司有廩一百
眼 平糴倉在仙林寺東瓶以儲 安米今農米皆
貯焉 咸淳倉在東青門內后軍寨北議增建廩以
儲公田歲入之米買瓊華廢圃入以內酒庫柴炭屋
口口帥司建倉廩一百眼歲貯公田米六百萬餘石
凡諸倉支納下邨自有下邨指揮兵士遇日分支遣
皆祇至役义袋自有賃者應辦如遇支界日倉前成
市水陸壅塞諸軍校給打諸糧不許僱人搬担須親

于殿中肩出倉外此祖宗立法如此

內司官

內侍首知首都知御帶藥苑使門司殿長閣長內轄
內監丞受隨都知下都監儀令上名扶持直長權苑
提舉提轄御前諸宮觀提點皇城司御輦馬御馬院
魚提舉諸內司庫藏司所等處更有聽喚一名百員
團練四員兩攢宮使隨父指教小直殿一百員內
宮散祇候不記多數名有所轄職名主管事務

內諸司奉安

皇城司禁衛所符寶所主管大內鑰匙庫御藥院內
東門司內通進司御前軍器庫睿思設庫內藏庫奉

衣庫內軍器庫南廊庫安故庫生料庫果子庫香藥
庫進奉庫殿中省後苑御膳所御厨六尚局翰林司
儀鑾司八作司修內司御前內轄司東西庫南北庫
甲仗庫法物庫密煎庫內司綱房青器密內司脩內
庫御前應奉所萬壽香一作燈宮所御服所裹脚一作御絲
所公作司意思房燭局御馬院教樂所天章閣樂
器庫翰林書藝局道場庫祇候庫御酒醋庫主管往
來國信所東庫御輦院車輅院皇城輦宮營驕驥院
教唆營騎從馬院象院大輦院內轄司濠寨司織染
所奉安所御酒庫主管翰林醫官局太醫局合同憑
由司良馬院使臣院快行營黃院子營皂院子營輕
官領其職也

鞞庫外庫御前諸宮觀官太廟營景靈萬壽宮老兒
宮慈元殿庫皇后殿庫吳益國位庫淑妃昭儀脩容
美人人才人諸位庫以上並是內侍官兼職提勳提舉
等職外有皇城司御馬院係知閣御帶環衛官兼領
辦之職象院亦隸也其餘外庫院幹辦之官係右選
官領其職也



國家圖書館, NATIONAL CENTRAL LIBRARY, TAIWAN, R.O.C.



夢梁錄卷之十

諸官舍

左右丞相叅政知樞密院使簽書府俱在南倉前大渠口侍從宅在都亭驛東臺官宅在油車巷省府官屬宅在開元宮對墻鄉監郎官宅在俞家園七官宅在郭婆井五官宅在仁美坊三官宅在濤閣巷十官宅在舊睦親坊六房院即後省官所居處在湧金門東如意橋北五房院即樞密院諸承旨所居處在楊和王府西也

府治

宋錢塘 吳自牧 著

臨安府治在流福坊橋右州橋左首亭扁曰手詔亭
右首亭扁曰迎春左入近民坊巷即推察判二廳次
則左司理院出街右首則右司理院府院及都總轄
房入府治大門左首軍資庫典監官衙右首帳前統
制司次則客將客司房轉南入簽廳都門係臨安府
及安撫司廳有設廳在內倉廳外兩側是節度庫
鹽事所給閤局財賦司牙契局戶房將官房提舉房
投南教場門側曰香遠閣之後會茶亭閣之左是見
錢庫分使庫拾材親兵使馬等房再出倉廳都門外
投西正衙門俱廊俱是兩司點檢所都吏職級平分
點檢等房正廳例帥臣不曾坐蓋因皇太子出判于

此臣下不敢正衙坐正廳後有堂者三扁曰簡樂清
平見聽庶堂後曰雨亭左首誦讀書院正衙門外左首
曰東廳每日早晚帥臣坐衙在此治事廳後有堂者
四扁曰恕堂清暑有美三桂東廳側曰常直司曰點
檢所曰安撫司曰竹山閣曰都錢激賞公使三庫
後有軒扁曰竹林軒之後堂扁以愛民承化講易三
堂之後曰牡丹亭東廳右首曰客位左首曰大局房
祇候書表司親事官虞侯授事等房而已府治外流
福井對及仁美坊三通判安撫司官屬衙居焉府治
前市井亦盈鋪席甚多蓋經訟之人往來駢集買賣
要鬧處也

運司衙

兩浙運司衙舊在雙門北為南北二廳今豐豫門南渡子橋西普安橋為東西二衙有寬民堂福星樓節堂振襟堂、側建 榭曰西衙有周賢咨堂公生明堂繡春堂仁惠堂、後栽脩竹而圍之運司僉廳提領犒賞酒庫所俱在運司衙門主管文字幹辦公事在俞家園主管帳司廳在戒子橋之北

后戚府

昭慈聖憲孟太后宅在后市街顯仁韋太后宅在薦橋東憲節邢皇后宅在薦橋南憲聖慈烈吳太后宅在州橋東成穆郭皇后宅在佑聖觀後成恭夏皇后

宅在豐樂橋北成肅謝皇后宅在豐禾坊南慈懿孝皇后宅在後市街恭淑韓皇后宅在軍將橋恭聖仁烈楊太后宅在漾沙坑壽福聖和謝太后宅在龍翔宮側金皇后宅在豐禾坊南其后戚宅凡各賜家廟五室及祭器儀物每四孟祭享官給以御 兵治祭饌太常寺差奉常官行贊相禮仍差主管官影堂使臣及兵給守之子孫世領祠事

諸王宮

吳王府在後洋街益王府在新橋秀安坊僖王府在後洋街漢王府在西橋莊文太子府在井亭橋沂靖惠王府在清湖北景獻太子府在鐵冶額榮文恭王

王府在佑聖觀橋東周漢國瑞長公主府在左藏庫
西各賜家廟祭器歲時祭禮及影堂使臣主奉官
兵級等循歲宅列制行之矣

家廟

忠烈張循王府在清河坊賜廟祀循王以上五世祖
須用祭器法式聽其自造仍差主管一員影堂使臣
二員兵級二十七名以子孫帶領祠事忠武韓斬王
府在前洋街賜廟祀頒祭器惟賜銅爵勺各一餘竹
木須塗飾作式聽其自製一應事儀宜如前制同忠
勇劉鄩王府在明慶寺南建廟賜祭器並如前式忠
烈楊和王府在洪橋清河坊賜家廟與祭器下將作

監造以賜歲時行禮官給厨兵太常遣贊相以奉常
餘皆如前制行太傅平章魏國公賈秋壑按舊典賜
第及家廟在葛嶺集芳園改建廟奉五室同宇以饗
四孟月祭器皆尚方所賜九點領官吏洒掃兵士與
花果月頒之類故曹及京兆府 如在京賜諸勛功
廟儀在奏行

館驛

樟亭驛即浙江亭也在跨浦橋南江岸凡宰執辭免
名出居此驛待報矣向有白樂天先生一本往駟訪
楊日一本曾賦詩曰徃恨今愁應不殊題詩梁下又
躊躇羨兄獨夢見兄弟我到天明夢亦無夜半樟亭

驛愁人起望鄉月明何處見潮水白茫茫北郭驛亭
在餘杭門外北郭稅之右都亭驛在候潮門裡泥路
西侍從宅側次為館伴外國使人之地也

本州倉場稅務

鎮城倉常平倉糯米倉俱在餘杭門外師姑橋鹽亭
所都鹽倉在艮山門外天宗鹽倉在天宗水門內所
轄諸鹽倉場十有二曰湯鎮仁和許村鹽官南茶槽
錢塘新興蜀山岩門上管下管茅場又新興以已下
立場西興錢酒二場皆隸 文木場在龍山抽解竹
木場在浙江亭北又三場在江漲橋南餘杭塘上西
三路也城內外場共有二十有一處以便諸官廳

及民廣排口發賣鐵場炭場船塢鑄場冶在東青門
外北瓶塢羅塢在餘杭門外賣酒局在豐儲倉邊家
渡之東交錢局在府治後都錢庫激賞庫軍資庫常
平庫公使錢庫公使酒庫甲仗庫書版庫公使醋庫
俱在州衙內回易庫在薦橋北外有二使醋子庫于
城內外十有一庫耳或自治賣止日納息錢于點檢
所樓店務在流福橋北有官設吏令宅務令于人員
收檢民戶年納白地貸錢稅務凡五處名曰都稅務
浙江稅務龍山稅務北郭稅務江漲稅務但州府雖
有稅務之名則朝家多有除收以便商賈諸貨不壅
于杭城其都作院在白口魚一作池之側運司亦有木

稅場在杭城外共八場也船場與架閣庫俱在薦橋門外提領犒賞酒庫所在樓店務側

點檢所酒庫

點檢所官酒庫每庫有兩監官下有專吏酒匠掌其役但新煮兩界作本所閏給工本下庫醞造所解利息聽充本府贍軍激賞公支則朝家無一毫取解耳曰東庫清煮俱為一在崇新門裡有酒樓扁之曰太和廢之久矣曰西庫又名金文正庫清界庫在三橋南惠廷一作延橋側煮界庫在湧金門外有酒樓扁之曰西樓南庫元名昇陽宮煮戒庫在社壇南新界庫在清河坊南酒樓扁之曰和樂北庫煮界庫在祥符

橋東清界庫在鷺鴨橋東酒樓扁之曰春風曰中庫在象樂坊北造清界有樓扁之曰中和煮庫在井亭橋北曰南上庫呼為銀甕子庫煮酒庫在東清門外造清界庫在睦親坊北酒樓扁之曰和豐曰南外庫造清界庫在便門外清水閘造煮界庫在嘉會門外名之曰雪醅庫曰北外庫造煮界庫在江漲橋南清界庫在左家橋北酒樓扁之曰春融西溪庫清煮兩界俱在九里松大路乃一門分兩庫耳曰天宗庫造清界在天宗水門裡煮界庫在餘杭門外上閘東曰赤山庫造清界庫在赤山教場煎煮庫在左教場側曰崇新庫清煮兩界俱在崇新門外曰徐村庫在

六和塔南徐村市中共諸庫皆有官名角妓就庫設法賣酒此郡風流才子欲買一笑則徑往庫內點花牌惟意所擇但恐酒家人隱庇推托須是親識妓面及以微利啗之可也又有九十庫如安溪餘杭奉口解城鹽官長安許村臨平湯鎮更入碧香諸庫如錢塘門外上船亭南名為錢塘正庫有樓扁曰先得錢塘縣前名錢塘前庫鶯鴨橋北曰北庫止在醋坊巷口也西橋東曰煮碧香酒庫禮部貢院對河橋西曰藩封棧庫外有藩封社庫在常州無錫縣無隸臨安府點檢所提領耳

安撫司酒庫

安撫司所管一道酒庫如餘杭縣閘林酒庫石瀨步東西二酒庫臨安縣青山桃源二酒庫外有安吉州德清縣市名為正酒庫五林 曰德清東西二酒庫安吉州歸安縣璉市東西二酒庫嘉興府華亭縣曰上海酒庫

廂禁軍

臨安居輦轂之下蓋倚以為重武備一日不可弛而守帥所統則建炎之舊制至防虞一軍又必藉禁衛之士別為部伍三衛之兵亦聽帥臣節制以倡率之姑以兵制軍號一一述之使知兵衛各有兵統耳曰東南第三將自 太祖朝分隸駐劄寨在東青門內

元管十指揮後撥威果二十八指揮雄節九指揮于平江外見存者威節第一第四第五第六指揮雄節第八第十六指揮金捷第二第三指揮共統八指揮軍也曰京畿第三將元係東京畿縣陳留雍邱尉氏鄆陵陽武屯駐兵後劉俊統卒來捕陳苗存苗駐劄營在東青門裡所統武騎兩指揮勇廣四指揮廣捷三指揮忠節水軍驍猛神威雄勇雄威各管一指揮効忠三指揮共統十七指揮軍也曰兵馬鈐轄司兵馬勇節威果金捷三指揮宿州龍騎歸遠二指揮回討賊睦寇苗存屯隸鈐轄司所管矣曰廂軍崇節捍江修江都作院小作院清湖開湖司北城堰西河

廣濟樓店務長安堰閘秤斗務北城鼓角匠橫江水軍船務牢城各指揮兵士計一萬五百八十七名之額曰城東城西外沙海外官界茶槽南塲東梓上管諸山仁和監官黃灣硤石奉口許村巡檢司十六寨計兵卒一千三百四十四名之額

防隅巡警

臨安城郭廣濶戶口繁夥民居屋宇高森接棟連居寸尺無空巷陌壅塞街道狹小不堪其行多為風燭之患官府坊街巷近二百餘步置一軍巡鋪以兵卒三五人為一鋪遇夜巡警地方盜賊烟火或有鬧炒不律公事投鋪即與經廂發覺解州陳訟更有火

下地分遇夜在官舍第宅名望之家伏路以防盜賊
蓋官府以潛火為重于諸坊界置立防隅官屋屯駐
第兵及于森立望樓朝夕輪差兵卒卓望如有烟燧
處以其幟指其方向為号夜則易其燈若朝天門內
以旗者三朝天門外以旗者二城外以旗者一則夜
間以燈加旗分三等也曰東隅有望樓在柴梁橋都
統務南曰西隅有望樓在白龜池曰南隅有望樓在
吳山至德觀後曰北隅有望樓在潘閣巷內曰上隅
有望樓在大瓦子后三真君廟前曰中隅有望樓在
下中沙巷蠟局橋東曉曰下隅有望樓在修文坊內
曰府隅有望樓在府治側左院牆邊曰新隅在長慶

坊曰新南隅在候潮門裡東曰新北隅在餘杭門裡
曰新上隅在侍郎橋東皮場廟側曰西南隅在壽域
坊仁王寺前曰南上隅在麗正門側儀鑾司相對曰
城西隅在錢湖門外清化橋曰城北上隅在北郭稅
務橋曰東北下隅有望樓在北新橋北曰錢塘隅有
望樓在水磨頭放生亭後曰新西隅在九里松麴院
路口曰海內隅在浙江亭南油局曰外沙隅在候潮
門外外沙巡司曰城東隅在新門外城東巡司曰茶
糟隅在東青門外茶糟巡司如遇烟燧救撲帥臣出
于地分帶行府治內六隊救撲將佐軍兵及帳前四
隊親兵隊搭材隊一併聽號令救撲並力撲滅支給

犒賞若不竭力定依軍法治罪

帥臣司節制軍馬

浙西安撫司節制殿步兩司軍校雖係帥司節制尤無統屬遇有速欲調遣及救撲烟燧須同朝旨調遣常不及事遂請于朝省得旨行下殿步兩司各差官兵千人各委統制官二員帶行正任兵馬鈐轄都監及添差兵馬鈐轄副都監職任于城內四壁置隅以備調遣復請朝掌欲再殿步二司差軍兵分任城外四壁防虞之責遂行下各司再選精軍三百人各以統制官二員仍帶本州鈐轄路分之職分任也並照城內四壁約束俱隸帥司節制自後兩浙運司申請

得旨令分官城內外四壁軍兵通行節制以便救撲具如防虞器具桶索旗號斧鋸燈籠背心等器具俱是官司給支官錢措置一一俱備遇有救撲百司官吏便整隊伍急行奔馳駐劄遺漏地方聽行調遣不勞百姓餘力便可勦滅如宰執帥漕殿步帥臣間到地面指揮救撲百司官吏亦各詣所隸官司守局以備不測其修內司搭材等兵級亦同內侍分頭救撲滅或火勢侵及官舍戚里家及妣爐畏威有傷百姓屋廬內庭累令天使馭馬傳宣諸司帥臣速令將佐兵士撲滅毋致違悞定行軍法治之漕帥二司遇行救撲官捨錢買水澆滅室富豪戶亦喝錢

軍士

盡力撲滅不致踈虞若救火軍士重傷者所
相視傷處支給犒賞差醫診治 差官

夢梁錄卷之十

國家圖書館, NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C.

夢梁錄



卷之十一至十三

國家圖書館, NATIONAL CENTRAL LIBRARY, TAIWAN, R.O.C.

夢梁錄卷之十一

諸山岳

宋錢塘 吳自牧 著

大內坐山名鳳凰即杭容山也廟巷山名吳山
又曰胥山上有多福寺名七寶山山前連者謂
之寶蓮山進奏院後名石佛山太廟後名瑞石
山妙果尼寺前名金地山漾沙坑小山名茆山
淺山寶月寺前名寶月山八眼井前名我嶺山
草場山御厨營山謂之寶山孝仁坊名清平山
府治名竹園山秀 山一脉耳豐樂橋南有

狗兒山稱之寶無山跡此古老相傳東太乙宮
后圃內有小土山名虎林山建亭在其上扁曰
武林即杭之主山也城南今水谷上名色山
有桃花閨多貴官園圃春間桃花數艷色
故杭人游宴者夥嘉會門外洋洋場南名龍山
又曰天龍山山西名月輪大慈二山堯門名
一本馬鞍五雲等山鐵井攔謂之定山秦望山
浮山范村北鄉名排山楊村名嶼山巫山頭名
廟山又謂之祿一作山水樂洞前名南高峰山
九里松名靈隱山靈苑山仙居山靈隱寺後山

名北高峰山寺前名飛來峯白猿峯稽留峯月
桂峯蓮花峯漣岩嶢岩靈鷲寺右青林岩理公
岩靈隱山南名葛塢朱墜女兒山玉女岩龍井
山雲栖山范村諸塢山西湖堤上名孤山乃林
和靖先生隱居處其山聳立旁無聯附為湖山
之絕勝也錢塘所有栗山縣舊治南名巨石山石
甌山壽星寺后巾子峰山大佛寺名大佛石山
張真君行宮前名霍山興教寺後曰南屏山其
山恠石聳秀中穿一洞上有石壁如屏障可愛
司馬溫公書于石家人卦刻之見存其跡淨慈

寺對山名雷峯寺山後有慧日峯山龍井山側
名雞籠山高麗惠回寺前名赤山更有一峯聳
出衆山繚繞古木列垂森翠難描謂之玉岑山
也報德寺有山名鷓一作雞峰無垢院有一峯如
筆卓然而立故名卓筆峯大麥頰後花家山又
名蛇山放馬場側靈石山東山又名仙姑山三
家橋試院後名西觀音山秦亭山石壁山西溪
龍門山長壽鄉大悲山塢崇化鄉觀山黃社茆
滌楊梅等山城東北山臨平山桐扣山赤岸山
臯亭山青龍山毋山佛石山石膏山大婆山白

三

岩山方山芋山楊山唐峯山近山大遮山烏尖
山飲馬山安樂山石壁山龍駒山法花山仁和
縣外東北有黃鶴山永和等鄉超山亭市龍珠
山大旗山南北南鮑山三峯山洛山峨眉山眉
山馬頭山姥獨山赭石山馬嶧山其餘七縣山
脉繚複峰巒巍我週圍數百里難以盡述矣虎
頭岩在錢塘門外介于寶岩定業寺後山葛澧
錢塘帝都賦云岩則虎頭故老稱云此山舊有
岩石穴出如虎頭形吳越錢王納土後秦有望
氣云杭州西湖有虎頭形勝遂命匠鑿去其形

兩赤縣有名岩者如連岩青林岩理公岩玉女
岩象鼻岩佛手岩

嶺

八蟠頰在大內後殿司衙山上萬松頰在和寧
門外孝仁坊西頰上夾道栽松今第宅內官民
居高高下下鱗次擲比多居于上白樂天夜歸
賦詩曰萬枝松栢青山上十里沙堤明月中之
句又東坡蠟梅詩有萬松頰下黃千葉之句鐵
冶頰左步司衙左虎翼營東紫坊頰在漾沙坑
七官宅之側駱駝頰在三茆觀之麓灌肺頰在

十一

大街清河坊北狗兒頰在教睦坊內此二頰舊
有坡阜今夷為坦路而名存焉慈雲嶺西在方
家峪東往郊壇路有後唐石刻風篁頰在錢塘
門外放馬場西路通龍井其頰最高峻頰上有
亭名曰過溪又曰二老東坡賦詩記之又探梅
詩有問信一作批風篁頰下梅又有界亭詩丹青明
滅風篁頰之句分金嶺在錢塘舊治西一本
無狗頭
嶺在舊治北梯子嶺在方家峪南錢糧司頰在
城西巡司前五嶺子在龍山之北白塔在龍山
之東徐村嶺俗呼薑擦子頰雷一作鐺頰馬牛一作
牛馬

頭嶺俱在錢塘定山北鄉牌山嶺在定山南鄉
五雲山嶺在徐村及雲栖山俱可往來大麥嶺
小麥嶺今在高麗寺西北與步司右軍相連路
通坊馬場嶺有觀音閣對山有東坡同王渝
楊傑張鑄元祐五年三月三日遊三竺過麥嶺
題名石刻存焉南高峯下烟霞嶺葛嶺在西湖
之西葛仙翁煉丹于此有初陽臺高廟即其
地初集芳園理廟以此園賜賈秋壑建第宅
家廟蓋賈公元有別墅在焉棲霞嶺又名劍門
嶺亦名劍門關在錢塘門外顯明院之北舊多

上

栽桃花開如爛然如霞故名之嶺下岳鄂王墓
駝巘嶺在九里松東臘脂嶺在九里松麴院路
西石人嶺又名馮公嶺在靈隱寺西

大青嶺在東墓嶺南郎當嶺在大青嶺南
黃泥嶺在行春橋南水竹塲步司前軍寨南胡
家嶺在錢塘長壽鄉其嶺極峻峭有石井旱不
涸歌樵嶺在大慈山大石姥嶺在仁和界

諸洞

杭城內有洞者三青衣洞在三茆觀之後曰羅
漢洞在勅令所北其洞廢之久矣今以名呼之

曰金星洞在鳳凰山介亭下太廟亦有洞如其
名也城外有洞者凡一十有七曰南高峯烟霞
洞下曰水樂洞其洞前四望林巒聳秀岩石笋
峙洞虛幻滄涵如淵泉殊且清甜可掬洞中有
水聲如金石之音頃為揚谷郡王別圃鑿石築
亭寂為幽雅歲時都人遊觀集為歷年多蕪穢
弗治水樂音聲幾絕賈秋竚以厚值得之增葺
其景頗與其水音秋竚俯睨諦聽攸然有契曰
谷虛而後能應水激而後能有聲今水瀦其中
土壅于外欲振聲得乎亟命疏壅導瀦有聲自

洞間出節奏自然二百年勝槩於今如始也楊
村壩山慈嚴寺之後名風水洞郊墜天真院有
二洞扁曰登雲曰靈化東坡和靖題名刻于石
右赤山殿司左軍寨尼庵側有洞名鐵窻楞洞
天竺山有二洞名呼猿龍漲烟霞石塢路大仁
院有石屋洞極高大如屋週圍鐫刻諸佛菩薩
羅漢之像其寺正為佛殿朝香夕燈之供烏塢
山名烟霞洞石屋寺側曰棲霞洞下竺寺內有
洞名香林臨平山有洞名龍洞尼庵後有洞名
蝙蝠細礪洞錢塘崇化坊有白龍洞其洞有龍

居焉朝家曾祈雨暘有感勅封侯爵為顯靈孚
濟賜廟額曰敏應掃帚塢護國仁王寺有洞不
載其名仁和界超山有洞名海雲洞倏時乾濕
建黑龍王祀之古柳林楊和王園內名白雲洞
蓋以城陀擁土成之此奪天之奇巧也

溪潭澗浦

杭郡係南渡駐驛于此地倚山林抱江湖多有
溪潭澗浦繚繞郡境寔難描其佳處自武林山
之西名曰西溪頃者有郭祥正詩題咏曰西溪
在朝外一派濯殘陽遊子托漁船却愁歸路長

十 又

九溪在赤山烟霞嶺西南通徐村出大江北達
龍井矣安溪在錢塘去北關五十里溪上有大
遮山祠龍山在古人相傳風雨之夕龍現珠
有光凌溪在錢塘長壽奉口溪在錢塘安溪
之北十八里潭洲者寶月山寶寺之西曰黑
龍潭其潭莫測其深亢旱水不竭一名天井山
下有天井巷晴則潭水碧色可愛將雨則水黑
郡民于此候晴雨多驗頃者白樂天曾祭龍神
撰祝文曰維龍其色玄其位坎其神壬癸興水
通靈日者歷禱四方寂然無應今故虔誠潔意

致命于黑龍龍無水頌何依神無靈將恐竭龍
澤能救物我寔有望于龍物不曰神龍豈無求
于我若三日之內雨一傍沛是龍之靈亦人之
應幸禮無不報神其聽之仁和臨平鎮東湖曰
白龍潭漁浦潭按今輿地志在郡西南龍遊潭
在仁和阜亭山鉢孟潭在南高峯及仁和大年
鄉石塘東王兒潭在郡西五十里浣沙潭在仁
和臨平鄉羊鐵潭在良山門外西湖三潭士人
相傳于湖中 浦者頃鳳凰山下有柳浦咸淳
志云隋志置郡晉吳喜嘗遊軍此地叅之諸文

無考便門側名鐵幢浦古人相傳吳越王射湖
箭所止處立鐵幢又聞錢王築塘時高下置鐵
幢凡三以為鎮壓潮水退則見其幢也淳祐戊
申帥司買民地置亭其上王荊公詩云憶昨勅
為海上行日斜來往看潮生如今身是西歸客
迴首山川覺有情靈隱浦自靈隱山南徂東臨
浙江一派謂之北浦今資國院前也亦云靈隱
步頭有詩咏曰有靈何所隱深浦老蒹葭漁父
一舟泊却疑秋漢棹白石浦解鮮船渡浦楊村
浦俱仁和臨江都 澗者如合澗在靈隱天竺

之間十八澗在龍井山之西步軍左司寨後路
通六和塔寺石門澗叅陸羽靈隱寺記舊有
卧龍石橫澗中有詩詠曰啟閉何人見湍流一
澗分仙家無路入空鎖石樓雲金沙澗在靈隱
寺側自合澗橋繞寺山一帶唐家衲石橋在軍
寨門內至行春橋折入步司前軍寨門由麴院
流入西湖惠因澗在赤山高巖惠因寺側秦少
游遊龍井曾濯足于澗題名記之云並湖而行
出雷峯度南屏濯足于惠因澗入靈石鳴得
徑上風篁嶺憇于龍井亭酌泉投石而飲之

十一

呼猿洞在靈隱山飛來峰之左右也

呼猿洞云當在諸洞條
下不當列此別本俱同

井泉

杭城內外民物阜蕃列朝帥臣常命工開浚井
泉以濟邦民之汲庶無枯涸之憂吳山北大井
曰吳山井蓋此井係錢王時有詔國師始開此
井為錢塘第一山脉融液源源所鍾不雜江潮
之水遇大旱不涸天井巷曰天井舊志云寶
月山上亦有天井後廢之久矣萬松嶺上沈婆
井嶺下有郭公井鐵冶嶺北有郭婆井青平山

側有郭兒井壽域坊仁王院前上四眼井長慶坊竹竿坊巷曰四眼井下金地山步司寨前名曰鱈井清沙灣有鰻井寶月山下上八眼井秘書省相對下八眼井後市街大眼井六部前甜瓜井四方館北及南倉前各有大井太學後及市西坊各名沈公井祥符寺中向吳越王於寺內三字一本無開井九百九十眼後改創軍器所湮塞存數井耳荐橋北有義井亦呼四眼井道明橋及井豐樂橋西長惠井棚前亦有雙井梵天寺靈鰻井錢王廟前烏龍井六和塔南沙上曰沙

井上以鐵井欄護之西溪有井名龜兒井方井淨慈寺前四眼井鐵冶嶺相公井下竺藏院煉丹井武林山烹茗井清湖惠利井甘泉坊相國井安國羅漢寺名西井又名成化井三省激賞庫四名井坊俗呼四眼井裴府前名十方井俗呼小眼井惠廷橋西有井一者三呼沈公井曰金牛井曰惠廷井州治前流福坊名流福井湯門鑄子井自惠利而鑄子井一本無計八井于西湖置水口引水歸城便民汲之孤山有金沙井風篁嶺龍井有名賢題咏甚多秦少浙題名石

刻丞相鄭清之跋蕪東坡之記存焉治平寺葛
公雙井楊村路上觀音井小林蓮花院蓮花井
仁和阜亭馮氏井 泉者以城外兩赤縣有冷
泉醴泉溫泉並見武林山玉泉在錢塘九里松
北淨空院昨白齊一本二字空末有靈悟大師雲超
開小說法龍君來聽撫掌出泉有小方池深不
及丈水清澈可鑒異魚泳游其中池側立祠祀
龍君朝家封公爵有白樂天詩詠云湛々玉泉
色悠悠々浮雲身閑心對定水清淨兩無塵手把
青藜杖頭戴白綸巾興盡山下去知我是誰人

真珠泉在大慈崇教院為張循王真珠園內也
靈泉在壽星寺前有亭而廣福院亦有之金沙
泉在仁和永和鄉東坡詩云細泉幽咽走金沙
之句孟泉詳于壽星寺卧犀泉見于鄭戩靈隱
天竺詩序中蕭公泉在靈隱寺後歲寒泉在龍
井山崇因院法華泉在南山滿覺寺參寥泉元
祐年間此僧住上智果寺寺有泉東坡以僧之
名為泉名蓋東坡應夢記云僕在黃州參寥自
吳中來訪一日夢此僧賦詩覺而記兩句曰寒
食清明都過了石泉槐火一時新後七年僕出

守錢唐此僧始卜居西湖智果院二有泉出石
縫間寒食之明日僕與客泛湖自孤山來謁參
寥子汲泉鑽火烹黃蘗茶忽晤夢詩兆于七年
前衆客皆歎遂書始末並題之非虛也潁川泉
在南高峯觀音泉昔有三法通傳燈真如寺也
噴月泉在南山晴竹園廣福院定光泉在西山
長耳相法相院西定光庵側白沙泉在靈隱寺
西普賢院方丈之西其泉自白沙中出有詩咏
曰不見泉來穴沙平落細聲夜高寒月漾銀漢
大分明周公泉又名北脾一作泉在湖州市下

開甘泉在城北董一作童家巷南惠泉在錢塘長
壽鄉大遮山惠泉寺水水谷泉在臨平山宋光
庵側寒泉舊名薦菊泉在錢塘門外嘉澤廟僧
錄生泉在南山福聖院六乙泉僕夫泉在孤山
四聖太乙道館園內大悲泉在上天竺茯苓泉
在靈隱寺西無垢院虎跑泉在大慈山持正泉
在六和開化寺湧泉在霍山行宮西清水院前
山坡下 高廟遣人汲泉入內淪茗寺中以朱
欄護之味及清甘亢旱不竭天澤泉在麴院小
隱寺前有亭復之安平泉在仁和安仁西鄉安

隱院池邊有亭扁曰安平泉東坡題咏云策杖
徐步此山撥雲尋徑興飄然鑿開海眼如何
代種出菱花不記年烹茗僧誇甌泛雪煉丹人
化骨成仙當年陸羽室收拾遺却安平一片泉
城內有瑞石泉在料糧院北瑞石山下今太廟
南有井亭青衣泉在太廟後三茆觀園內武安
泉在皇城司營水清甘有青石刻武安泉三字
俱按咸淳志所載而述之也

池塘

湧金池在豐豫門裏引西湖水為吳越王元瓘

大書湧金池三字刻石識之其旁書清泰三年
丙午之歲建午之月特開此池有前輩賦詩咏
曰湧金春生晚吹落碧桃花一片何人得流經
十萬家又曰衆沼皆涵碧斯池獨湧金寶光終
夜見不是月華深聖母池在吳山中興觀側以
石欄護之上建聖母廟白龜池在錢塘門裡沿
城南金牛池已廢仁和倉池在倉南明清池在
大理寺議廳池畔有潘閔詩刻白洋池在梅家
橋南鴻雁池在龍山北龍母池在錢糧司嶺金
魚池在開化寺後山澗水底有金銀魚放生亭

池在西湖德生堂瑤池在錢唐門外寶勝寺側
今屬呂氏園有二飲馬池一在西溪飲馬山下
一在菜市門外廟子灣西水池在長橋東錢湖
門外碧沼水池在湖州市左八即廟巷池廣三
畝水清甘人多汲飲有扁曰碧沼磨劔池臨平
山下有片石俗傳錢王磨劔于此宮城外護龍
水池二十所自候潮門裏南貼中軍寨壁宮城
之東直至便門裏南水北和寧門外水池袤一
百一十尺自是迤南居民去水絕遠者皆恃此
防虞以為安矣城內外居民水遠去處官置防

古

虞水池二十有二以便民利用 塘者如良山
門外尉司衙側名五里塘良山門外蔡官人塘
月塘其地宜種瓜有姓者擅其利土人呼月塘
周家笑筒瓜是也上塘在殿司右軍教場側又
在團圓頭石塘北沈塘在北關外又名沈家灣
永和塘在仁和永和鄉地接石 古 禹湖白龍潭
俗謂之三里陰水勢漲溢一遇卯風震蕩數百
頃中瞬息煙沒鄉民患之後得邑士倡義役捐
財以助修築塘成歲無水患也宰范光命名曰
永和堤官河塘在北新橋之北接廣運河大塘

又有一塘曰西塘袤一十八里抵安溪通四川
驛路淳祐並加築治至今無頽圯之患矣

堰閘渡

清和堰在餘杭門外稅務東裏沙河堰在餘杭
門外仁和橋東澄水閘在西湖長橋南因錢湖
門內諸山之水分流為三道一以錢湖門外北
城下置海子口流水省馬院後為小渠引水直
至澄水閘入湖又為三渠出于湖皆有石橋後
渠為民居湮塞然橋猶可記也西閘在赤山教
場側龍山渾水閘清水閘在龍山浙江清水渾

水二閘在便門外保安閘在小堰門外清湖上
中下三門在餘杭門外石函橋閘在錢唐門外
水磨頭曰湖水漲壅開此泄水出于下湖安溪
化灣二斗門閘在錢唐縣北 浙江渡在浙江
亭江岸對西興龍山渡在六和塔開化寺山下
對漁浦漁山渡在大朱橋及鹽倉前西岸相望
不遠江勢可畏浙東人憚于漁浦者多由此渡
船頭渡在通江橋北周家渡在城內漆木巷司
馬渡在油蠟局橋蕭家渡在下中沙巷遙家渡
在仁和倉東睦家渡在豐儲倉西時家渡在德

勝堰南

夢梁錄卷之十一終

國家圖書館, NATIONAL CENTRAL LIBRARY, TAIWAN, R.O.C.

夢梁錄卷之十二

西湖

杭城之西有湖曰西湖舊名錢塘湖週圍三十餘里自古迄今號為絕景唐白樂天守杭時再築堤捍湖宋慶曆間盡闢豪民僧寺規占之地以廣湖面一作西湖元祐時蘇東坡守杭奏陳于上謂西湖如人之眉目豈宜廢之遂撥賜度牒易錢米募民開湖以復唐之舊紹興間輦轂駐驛衣冠紛集民物阜蕃尤非昔比郡臣湯鵬舉申

宋錢塘 吳自牧 著

明西湖條劃事宜于朝增置開湖軍兵差委官
吏管領任責蓋造寨屋舟隻專一撩湖無致湮
塞修湖六井陰竇水口增置斗門水閘量度水
勢得其通流無垢污之患乾道間周按撫深奏
乞降指揮禁止官民不得拋棄糞土栽植荷菱
一作芡等物穢污填塞湖港舊召募軍兵專一撩
湖通來廢闕見存止三十餘名再乞填刺補額
仍委尉司官弁本府壕寨官帶主管開湖職專
一管轄軍兵開撩無致人戶包占或有違戾許
人告捉以違制論自後有時禁約方得開闢淳

祐丁未大旱湖水盡涸郡守趙節齋奏朝命開
濬自六井至錢唐上船亭西泠橋北山第一橋
蘓堤三塔南新路長橋柳洲亭寺前等處凡種
菱芡一作芡蕩一切雜去方得湖水如舊咸淳間
守臣潛昇墜亦申請于朝乞行除折湖中菱荷
毋得存留穢塞侵占湖岸之間有御史鮑度劾
奏內臣陳敏賢劉公正包占水池益造屋宇濯
穢洗馬無所不施灌注湖水一以醞酒以祀天
地饗祖宗不得蠲潔而虧歆受之福次一城黎
元之生俱飲污膩之濁水而起疾疫之災奉旨

降官罷職令臨安府日下拆毀屋宇開闢水港
盡于湖中折除蕩岸得以無穢污之患官府其
除年納利租官錢消滅其籍絕其所峙本根勿
復萌蘖矣且湖山之景四時無窮雖有畫工莫
能摹其寫如映波橋側竹水院澗深木茂蜜蔭
清漪委可人意西冷橋即裏湖內俱是貴官園
圃涼堂畫閣高臺危榭花木奇秀燦然可觀有
集芳御園理宗賜與賈秋壑為第宅家廟往來
遊翫舟隻不敢仰視福禍立見矣西冷橋外孤
山路有琳宮者二曰四聖延祥觀曰西太乙宮

御圃在觀側乃林和靖隱居之地內有六乙泉
金沙井閑泉僕夫泉香月亭：側山椒環植梅
花亭中大書于照屏之上云疎影橫斜水清淺
暗香浮動月黃昏之句又有堂扁曰挹翠蓋挹
西湖北諸山之勝耳曰新亭詩面山而宅其麓在
挹翠之後曰香蓮亭曰射圃曰瑪瑙坡曰陳朝
檜皆列圃之左右舊有東坡庵四照閣西閣鑑
堂辟支塔年深廢久而名不可廢也曰蘓公堤
元祐年東坡守杭奏開浚湖水所積葑草築為
長堤故命此名以表其德云耳自南迄北橫截

湖面綿亘數里夾道雜植花柳置六橋建九亭
以為遊人翫賞駐足之地咸淳間朝家給錢命
守臣增築堤路沿堤亭榭再一新補植花木向
東坡嘗賦詩云六橋橫接天漢上北山始與南
屏通忽驚二十五萬丈老葑席卷蒼烟空曰南
山第一橋名映波橋西偏建堂扁之先賢寶歷
年大資表京尹歆請于朝一本表大以杭居吳賢請于朝
會為列城冠湖山清庶瑞氣扶輿人傑代生踵
武相望祠祀未建寔為闕文以公幣求售居民
園屋建堂奉忠臣孝子善士名流德行節義學

問功業自陶唐至宋本郡人物許箕公以下三
十四人及孝婦孫夫人等五氏各立碑刻表世
旌哲而祀之堂之外堤邊有橋名袁公橋以表
而出之其地前挹平湖四山環合景象窈深雖
堂濱湖入其門一徑縈紆花木蔽翳亭館相望
五六來者由振衣歷古香循清風登山亭憇流
芳而後至祠下又徙玉宸道館于祠之良隅以
奉灑掃易扁曰旌德且為門使其往來直門為
堂扁曰仰高曰第二橋名鎖澗橋西建堂扁曰
湖山咸淳間洪帥濤買民地創建棟宇雉傑面

勢端閎闊巒奔起水光滉漾四浮圖矗四圍如
武士相衛回眸顧盼由後而望則芙蓉菰蒲蔚
然相扶若有遜避其前之意後二年帥臣潛臯
墅增建水閣六楹又縱為堂四楹以達于閣環
之欄檻開之戶牖蓋通延遠挹盡納千山萬景
卓然為西湖堂宇之冠遊者爭趨焉曰第三橋
名望山一作仙橋側有堂扁曰三賢以奉白樂天
林和靖蘓東坡三先生之祠 表大資請于朝
切唯三賢道德名節震耀今古而祠附于水仙
廟東廡則何以崇教化勵風俗遂買居民廢址

改造堂宇以奉三賢寔為尊禮名勝之所

一本無此

句正當蘓堤之中前挹湖山氣象清曠背負長
岡林樾深窈南北諸峯嵐翠環合遂與蘓堤貫
聯也蓋堂宇參錯亭館臨堤種植花竹以顯清
概堂扁水西雲北月香水影晴光雨色曰北山
第二橋名東浦橋西建一小矮橋過水名小新
堤于淳祐年趙節齋尹京之時築此堤至麴院
接靈隱三竺梵宮遊翫往來兩岸夾植花柳至
半堤建四面堂益以三亭于道左為遊人憇息
之所水綠山青最為觀翫咸淳再行高築堤路

凡二百五十餘丈所費俱官給其券工也北山
第一橋名涵碧橋迺橋出街東有寺名廣化建
竹閣內栽一作四面竹萬竿青翠森茂陰晴朝暮其
景可愛閣下奉樂天之祠曰壽星寺高山有堂
扁曰江湖偉觀蓋此堂外江內湖一覽目前淳
祐趙尹京重建一作叔廣厦危欄顯廠靈曠旁又
為兩亭巍然立于山峯之頂遊人縱步往觀心
目為之豁然曰孤山橋名實佑舊呼曰斷橋
裏有梵宮以石刻大佛金裝名曰大佛頭正在
秦皇纜舟石山上遊人爭觀之橋外東一本有

下

森然亭堂名曰放生石函橋西昨於真廟朝
天禧年間平章王欽若出判杭州請于朝建也
次年守臣王隨記其事元祐東坡請浚西湖謂
每歲四月八日邦人數萬集于湖上所活羽毛
鱗介以百萬數皆西北向稽首祝萬歲紹興以
鑾輿駐蹕尤宜涵養以示渥澤仍以西湖為放
生池禁勿採捕遂建堂扁德生有事二一以濱
湖為祝網縱鱗之所亭扁冰飛一以枕山凡名
賢舊刻皆峙焉又有奎書戒烹宰文刻石于堂
上曰玉蓮又名一清在錢唐門外菩提寺南沿

城景定年間一作尹京馬光祖建次年魏克愚徙郡治竹山閣改建于此但堂宇夾閣花木森
顧盼湖山蔚然堪画曰豐豫門外有酒樓名豐
樂舊名聳翠據西湖之會千峯連環一碧萬頃
柳汀花塢歷々欄檻間而遊橈画舫權謳堤唱
往々會于樓下為遊覽最願以官酤喧雜樓亦
臨水弗與景稱淳祐年帥臣趙節齋再撤新創
壞廣宏特高接雲霄為湖山壯觀花木亭榭映
帶參錯氣象尤奇縉紳士人鄉飲團拜多集于
此更以錢唐門外望湖樓又名看經樓大佛頭

石山後名十三間樓乃東坡守杭日多遊此今
為嚴院矣豐豫門外有望湖亭三處俱廢之久
名賢遺跡不可無傳故書之使後賢不失其名
耳曰湖邊園圃如錢唐玉壺豐豫漁庄清波聚
景長橋慶樂大佛雷峰塔下小湖齋宮甘園南
山南屏皆臺榭亭閣花木奇石影映湖山蕪之
貴宅富舍列亭館于水隄梵刹琳宮布殿閣于
湖山週圍勝景言之難盡東坡詩云若把西湖
比西子淡粧濃抹總相宜正謂是也近者画家
稱湖山四時景色最奇者有十曰蘓堤春晚麴

院荷風平湖秋月新橋殘雪柳浪聞鶯花港觀
魚雷峯夕落照兩峯插雲南屏晚鐘三潭映月
春則花柳爭妍夏則荷榴競放秋則桂子飄香
冬則梅花破玉瑞雪飛瑤四時之景不同而賞
心樂事者亦與之無窮矣

下湖

下湖在唐門外其源出于西湖一自玉壺水口
流出九曲沿城一帶至餘杭門外一自水磨頭
石函橋開流出策選鋒教場揚府雲洞北郭稅
務側合為一流如環帶形自有二斗門潛泄之

淳祐年西湖水涸城內諸井亦竭京戶趙節齋
給官錢米命工自錢唐尉解北望湖亭下鑿樂

樂字一
本空

引天目山水自餘杭河經張家渡口河

達于溜水橋斗門凡作數壩用車運水經西湖
庶得流通城中諸市民賴其利也林和靖舫舟
石函因過下湖小墅賦詩曰平湖望不極雲氣
遠依々及向扁舟泊還尋下瀨歸青山連石埭
春水入柴扉多謝提壺為留人到落暉錢唐定
山南鄉有名湖劉道真錢唐記云明勝湖在縣
南一百步又仁和東十八里亦有此湖名之仁

和縣東北十八里有湖名曰御息故老相傳秦
始皇東遊暫憇于此故以名之縣東長榮鄉曰
臨平湖前輩夜汎湖賦詩曰素彩皓通津孤舟
入清曠已愛隔簾看還宜捲簾望隔一作簾當
此時惆悵思君々不知又曰三月平湖草欲齊
綠楊分映入長堤田家起處烏龍吠酒客醒時
謝豹啼山檻正當蓮葉渚水塍新擘稻秧畦人
間漫說多歧路咫尺神仙洞裡却一作迷仁和永
和鄉有湖者二曰石橋湖曰下山湖天宗水門
外曰泛洋湖仁和長樂鄉像光湖唐時湖中現

五色光掘地得彌勒佛石像乃建寺及湖名俱
曰像光仁和桐扣山下名石鼓湖

浙江

浙江在杭城東南謂之錢塘江內有浙山正居
江中潮水投山下曲江折而行有若反濤水勢
者以錢唐松江浦陽為三而不知浦陽在何地
今富陽即唐江其江自古曰浙河見于莊子書
中其為東南巨浸昭々也按吳越春秋時內傳
云吳王賜子胥死乃取其尸盛以鴟夷之革浮
之江中子胥因隨流揚波依潮來往蕩激堤岸

又按越王外傳云越王賜大夫種死塋于西山之下一年子胥從海上穿山脅而持種去與之俱浮于海故前潮水審候伍子胥也後重水者大夫種也恐此說荒誕無稽不敢信以忠清廟記言之非誕也然諸家所說甚多或謂天河激湧亦云地機翕張又云日激水而潮生月週天而潮應或以挺室入漢山湧而濤生隨折水大梁月行而水火源殊派異無所適從索隱探微室伸確論大率元氣呼吸天隨氣而張歛溟渤往來潮隨天而進退也者蓋日者重陽之母陰

生于陽故潮隨之于日也月者大陰之精故潮依之于月也是故隨日而應也依陰而附陽盈于朔望隨于上下弦息于輝胸故潮有大小焉但月朔夜半子晝則午刻朝平于地次日潮信稍遲一二刻至望日則潮亦如月朔信復會于子午位若以每月初五二十日此四日則下岸其潮自此日則漸小矣以初十二二十五日則潮交澤起水則潮漸大矣初一至初三十五至十八六日之潮最大其銀濤沃日雪浪吞天聲若雷震勢不可禦進退盈虛終不失期且海

門在江之東北有山曰赭山與龔山對峙潮水
出其間也盧肇潮賦所謂夾羣山而遠入射一
帶以中投者是也若言狹逼則東自定海吞餘
姚奉化二江俾之浙江尤甚逼狹潮未聞其聲
北望嘉興太湖水濶二百餘里故商船舶隻怖
于上潭惟泛餘姚小江易舟而浮運河達于杭
越蓋以下有沙潭南北之隔礙洪波盛遏潮勢
矣

城內外河

茅山河東自保安水門向西過權貨務橋轉北

過通江橋一直至梅家橋元德壽宮之東今宗
陽宮有茆山河曰展拓宮基填塞及民戶包占
雖存去水大渠流至蒲橋後被修內司營填塞
所不及故道今廢之久矣 鹽橋運河南自碧
波亭州橋與保安水門裏橫河過望仙橋直北
至梅家橋出天宗水門一派自仁和倉後葛家
橋天水院橋淳祐倉前出餘杭水門水道一本無水
道市河俗呼小河東自清冷橋西流至南瓦橫
河轉北由金波橋直北至仁和倉橋轉東合天
水院橋轉北過便橋出餘杭水門清湖河西自

府治前淨因橋過閘轉北由樓店務橋至轉運
司橋轉東由渡子橋合湧金池水流至金文庫
與三橋水相合南至五顯廟後普濟橋水相合
直北由軍將橋至清湖橋投北由石灰橋至衆
安橋又投北與市河相合入鵝鴨橋轉西一派
自洗麩橋至紀家橋轉北由車橋至便橋出餘
杭水門 城外運河南自浙江跨浦橋北自渾
水閘蕭公橋清水閘衆惠橋樞木橋諸家橋轉
西由保安寨至保安水門入城土人呼城河曰
貼沙河南自竹車門北去統城東過紅亭稅務

前務已廢螺螄橋東至蔡湖橋與殿司前軍寨內
河相合轉西過游奕寨前軍寨橋至無星橋壩
子橋河相合入艮山河沿城至泛洋湖水轉北
至德勝橋與運河相合 菜市河南自新門外
北沿城景隆觀後至章家橋菜市塘塢子橋入
泛洋湖轉北至德勝橋與運河合流 下塘自
河南天宗水門接沿一作鹽橋運河餘杭水門接
城中小河清湖河兩河合于北郭稅務前由清
湖一作堰閘至德勝橋與城東外沙河菜市河
泛洋湖相合分為兩派一由東北上塘過東新倉

新橋入大運河至長安開入嘉興路運河一由西北過德勝橋上北城堰過江漲橋喻家橋北新橋以北入安吉州界下塘河 新開運河在餘杭門外北新橋北通蘓湖常秀潤等河凡諸路網運及販米舟船皆由此達于杭都 下湖河在溜水橋柴塲北自策選馬軍寨墻八字橋沿東西馬塍羊角埂上沉下泥橋直抵步司中軍寨墻北一派自打水樓南折入左家橋河入江漲橋河一派自八字橋西策選軍寨神勇寨步人橋至石塘橋下折入餘杭塘河一派自西

堰橋西溪山一帶至飲馬山亦折入餘杭塘河 子塘河自北郭稅務驛亭下直抵左家橋係下湖洩水去處 餘杭塘河在餘杭門外江漲橋投西路至餘杭縣 奉口河自北新橋至奉口大溪 前沙河在菜市門外大平橋外沙河河北水陸寺前入港可通湯鎮赭山岩門鹽塲 東坡嘗雨中督役開湯村運鹽河賦詩曰居官不任事蕭散羨長卿胡不歸去來滯留媿淵明鹽事星火急誰能恤農耕藝、曉鼓動萬指羅溝坑天雨助官位悠然淋衣纓人如鴨與豬

投泥相濺驚下馬荒堤上四顧但湖泓綠路不
容足又與牛羊爭蹄田雖賤辱豈失泥中行寄
語故山友切勿厭藜羹 後沙河在艮山門外
垵子橋北 官塘河在餘杭門外一作在板橋
西 蔡官人塘河在艮山門外九里松塘姚斗
門通河衛店湯鎮赭山 施何村河在桐扣山
水漣堰東自運河入通裏外沙河 赤岸河在
赤岸自運河入通高塘橫塘諸河 方輿河在
臨平鎮東自運河入通像光湖赭山湯鎮

湖船

杭州左江右湖最為奇特湖中大小船隻不下
數百舫船有千料約長二十餘丈可容百人五
百料者約長十餘丈亦可容三五十人亦有二
三百料者亦長數丈可容三二十人皆精巧創
造雕欄畫拱行如平地各有其名曰百花十樣
錦七寶搶金、獅子何船方馬兜羅船金勝黃
船董船劉船其名甚多姑言一二更有賈秋壑
府車船、棚上無人撐駕但用車輪腳踏而行
其速如飛又有御舟安類小湖園水次其船皆
是精巧雕刻創造俱用香楠木為之只是周漢

國公主遊翫曾一用耳靈芝寺前水次有趙節
齋所造湖舫名曰烏龍凡遇撐駕即風浪大作
坐者不安多不敢撐出以為弃物湖中南北搬
載小船甚夥如 船買賣羹湯時果撥酒瓶如
青碧香思堂春宣賜小思龍游新煮酒俱有及
供菜蔬一作落一作落 落音路香草水果船
也楚詞七諫菟落雜于麋蒸撲時花帶朶糖獅兒諸色千千小段兒糖小兒
家事兒等船更有賣雞兒湖溼海螯螺頭及點
茶供菜果婆嫂船點花茶撥糊盆撥水棍小船
漁莊岸小釣魚船湖中有撒網鳴榔打漁船湖

中有放生龜鱉螺蚌船並是瓜皮船也又有小
脚船專載賈客妓女荒鼓板燒香婆嫂撲青器
唱耍令纏曲及投壺打彈百藝等船多不呼而
自來須是出看放支槁不被晒笑若四時遊
翫大小船隻催價無虛日遇大雪亦有富家翫
雪船如二月八及寒食清明須先指揮船戶在
定船隻若此日覓船非二三百券不可雇賃至
日雖小脚船亦無空閑者船中動用器具不必
帶往但指揮船主一一周備蓋早出登舟不勞
為力唯支槁錢耳更有豪家富宅自造船隻遊

戲及貴官內侍多造採運船用青布幕撐起容
一二客坐裝飾尤其精緻

江海船艦

浙江乃通江渡海之津道且如海商之艦大小
不等大者五千料小可載五六百人中等二千
料至一千料亦可載二三百人餘者謂之鑽風
大小八櫓或六櫓每船可載百餘人此網魚買
賣亦有名三板

等船且論海商之船

自入海門便是海洋茫無畔岸其勢誠險蓋神
龍怪蜃之所窟風雨晦冥時惟憑針盤而行乃

火長掌之毫釐不敢差悞蓋一舟人命之係也
愚屢見大商賈人言此甚詳卷若欲船泛外國
買賣則永州便可出洋迺運過七洲洋舟中測
水約有七十餘丈若經崑崙沙漠蛇龍烏猪等
洋神物多于北中行兩上略起朶雲便見龍現
全身目光如電爪角宛然獨不見尾耳頃刻大
雨如注風浪掀天可畏尤甚但海洋迤出礁則
水淺撞礁必壞船全憑南針或有少差即墜魚
腹自古舟人云去怕七洲回怕崑崙亦深五十
餘丈又論舟師觀海洋中日出入則知陰陽

驗雲氣則知風色順逆毫髮無差遠見浪花則知風自彼來見巨濤拍岸則知次日當起南風見電光則云夏風對閃如此之類畧無少差相水之清渾便知山之近遠大洋之水碧黑如澱有山之水碧而綠傍山之水渾而白有魚所聚必多礁石蓋石中多藻苔則魚所依耳每月十四二十八日謂之大等日此兩日若風雨不當則知一旬之內多有風雨凡測水之時必視其底知是何等沙泥所以知近山有港若商賈止到台溫泉福賣買未嘗過七洲崑崙等大洋若

有出洋即從泉州港口至山嶼門便可放洋過海泛往外國也其浙江船隻雖海艦多有往來則嚴婺衢徽等船多嘗通津買賣來往謂之長船等隻如杭城柴炭木植柑橘乾濕果子等物多產如此數州耳明越溫台海鮮魚鱉蠶腊等貨亦上棹通于江浙但往來嚴婺衢徽諸船下則易上則難蓋灘高水逆故也江岸之船甚夥初非一色海舶大艦網艇大小船隻公私浙江漁浦等渡船買賣客船皆泊于江岸蓋杭城衆貨之區客販聚多無任官往來皆聚于此耳

河船

杭城裏河船隻皆是落腳頭船為載過來士賈諸色等人及搬載香貨雜色物件等又有大灘船係湖州市搬載諸鋪米及跨浦橋柴炭下塘甌瓦灰泥等物及運鹽袋船隻蓋水路皆便多用船隻如無水路以人力運之向者汴京用車乘駕物運蓋杭城皆石板街道非泥沙比車輪難行所以用船隻及人力耳若士庶欲往蕪湖常秀江淮等州多雇舸船舫船 船飛蓬等船或宅舍府第庄舍亦自創造船隻從便撐駕往

來則無官府捉拏差撥之患若州縣欲差船隻多給官錢和雇以應用度杭城乃輦轂之地有上供米斛皆辦于浙右諸郡縣隸司農寺所轄本寺所委官吏專卒督催米斛解發朝廷以應上供支用搬運自有網般裝載網頭管領所載之船不下運千餘石或載六七百石官司亦支耗券雇稍船米與之到岸則有農寺排岸司掌拘卸檢察投室一作堂又有下塘等處及諸郡米客船隻多是鐵頭舟亦可載五六百石者大小不同其老小悉居船中過來與販耳寺觀菴舍

船隻皆用紅油舸灘大小船隻往來河中搬運
灰炭柴薪更有載垃圾糞土之船成群搬運而
去北新橋外趙十四相公府側有殿前司紅坐
船水手次管船軍士專造紅醞在船和沽官司
寬大並無捉捕之憂論之杭城輻輳之地下塘
官塘中塘三處船隻及航船魚舟釣艇之類每
日往返曾無虛日緣此是行都士貴官員往來
商賈買賣駢集公私船隻泊于城北者夥矣

夢梁錄卷之十三

兩赤縣市鎮

宋錢塘 吳自牧 著

杭州有縣者九獨錢唐仁和附郭名曰赤縣而
赤縣所管鎮市者一十有五且如嘉會門外名
浙江市北閔門外名北郭市江漲東市湖州市
江漲西市半道塘紅市西溪謂之西溪市惠因
寺北教場南曰赤山市江頭名龍山市安溪鎮
前曰安溪市艮山門外名范浦鎮市湯村曰湯
村鎮市臨平鎮名臨平市城東崇新門外名南

土門市東青門外北土門市今諸市鎮蓋因南渡以來杭為行都二百餘年戶口蕃盛商賈買賣者十倍于昔往來輻輳非他郡比也

都市錢會

銅錢乃歷代之用寶漢唐以來天下通行宋朝開寶中其錢文曰宋通元寶至寶元間則曰皇宋通寶近世錢文皆著年号景定年鑄文曰景定元寶 朝省因錢法不通杭城增造錢牌以便行用元都市錢陌周七十七陌近來民間減作五十陌行市通使官司又印造會關子自十

五界至十八界行使至咸淳年間賈秋壑為相之日變法增造金銀關子以十八界三貫準一貫關子天下通行自曰頒行之後諸行百市物貨湧貴錢陌消折矣

團行

市肆謂之團行者蓋曰官府回買而立此名不以物之大小皆置為團行雖醫卜工役亦有差使則與當行同也然雖差役如官司和雇支給錢米反勝于民間雇賃工錢而工役之輩則欣樂而往也其中亦有不當行者如酒行食飯行

而借此名有名為團者如城西都城紀勝花園
泥路青果團後市街柑子團渾水閘蒸團又有
名為行者如官巷方梳行銷金行冠子行城北
魚行城東蟬行蓋行菱行州北猪行候潮門外
南猪行南土北土門菜行壩子橋鮮魚行橫河
頭布行雞鴉行更有名為市者如炭橋藥市官
巷花市融和市西坊珠子市修義坊肉市城北
米市且如摘園亭書房鹽橋生帛五間樓泉福
糖蜜及荔枝團圓眼等物其他工役之人或名
為作分者如碾玉作鑽捲作篋刀作腰帶作金

銀打釵作裹貼作鋪翠作襌褶作裝鑿作油作
木作甄瓦作泥水作石作竹作漆作釘釵作籊
桶作裁縫作修香燒燭作打紙作冥器等作分
又有異名行者如買賣七寶者謂之骨董行鑽
珠子者名曰散兒行做靴鞋者名隻線行開浴
堂者名香水行大抵杭城是行都之處萬物所
聚諸行百市自和寧門外杈子外至觀橋下無
一家不買賣者行公家多且言其一二家是官
巷花竹所聚奇異飛鸞走獸七寶珠翠首飾花
朵冠梳及錦繡羅帛銷金衣 描画領抹極其

工巧前所罕有者悉皆有之更有兒童戲耍物件亦有上行之所每日街市不知貨凡何也

鋪席

杭城大街自和寧門圈子外一直至朝天門外清和坊南至南瓦子北謂之界北中瓦子前謂之五花兒中心自五間樓北至官巷南街兩行多是金銀鹽鈔引交易鋪前列金銀器皿及現錢謂之看塚錢此錢脩準權貨務算清鹽鈔引并諸作公打銀鑪鞣紛紜無數自融和坊北至市南坊謂之珠子市如遇買賣動以萬數人自

府第富豪之家質庫城內外不下數十處收解以千萬計向者杭城市肆名家有名者如中瓦子前皂兒水雜貨場前廿豆湯戈家蜜棗兒官巷口光家羹大瓦子水果子壽慈宮前熟肉錢塘門外宋五嫂魚羹湯金門灌肺中瓦前職家羊飯彭家油靴南瓦子宣家台衣張家元子候潮門顧四笛大瓦子丘家筆簍自淳祐年有名相傳者如貓兒橋魏大刀熟肉潘郎幹熟藥鋪壩頭榜亭安撫司惠民坊熟藥局市西坊南和劑惠民藥局局前沈家張家金銀交引鋪劉家

呂家陳家綠帛鋪舒家紙劄鋪五間樓前周五
郎蜜煎鋪童家柏燭鋪張家生藥鋪獅子巷口
家徐紙劄鋪凌家刷牙鋪觀後丹室保佑坊前
孔家頭家鋪張賣食麵店張官人諸史文籍鋪
訥菴丹砂熟藥鋪俞家七寶鋪張家元子鋪中
瓦子前徐茂之家扇子鋪陳直翁藥鋪梁道實
藥鋪張家豆兒水錢家乾果鋪金子巷口陳花
脚麵食店傳官人刷牙鋪楊將領藥鋪市南坊
沈家白衣鋪徐官人幘頭鋪鈕家腰帶鋪市西
坊北鈕家絲帛鋪張家鐵器鋪修義坊北張古

老胭脂鋪水巷口戚百乙郎顏色鋪徐家絨線
鋪院家京果鋪俞家冠子鋪官巷前仁愛堂熟
藥鋪脩義坊三不欺藥鋪官巷北金藥白樓大
丞藥鋪胡家馮家粉心鋪染紅王家胭脂鋪淮
嶺傾錫鋪清河坊顧家綵帛鋪蔣檢閱茶湯鋪
昇陽宮前仲家先肝鋪李家雲梯絲鞋鋪太平
坊南倪沒門麵食鋪南瓦子北卓道王賣麵店
腰棚前菜麵店熙春樓下双條兒刻子店太平
坊大街東南角緞麻眼酒店漆器墻下李官人
雙行解毒丸鮑釗營街吳家夏家馬家香燭畧

頭鋪李家絲鞋鋪許家梔簡間鋪沙皮巷孔八
郎頭中鋪陳家條結鋪朝天門戴家媿麩肉鋪
外沙皮巷口雙葫蘆眼藥鋪朝天門裡大石版
朱家標襍鋪朱家元子糖蜜糕鋪太廟前尹家
文字鋪陳媽二泥面具風藥鋪大佛寺箔葉鋪
保和大師烏梅藥鋪三橋街毛家生藥鋪柴家
絨線鋪姚家海鮮鋪壩橋榜亭側朱家饅頭
鋪石榴園倪家把鮮鋪張省幹金馬杓小兒藥
鋪三橋河下楊三郎頭中鋪清河湖下戚家犀
皮鋪里仁坊口游家漆鋪李博士橋鄧家金銀

鋪汪家金紙鋪炭橋河下青兒扇子鋪水登橋
河下針鋪彭家溫州漆器鋪沿鹽橋下生帛鋪
郭醫產藥鋪住大樹下橋園亭文藉書文平津
橋沿河布鋪黃草鋪溫州漆器青白磁器鐵線
巷籠子鋪生絹一紅鋪薦橋新聞巷元子鋪官
巷內飛家牙梳鋪齊家歸家花朵鋪盛家珠子
鋪劉家翠鋪馬家宋家領抹銷金鋪沈家枕冠
鋪小市裡舒家體具頭面鋪周家摺摺扇鋪陳
家畫團扇鋪自大街及諸坊巷大小鋪席連門
總無虛空之屋每日侵晨兩街巷門浮鋪上行

百市買賣勢鬧至飯前市罷而收蓋杭城乃四方輻輳之地與外郡不同所以客販往來旁午於道曾無虛日至于故楮羽毛皆有鋪席發客其他鋪可知矣其餘坊巷橋道院落縱橫城內外數十萬戶口莫知其數處處各有茶坊酒肆麵店果子綵帛絨線香燭油醬食米魚肉齋醋等鋪蓋經紀市井之家往往多于店舍旋買見成飯食此為快便耳

天曉諸人出市

每日交四更諸小寺觀已鳴鐘菴舍行者頭陀

打鐵板兒或木魚兒沿街報曉各分地方若晴則曰天色清明或報大叅或報四叅或報常朝或言後殿坐陰則曰天色陰晦雨則言雨蓋報令諸百官聽公上番虞侯上名衙兵等人及諸司上番人知之趕趨往諸處伏役耳雖風雨霜雪不敢缺此每月朔望及過節序則沿門求乞齋糧寂是大街一兩處麵食店及市西坊西食麵店通宵買賣交曉不絕緣金吾不禁公私營幹夜食于此故也御街鋪店聞鐘而起賣早市點心如煎白腸羊鵝事件糕粥血腸羹羊血粉

羹之類各天賣五味肉粥七寶素粥夏月賣義
粥餛子豆子粥又有浴堂門賣面湯者有浮鋪
早賣湯藥二陳湯及調氣降氣及立安^劑元者有
賣燒餅蒸餅糕雪糕等點心者以趁早市直
至飯前方罷及諸行鋪席皆往都處侵晨行販
和寧門紅權子前買賣細色異品菜蔬諸般下
飯及酒醋時新果子進納海鮮品件等物填塞
街市吟叫百端如下京氣象殊可人意孝仁坊
口水晶紅白燒酒曾經宣喚其味香軟入口便
消六部前丁香餛飩此味精細尤佳早市供膳

諸色物件甚多不能盡舉自內後門至觀橋下
大街小巷在在皆有之不論晴雨霜雪皆然也

夜市

杭城大街買賣晝夜不絕夜交三四鼓遊人始
稀五鼓鐘鳴賣早市者又開店矣大街閑撲如
糖蜜糕灌藕時新果子像生花果鮮魚猪羊蹄
肉及細畫絹扇細色紙扇漏塵扇柄異色影花
扇銷金裙段背心段小兒銷金帽兒逍遙中四
時玩具耍戲兒春冬撲賣玉柵小毬燈奇巧玉
柵小屏風捧燈毬快行胡女兒沙戲走馬燈鬧

蛾兒玉梅花元子槌拍金橘數珠糖水魚龍船
兒梭毬香鼓兒等物夏秋多撲青紗黃草帳子
挑金紗異巧香袋兒木樺香殼珠梧桐數珠藏
香細扇茉莉盛盆兒帶朵茉莉兒挑紗荷花滿
池嬌背心兒細巧籠伏促織籠兒金挑陳公梨
炒栗子諸般果子及四時景物預行撲賣以為
賞心樂事之需耳衣市有李濟賣酸文崔官人
將一作將宇攤梅竹扇面兒張人画山水扇並
在五間樓前大街坐鋪中瓦前有帶三朵花点
茶婆、敲響盞撥頭兒扳拍大街玩遊人看之

無不哂笑又有鰓鬚賣糖福公个背張婆賣糖
洪進唱曲兒賣糖又有擔水斛兒內魚龜頂傀
偶面兒舞賣糖有白鬚老兒看親箭撥開盤賣
糖有標竿十般賣糖效京師古本十般糖賞新
樓前仙姑賣食菓又有經紀人擔瑜石釘鉸金
裝架兒共十架在孝仁坊紅杈子賣皂兒膏澄
沙糊子乳糖沈壽安坊賣十色炒轉象安橋
少十色花、糖市西坊賣蛇螺滴酥觀橋大
街賣兒糕輕湯太平坊賣麝香糖蜜糕金鈿裹
蒸兒廟巷口賣楊梅糖杏仁膏薄荷膏十般膏

子糖內前杈子裏賣五色法豆使五色紙袋兒
盛之通江橋賣雪泡豆兒水荔枝膏中瓦子前
賣十色糖更有瑜石車子賣糖糜乳糕澆亦俱
曾經宣喚皆效京師叫聲日市亦買賣又有夜
市物件中瓦前車子賣香茶異湯獅子巷口燒
要魚罐裏蠟雞絲粉七寶料頭中瓦子武林園
前煎白腸鳩腸灌肺頰賣輕錫五間樓前賣餘
甘子新荔枝木擔市西坊賣焦酸餡千層兒又
有沿街頭盤叫賣薑豉臊皮臊子炙椒酸犯兒
羊韭脂餅糟羊蹄糟蟬又有擔架子賣香辣罐

肺香辣素粉菱攪肉細粉料頭薑緞海螯鮓清
汁田螺羹羊血湯胡瀆海螯螺頭瀆餛飩兒瀆
麵等各有叫聲大街更有夜市賣卦蔣星堂玉
蓮相花字青霄三命三壺五星草窠五星沈南
天五星簡堂石鼓野庵五星泰來心鑑三命中
瓦子浮舖有西山神女賣卦灌肺頰曹德明易
課又有盤街賣卦人如心鑑及甘羅次北筭子
者更有叫時運來時買左田娶老婆賣卦者有
在新街融和坊賣卦名桃花三月放者其餘橋
道坊巷亦有夜市撲賣栗子糖等物亦有賣卦

人盤街叫賣如頂盤擔架賣市食至三更不絕
冬月雖大雨雪亦有夜市盤賣至三更後方有
提瓶賣茶冬間擔架子賣茶餛子惹茶始過蓋
都人公私營幹深夜方歸故也

諸色雜買

凡宅舍養馬則每日有人供草料養犬則供餵
糠養猫則供魚鮪養魚則供蠟蝦兒若欲喚過
路釘鉸修補鍋銚箍桶修鞋修幘頭帽子補修
鮑冠接梳兒染紅綠牙梳穿結珠子脩洗鹿胎
冠子修磨刀剪磨鏡時盤街者便可喚之且

如香印盤者各管定鋪席人家每日印香而去
遇月支請香錢而已供人家日用水者各有主
顧供之亦有每日掃街搬垃圾者每支錢犒之
其巷陌街市常有使漆修舊人荷大斧斫柴間
早修：扇子打錫器修灶提漏供香餅炭整并
炭挑擔賣油茗掃帚竹篾帚昂鷄籠擔聖堂拂
子竹柴茹紙生薑：茅新薑瓜茄菜蔬等物賣
泥風爐缸灶兒天憲砧頭馬杓銅鐵器如銅銚
湯餅銅錐熨斗火鋏火筋火夾鐵物漏杓銅沙
鑼銅匙筋銅瓶香炉銅火炉簾鈎鎌器如罇榼

果盆果盒酒盞注子偏提盤孟杓酒市急需馬
孟屈卮澤斗筋瓶家生動事如竹椀涼床交椅
兀子長眺一作眺音北絕床竹椅拏裙厨衣架
棋盤面桶項桶脚桶浴桶大小提桶馬子桶架
木杓研槌食托青白瓷瓷器甌器碗碟茶盞菜
盆油杆杖梢輓鞋檀棒槌烘籃雞籠虫蟻籠竹
瓜籬蒸籠莖一作盞篋篋紅簾斑竹簾酒絡酒
籠筲箕瓷甕炒碎水甌砂盆烏盆三脚罐枕頭
豆袋竹夫人懶架涼簟蓐薦蒲合蓆子及文具
物件如硯子筆墨書架書攀裁刀書剪簿子連

紙又有鏡子木梳篦子刷子刷牙子減裝墨洗
漱孟子冠梳領抹針綠與各色麻綠鞋面領子
脚帶粉心合粉臘脂膠煤紙托葉墜紙等物又
有擔挑擡盤架買賣江魚石首鮎魚鱒魚鰻魚
鱗魚鯽魚白鰻魚白鱈河鱈河蝦田鷄等物及
生熟猪羊肉及鷄鴿鴨下飯海暗鮫鴨子炙
鰻糟藏大魚鮓乾菜乾蘿蔔菜蔬葱薑等物又
有早間賣煎二陳湯飯了提瓶点茶飯前有賣
餛子小蒸糕日午賣糖粥燒餅炙焦饅餡炊餅
辣菜餅春餅点心之屬四時有撲戴花朵亦有

賣成稞時花挿瓶把花栢挂羅漢葉春撲戴朶
桃花四香瑞木香等花夏撲金燈花茉莉葵花
榴花梔子花秋則撲茉莉蘭花木樺秋茶花冬
則撲木春花梅花瑞香蘭花水仙蠟梅更有羅
帛脫蠟像生四時小枝花朶沿街市吟叫撲賣
及買賣品物寂多不能盡述及小兒耍戲家事
兒如戲劇糖果之類行嬌惜宜娘子鞦韆稠糖
葫蘆火齋郎果子吹糖麻婆子孩兒等糕粉孩
兒鳥獸像生花朶風糖餅十般糖花糖荔枝
膏縮砂糖五色糖綠天戲耍孩兒鷄頭擔兒罐

兒碟兒鏢小器酒鼓兒板兒鑼兒刀兒鎗兒旗
兒馬兒鬧竿兒花籃龍船黃胖兒麻婆子橋兒
棒槌兒皮影戲線索傀儡兒獅子猫兒又沿街
叫賣小兒諸般食件麻糖鎚子糖鼓兒錫鉄麻
糖芝蔴糖小麻糖破麻酥沙團箕豆法豆山黃
褐青豆鹽豆兒豆兒黃糖枋梅糖荊芥糖榧子
蒸梨兒棗兒米食羊兒狗兒蹄兒蛋兒栗粽豆
團糍糕麻糰湯糰水糰湯丸餡蝕兒炊餅榧栗
炒槌山裏棗山裏果子蓮肉數珠若槌荻蔗甘
蔗茅洋跳山婆栗茅蜜屈律等物並于小街後

巷肆賣遇春新街道巷陌官府差雇淘夫入渠
沿門通衢道路污泥差雇船隻搬載鄉落空閑
處人家有泔漿自有日掠者來討去杭城戶口
繁夥街巷小民之家多無坑廁只用馬桶每日
自有出糞人灑去謂之傾腳頭各有主顧不敢
侵奪或有侵奪糞主必與之爭甚者經府大訟
勝而後已

夢梁錄卷之十三

夢梁錄



卷之十四至十七

國家圖書館, NATIONAL CENTRAL LIBRARY, TAIWAN, R.O.C.

夢梁錄卷之十四

祠祭

天子祭天地諸侯祭社稷大夫祭五祀上得以
無下下不得以僭上古之制也宋朝自郊邱宗
廟社稷與大中小三祠及土域小海江湖之神
先賢名哲道德之士禦災捍患以死勤事忠烈
之臣皆寵以爵命列于祀典奉常有司歲時薦
饗焉郊邱在嘉會門外三里淨明院左右春首
上辛祈穀四月夏雩冬至冬報皆效壇行禮惟

宋錢瑋 吳自牧 著



九月秋饗不壇而屋設位于淨明齋宮春夏冬
遇雨亦望祭于齋宮差宰執充獻官行事明堂
郊祀歲則不重舉饗報之禮也正月上辛祀感
生帝于宗陽宮齋殿四立日記十神太乙祀于
東西太乙宮惠昭：慶齋宮在淨慈寺對惠昭
有壇殿及燎壇夏至日祭后土皇地祇立夏日
祭熒惑立秋日祭白帝昭慶有望祭殿立夏祭
南方岳瀆立秋祭西方岳瀆大社大稷壇在觀
橋東以春秋二仲臘前一日祭皇地祇九宮貴
神壇在東青門外以春秋二仲壇祭感生帝及

以

二

九宮貴神北太乙西南攝提正東軒轅東南招
搖中央天符西北青龍正東咸池東北太陰正
南天一之版位也籍田先農壇在玉津園南祀
神農氏配以后稷氏以歲時祀之高禖壇在郊
壇東壇祭設皇帝神位于壇上南向配伏羲帝
高辛帝于西南面北又設從祀簡狄姜嫄位于
壇下郊陞南西向北每歲春分日遣官致祭畢
收徹二從祀饌方鞬弓矢入禁中后妃以次行
禮海神壇在東門外太平橋東祭江海神為太
祀以春秋二仲遣從官行望祭禮太學春秋二

仲上丁日祭先聖文宣王配先賢充國公鄒國公沂國公邾國公及十哲先賢從祀七十二賢歷代賢哲忠孝公卿武學祀昭烈武成王配留侯祀歷代忠烈臣子

山川神

城隍廟在吳山賜額永固歲之豐凶水旱民之疾病禍福祈而必應朝廷累加美号曰輔正康濟明德廣聖勝王昭濟廟在候潮門外渾水關西相傳為吳王夫差廟加封曰善應安濟孚祐顯衛侯忠清廟在吳山其神姓伍名員乃楚大

以

夫奢之子自唐立祠至宋亦祀之每歲海潮大溢衝激州城春秋醮祭詔命學士院撰青詞以祈國泰民安累賜美号曰忠武英烈顯聖福安王有行祠在仁和縣治東隅吳越錢武肅王廟在方家峪寶藏寺及龍山武功堂為錢文穆王廟五王俱祀焉平濟王廟在浙江廣子灣累封曰顯烈廣順王順濟廟元浙江里人馮氏自侯加至王爵曰英烈王王封助靈佐順侯英顯于通應公廟即廟子頭楊村龍王廟是也平波祠賜額英順廟錢塘順濟龍王賜額昭應廟並在

白塔嶺之原孚應廟在磨刀坑廣順廟在龍山
惠順廟在江塘順濟龍王廟在湯村順濟宮三
侯加王爵美号曰廣澤靈應曰順澤昭應曰敷
澤加應曰平濟至順濟十廟俱司江濤神也嘉
澤廟在錢塘門外二里錢武肅曾封王爵今改
封曰淵靈普濟侯水仙王廟在西湖第三橋會
靈廟在柳洲五龍王廟在湧金門外上般亭龍
井惠濟廟在篁風嶺美号王爵曰嘉應廣濟孚
惠王南高峯龍王祠在榮國寺後鉢盂潭累封
曰孚應昭順侯玉泉龍王寺祠在青芝鳴淨空

以

寺內其神加封美号曰嘉應溥澤公

忠節祠

旌忠廟在豐樂橋元在德壽宮基因建宮徙于
此俗呼三聖廟按神姓高名永能緱州人姓景
名崇儀字思誼晋州人姓程名閣使字博古河
南人元豐年間回統軍戰沒廟食于鳳翔府和
尚原後方臘寇睦禱于神凱奏而還始封侯爵
後屢有功賜廟額加号王爵曰忠顯靈應孚澤
昭祐王忠顯昭應孚濟廣祐王忠惠順應孚善
祐利王以旌忠觀洒淨主其朝夕香燈之供祚

德廟在車橋西青蓮寺南其神忠義有祠墓俱在絳州太平縣趙村因本州淪陷之久廟庭存廢不可知降旨就杭建廟賜額加美号陞三侯為王爵以表忠節程嬰封忠濟王杵臼封忠祐王韓厥封忠利王靈惠廟在錢塘門側其神因完顏宗弼犯境守臣退諸山錢塘縣令朱蹕領衛司十將金勝祝威率民兵戰擊以寡制衆没于王事鄉民感其忠義葬于近郊立祠以表節烈鄉民陳于朝省賜廟額各封侯爵曰朱宰封顯忠侯金勝封忠佐侯祝威封忠祐侯以旌忠

以
9

烈之士忠勇廟在行春橋寨中其神姓張名玘係親衛大夫梁州團練使御營宿衛前軍統制因解海州圍戰歿于陣中得旨贈容州觀察使建廟賜額海州仍立廟本寨昭節廟在保民坊廟巷東王班營按二神一姓喬名元字伯仁一姓陸名執字仲模皆襄漢人在周時全為殿侍初宋太祖受禪駕自宣祐門入守閤者施弓箭拒而弗納移步趨他門而入既受朝賀畢顧近侍曰逋移門守者何人奏曰散直班傳旨降充下班又問宣祐守者何人答奏曰東三班傳

肯令宣引時本班之哀知天命所歸皆引自殞
太祖大驚趣駕臨幸慰問仍命排陣使党彥進
前往救數十人問得二人不死者即喬陸二神
召詰其故答曰臣止事一主所以乞死上慰勞
再四謂汝忠孝其班不廢且賜名曰長入祗侯
從其請所幸臨為前引仍賜青紅二色帛為帽
飾滿三年授保義郎出職二神既受誓而退尋
復效尤上閱其忠節厚加賻恤聽本班廟祀南
渡初吳山居民不戒于火揚殿岩觀緋綠二旗
現于空中隱見喬陸二字其火遂熄皆神之

力也孝廟曾觀本班宿房以黃羅撲門概遂宣
問何所始左右備奏始末上嘉歎忠孝節義如
此乙卯歲賜廟額庚申歲封侯爵甲子歲加大
字号曰喬封忠義威福英惠侯陸封忠烈威德
英佑侯顯功廟在保叔塔下神姓岳名仲据世
居霍山為臨安府吏因元末犯境輸家資募勇
士推尉司金祝二十將充首將領兵迎敵戰死
合境懷其忠義祠于延祥四聖觀号為保稷山
王鄉民申明于朝賜廟額顯功封爵曰忠翊侯
以褒忠節

仕賢祠

靈惠廟在江漲橋化度寺按神姓陳名項字行
嵩會稽人仕于東晉使虜留三年仗節不屈拔
劍斫羈齊晉復命于朝歷四州刺史食邑錢塘
海鹽二官三縣之祿死葬於高亭山梁朝封王
爵号崇善宋朝賜廟額以禱雨而應初封侯爵
累加美号進王爵曰慈祐福善昭應王且神生
則忠于國死則祐于民正謂之武功忠孝節義
昭著有行祠凡四十餘處矣嘉澤廟在滄金門
西井城下其神姓李名泌字長源唐朝相國鄴

以又

侯曾守杭有風績郡城若于海汲民當鹽水侯
鑿六井引西湖清水入城中始得飲清水郡人
德之立祠奉有香火宋朝賜廟額以褒其德矣
三賢祠在西湖蘓堤奉白樂天林和靖蘓東坡
三先生之祠顯慶廟在龍井衍慶寺側神姓胡
名則婺之永康人兩嘗尹杭有惠政在郡無江
潮之患疾告于朝以兵部侍郎致仕葬龍井山
其本里方岩山有方冠聚衆夜夢紫袍金帶神
人現赤幟于空中隨即勅減朝省褒嘉建廟賜
額封爵顯靈侯仍賜墳額顯應神之赫靈鄉民

著于方名矣昭既廟在渾水關東江塘上神姓
張名夏雍邨人宋授司封郎官為浙漕時因江
潮為患故堤累行修築不週三年輒損重勞民
力遂作石堤得以無虞民感其功立祠于江塘
上朝省褒贈太常少卿累封公侯之爵次錫以
王爵加美号曰靈濟顯祐威烈安順王祠之左
右奉十潮神又有行祠在馬婆巷名安濟廟先
賢堂在西湖蘓堤南山第一橋奉陶唐許箕公
漢嚴先生吳將軍凌公晉文正范公中尉褚公
宋龍驤將軍卜莊侯范生先齊褚先生顧先生

以

杜先生梁大中大夫范公范生先記室褚公唐
太常卿康公褚太尉褚公禮部尚書褚文公荆
州大都督許公張先生後梁吳越武肅錢王給
事中羅公宋秦王忠懿錢公吏部侍郎郎公知
制誥謝公諫院錢公和靖先生林公翰林學士
沈公大中大夫錢公龍圖學士陸錢虞三先生
秘閣吳公八行崔先生太師國崇張文忠公孝
節婦定 夫人孫氏夫人虞氏孝女馮氏節婦
何氏孝婦盛氏祠側以道館扁旌德專奉洒掃
潘道遥祠在潘閣巷以宅基建祠祀之

古神祠

夏禹王廟在錢湖門城側漢留侯祠吳山靈護廟漢蕭相國祠定民坊艮山門外顯忠廟在長生老人橋俗呼霍使君廟加封美号曰忠烈順濟昭應王周赧王廟在錢塘崇化觀山防風氏廟在廡德朱真申將軍廟在臨平斗門橋北周絳侯廟即周勃也祠在臨平鎮福德行度真君廟在肇元昇平里吳下世傳吳呂蒙也曹王廟在長樂像光湖南金真村相傳曹子建也

土俗祠

以九

顯應廟在臨安府治即淨因尼寺土地賜廟額封爵曰正祐安福使翼靈廟在府治相傳為永福鎮安王旌忠廟在天慶坊其神姓趙名延翰姓馬名仁禹並殿前指揮使左右班藝祖開基翊衛有功授節鉞贈侍中莫知廟食于杭自何而始金華將軍廟在湧金門裏水池上神姓曹名果真定人後唐為金華令仕于錢王嘗于城隅浚三池名湧金池邦人德之為立祠廣福廟在鹽橋神姓蔣世為杭人樂于施賑每歲秋成之際糴穀如春夏價增時以穀如原價糴不圖

利源如歲歛則損穀以予飢者神死之日囑二弟曰須存仁心力行好事兩弟謹遵先訓恪守不違里仁立祠表其德凡朝家祈禱無不感應遂賜廟額封爵及其二弟並進侯位曰孚順孚惠孚祐三將軍廟在潘閭巷嘉應公祠在秀義坊通應侯廟在開道坊護國天王廟白馬神祠在壽域坊今遷糧料院巷口故基在玉仙堂在大隱坊內石姥祠在芳林鄉吳容三真君廟在石榴園巷義勇武安王及清源真君廟在西溪法華山一在半道

塘紅街華嚴菩薩廟在潭半

以十

邏老人廟在縣東北霸王廟在芳林鄉會靈護國祠在端平橋東上塘上靈休廟在城南廂江岸真聖廟在白塔嶺半山七娘子廟在臯亭山舊傳崇善王妹也蘓將軍廟其神東晉驃騎將軍靈應廟按神稱楊都督並崇善王部下神也義橋崔總管廟尚將軍廟四廟俱在肇元鄉秦王廟在天雲鄉古老相傳晉毛寶廟也濟惠福濟二王廟在像光湖西濟惠義祠在北葛沈村白龍王廟在臨平東山之中亦有龍祠在洞側通靈廟即黑龍王祠在超山趙忠獻為邑宰時

禱而有感申朝省封加美號曰通靈惠應宣濟
昭惠侯

東都隨朝祠

惠應廟即東都皮塲廟自南渡時有直廟人商
立者携其神像至杭遂于吳山至德觀石立祖
廟又于萬松嶺侍郎巷橋元貞橋立行祠者三
按會要云神在東京顯仁坊名曰皮塲土地祠
政和年間賜廟額封王爵中興隨朝到杭累加
号曰明靈昭惠慈佑王神妃封曰靈婉嘉德夫
人靈淑嘉靖夫人按廟刻云其神乃古神農于

以九

三皇時都曲阜世人食腥羶者率致物故曰集
天下孝義勇烈之士二十四人分十二分野播
種採藥至今于世極有神功而庶奉二十四仙
醫使者是也自漢唐至今穢寇助順其有聖跡
不可殫紀二郎即清涼真君在官巷紹興建祠
舊志云東京有祠隨朝立之

外郡行祠

東岳行宮有五曰吳山曰西溪法華山曰臨平
景星觀曰湯鎮順濟宮曰楊村曇山梵剎供奉
東岳天齊仁聖帝香火廣惠行宮有三曰錢塘

門外霍山曰在城金地山曰千頃寺按會要真君姓張名渤血食廣德軍之祠山始封靈濟王累加美号曰昭烈大帝後改封昌福真君今加寶号曰正佑聖烈昭德昌福崇仁真君自祖父祖母以下若聖妃若諸弟諸子諸婦及女俱錫宋朝上爵封之然都人士庶奉祀者有禱必應如響斯答仰山二王廟在觀橋東馬軍司西營按宜春志二神俱姓蕭自漢顯靈世談祀典至宋功烈尤著錫以王爵王之祖父母若妻若子若婦皆錫爵号開慶衡潭有變臨瑞至太平皆

以十一

不能前神之陰相默助居多陳于朝褒其功改賜号曰顯德仁聖忠祐靈濟王福德聖仁忠衛康濟王其王祖父母以下及左右佐神并為仰二祖師凡列祠者咸加賚焉顯祐廟在仁和百萬新倉西按神姓陳名果仁帝之晉陵人仕于隨隋歷司徒有叛臣沈法興謀叛忌司徒威聲以食毒而斃其神忠憤赫靈以神矢中法興死之唐武德^嘉其功廟祀焉封爵忠烈公梁加封福順忠烈王至後周封帝号宋政和賜廟常州以帝号非禮易以王爵曰福順武烈顯應昭德

王仍奉詔書馳賜忠祐廟傳以幣版而別為文告于行祠曰淳祐二年十二月一作將郊祀天地命京尹潛臯翌祈雪祥禱于廟即降大雪藏事之際明星有爛三靈顧歆由是歲豐四方無虞臯翌識于行祠壁以昭靈貺申朝錫爵遣使緘詞馳送忠祐廟及別告于顯祐行祠以表大神之顯靈也如此靈順廟即徽州婺源靈祠餘杭立行祠者七一在南高峰頂榮國寺有華光樓旁為射亭有角觝臺又關山徑而夷之以便登陟一在北高峰為景德靈隱寺後山塔廟一

以十一


在錢塘門外九曲城下一在錢塘縣調露鄉靈感寺一在候潮門外瓶場灣一在候潮門外普濟橋東櫛木教場普濟寺一在錢塘縣六和塔寺南徐村新石塘宋朝賜五王美号曰顯聰昭聖孚仁福善王顯明昭聖孚義福順王顯正昭聖孚智福應王顯直昭聖孚信福祐王顯德昭聖孚愛福惠王每歲都人辦香致者紛々咸趨焉順濟聖妃廟在艮山門外又行祠在南城蕭公橋及候潮門外瓶場河下市舶司側按廟記姓林莆田人氏數著靈異立祠莆之聖堆宣和

賜廟額累加夫人美号後封妃加号曰靈惠協
應嘉善慶聖妃其妃之靈著多于海洋之中祐
護船舶其功甚大民之疾苦悉賴帡幪廣靈廟
在石塘埧奉東岳溫將軍請于朝賜廟額封爵
自溫將軍以九神皆賜侯爵曰溫封正祐李封
孚佑錢封靈佑劉封顯佑楊封順祐康封安佑
張封廣佑岳封協佑孟封昭佑常封威佑梓潼
帝君在吳山承天觀此蜀中神專掌注祿籍凡
四方士子求名赴選者悉禱之封王爵曰惠文
忠武孝德仁聖王王之父母及妃若子若孫若

婦若女俱褒賜顯爵美號建嘉慶樓奉香燈



國家圖書館, NATIONAL CENTRAL LIBRARY, TAIWAN, R.O.C.



夢梁錄卷之十五

學校

宋錢塘

吳自牧

著

古者天子有學謂之成均又謂之上庠亦謂之
辟水所以養育作成天下之士類非州縣學比
也。高宗南渡以來復建太武宗三學于杭都
太學在紀橋東以岳鄂王第為之規模宏濶金
宇壯麗學之西偏建大成殿：門外列二十四
戟大成殿以奉至聖文宣王十哲配享兩廡彩
畫七十二賢前朝賢士公卿諸像皆從祀每歲

春秋二丁行釋奠禮命太常樂工數輩用宮架
樂歌宣聖御贊曰大哉宣聖斯文在茲帝王
之式古今之師志則春秋道由忠恕賢于堯舜
日月共譽惟時載雍哉此武功肅昭盛儀海宇
聿崇置學官自白祭酒司業丞簿正錄共十四
五員學有崇化堂首善堂閣光堯石經之閣奉
高孝二帝宸書御製禮石刻于閣下以墨本
寘于上堂之後東西為學官位主上登極則
臨幸寧宮奠謁宣王及賜諸生束帛學官齋
長諭俱霑恩澤高宗朝幸學時曾幸養正持

15 :

正二齋兩齋長諭已免解人特與免省未免解
人與免解恩例其兩齋生並免將來文解一次
太學有二十齋扁曰服膺視身習是守約存
心允蹈養正持正節性率履明善經德循理時
中篤信果行務本貫道觀化立禮十七齋扁俱
米友仁書餘節性經德立禮齋扁張孝祥書各
齋有樓揭題名于東西壁廳之左右為東西序
對立位後為炉亭又有亭子揭以嘉名者紹
興年間太學生員三百人後增一千員今為額
一千七百一十有六員以上舍額三十人內舍

額二百單六人外舍額一千四百人國子生員
八十八人諸生衫帽出入規矩森嚴朝家所給
學廩動以萬計日供飲膳為禮甚豐月書季考
由外舍而升內舍由內舍而升上舍或釋褐及
第或過省赴殿恩例最優于此見朝廷待士之
厚而平日教養之功所以為他日大用之地也
太學內東南隅設朝廷奉后土神祇即土地神
朝家勅封号曰正顯昭德孚忠英濟侯按贊書
相傳為中興名将其英靈未泯而應響甚著蓋
其故居也理或然歟自是明指為鄂王岳忠武

也况鄂國已極于隆名宜廟食增崇于命祀謹
疏侯爵未正王封仍改廟額曰忠顯神之父母
妻子下逮將佐皆有命秩革以徽号 宗學在
睦親坊按國朝宗子分為六宅、各有學、各
有訓導之官中興後惟睦親一宅以諸王宮大
小學教授專以訓迪南班子弟嘉定歲始改宮
學為宗學凡有籍諸宗子以三載一試補入為
生員如太學法置教授博士宗輪立講課隸宗
正寺掌之學立大成殿御書閣明倫堂立教堂
汲古堂齋舍有六扁曰貴仁立愛大雅明賢懷

德升俊 武學在太學之側前洋衛建武成殿
祀太公曰昭烈武成王以留侯張良武侯諸葛
亮配累朝請名將從祀學規依太學例試補月
考課陞名然教養之法未備下禮兵部措置立
養士額置武博武諭各一員淳熙嘉泰 主上
臨幸武學謁武成王行肅揖禮學建立成堂齋
舍有六扁曰受成貴謀輔文中告結遠閱禮
宗武學俱有學廩膳供舍選釋褐一如太學例
杭州府學在凌家橋西士夫嫌其湫隘故帥
臣累增闢規模廣其齋舍總為十齋扁曰進德

興能登俊賓賢持正崇禮致道尚志率性養心
又有小學齋舍在登俊後以東西二教掌其教
訓之職次有前廊錄正等生員各齋有長諭月
書季考供膳亦厚學廩不下數千出納學正領
其職 仁和錢塘二縣學在縣左建廟學養士
仁和學有齋舍四扁曰教文教行教忠教信錢
塘學有齋舍六扁曰友善辨志教行教信教文
教忠諸縣亦如之各學有學官俱有學職生員
日供飲膳月脩課考悉如州學州學廩各學縣
廩不下數百以為養士之供 暨學在通江橋

北又名太醫局建殿扁曰神應奉鑿師神應王
以岐伯善濟公配祀講堂扁曰正紀朝家以御
診長聽充判局職本學以醫官充教授四員領
齋生二百五十人月季教課出入官帶如上學
禮學廩飲膳豐厚不苟大畧視學校規式嚴肅
局有齋舍者八扁曰守一全冲精微立本慈用
致用深明稽疾

貢院

禮部貢院在觀橋西中興紀年諸郡貢生類試
于各路轉運所在州府就試紹興十年諸州依

條發解將省殿試展一年向後科場自十二年
省試為準至十四年諸州發解如故三年一次
降詔自是為定制貢院置大中門大門裏置彌
封騰錄所及諸司官中門內兩廊各千餘間廊
屋為士夫試處廳之兩廂列進士題名石刻堂
上列省試賜知貢舉御劄及殿試賜詳定官御
札并開喜宴賜進士御詩石刻別試院在大理
寺之西專以待貢之避親嫌者本州貢院在錢
塘門外王家橋以待本州九縣士人發解之處
兩浙漕司貢院在北閔門外 家橋以待兩浙

路寓士及有官人宗女夫等發解之處

城內外諸宮觀

釋老之教徧天下而杭郡為甚然二教之中莫盛于釋故老氏之廬十不及一但老氏之教有君臣之分尊嚴難犯報應甚捷故奉老氏者倍加恭敬不敢褻瀆此釋氏之所不如也且在城宮觀則以太乙萬壽為首餘杭洞霄次之其他外郡如醴泉佑神集禧崇禧等觀又次焉此朝廷以待老臣執政間居侍從鄉監除提學主事之職優寵也今撫宮觀在杭者除御前十宮觀

18

外編次于後天慶觀在天慶坊以奉聖祖保生天尊大帝香火郡家官僚朔望到任俱朝謁于此報恩觀在觀橋南報恩坊元貞觀在貢院西巷旌忠觀在豐樂橋東北以奉鳳翔府和尚原三聖廟香火中興觀即伍相公廟天明承天即梓潼廟天隆靈應至德崇六宮觀俱在吳山之左右鶴林觀在俞家園景隆觀在新門外水府淨鑑觀在清水閣玉虛觀奉三官表忠觀奉錢王五廟香火在龍山左右貞武觀在太和寺後玉清宮在葛嶺下旌德觀在蕪堤先賢堂後雲

濤上清兩宮觀俱在雷峰塔寺之右冲虛觀在履泰鄉太清觀在龍井山景星觀在臨平岳祠之側順濟宮在湯鎮岳宮之左右外有在城及附郭女冠觀者九曰福田新興明貞神仙承天西靖靈耀長清等宮餘外七縣首以餘杭大滌洞天即洞霄宮也以下宮觀近二十有三如洞霄宮者按諸志書云自漢武帝迄唐五代至宋一千九百餘年元名天柱宋大中祥符年賜觀額洞霄按真境錄云宮有五洞交扃九峯迴抱千巖萬谷秀聚其中或泉飛形廈之簷雲鎖碧

壇之角祥光神異蕪木返于春秋撫掌泉靈吏丹藏于翠若又有亭館者七扁曰漱玉超然稅駕翠蛟飛玉宜霜聚仙貞挹是也自晉宋以來得道之士許邁而下凡二十有四人耳更有神異曰搗藥禽蓋山中異鳥寂多獸有其一晝隱夜鳴莫得而見其音清亮徹旦不絕類如杵藥之聲曰五色雲氣出于洞中高廟脫屣萬幾頤神物表遂于乾道二年自德壽宮行幸山中駐蹕累日勅太官進蔬膳御翰度人經以賜自有天地即此小殊尤之迹勝矣蘓文忠詩上帝高

居憫世頑故留瓊館在凡間青山九鎖不易到
作者七人相對閒庭下流泉翠蛟舞洞中飛鼠
白鴉翻長松怪石宜霜鬢不用金丹苦駐顏又
方千詩早識吾師頻到此芝童藥犬亦相迎師
今一去無消息花洞石泉空月明其餘名賢賦
咏不盡詳述且如道堂者如西湖崇真道院靈
應希真道堂以下城內外約有二十餘處皆捨
俗三清道友及接待外路名山洞府往來雲水
高人時有神仙應緣現迹詳于志傳矣

城內外寺院

明慶寺在木子巷凡朝家祈禱及宰執文武官
僚建啟聖節道場咸在馬仙林慈恩普濟教寺
在鹽橋東寺有萬善大乘戒壇僧尼受戒法之
地太平興國傳法寺在佑聖觀東千頃廣化院
在木子巷北係群臣僚佐啟建聖節道場及祈
禱之處城內寺院如自七寶山開寶仁王寺以
下大小五十有七倚郭尼寺自妙淨福全慈光
地藏寺以下三十有一又赤縣大小梵宮自景
德靈隱禪寺三天竺演福上下圓覺淨慈光孝
報恩以下凡三百八十有五更七縣寺院自餘

杭縣徑山能仁禪寺以下一百八十有五都城
內外菴舍自保寧庵之次共一十有三諸錄官
下僧庵及白衣社會道場奉佛不可勝紀或僧
行欲建道場殿宇則持鉢遊于四方能事者幹
緣不日可以成就唯堅志專無二心耳

僧塔寺塔

杭城有古僧塔者如上竺寺有隋朝僧貞觀法
師東岡塔竹閣有唐朝僧烏窠禪師塔四聖觀
邨園瑪瑙坡高僧塔放馬場栖貞院贊寧塔寶
勝寺後山法慧大師塔龍井壽聖寺辨才和尚

15
又

塔塔前有雙株梅棠且僧寺塔如六和慈恩開
化寺曰六和塔榮國寺曰南高峰塔景德靈隱
曰北高峰塔廟 寺曰寶保叔塔 寺雷
峰塔曰聖果寺塔定民坊曰佛牙塔廣化寺曰
辟支塔南山延壽法顯院曰華嚴塔淨因寺曰
雙石塔大中祥符開元寺廣九里自南渡初斥
西北充軍器所作院及民居寺元有鐵塔石塔
寺五又有法華塔在端拱年僧文定建千頃廣
化院有慈化大佛塔即了性塔景德靈隱淨慈
報恩光孝寺各有鐵塔乃吳越錢王所造街市

有塔者如閤門裏揚府前有輓塔巷名曰塔兒頭龍山兒頭嶺名白塔嶺_下有石塔存焉兒門北有軍寨門立雙塔呼為雙塔寨薦橋門外觀音寺對有輓塔年深矣北開門外二郎廟前亦有磚塲三橋北揚三郎頭中鋪河岸相對有磚塔二在度子橋南兩浙運司衙橋南光相寺有雙塔立于寺前西湖三潭立三塔以鎮之餘外有僧庵所建塔院及街市磚塔近年者不贅詳矣

古今忠烈孝義賢士墓

夏后氏之墓見于晚周女媧氏墳故之自唐明皇朝天寶年至今四百有餘年尚存也夫陵谷變遷高深易位彼何能若是之久哉蓋聖帝明皇天相神護以至于斯耳今撫仁和錢塘兩縣之古塚脩錄于後唐杜牧墓在南山東南與佛日山夾境名杜牧塢是也吳越文穆忠顯獻王墓在龍井山之南吳越孝獻_世子墓在天竺前山吳越忠懿妻賢德順睦妃孫氏墓在石人額下吳越王妃仰氏墓在龍井山放馬塢按表忠觀碑刻載錢氏墓在錢塘者二十有六墓吳越太

尉開國薛公墓在靈石山吳越給事羅隱墓在
錢塘定山鄉和靖先生林處士墓在孤山抗守
胡則侍郎墓在龍井廣福寺之麓都尉周仰侍
制周邦彥少師元絳三墓俱在南蕩山強文憲
強淵明裴恪趙密等墓並在溪西欽賢鄉少宰劉
匹夫墓在真珠嶼樞密張棗墓在寶石山寺丞
陳剛中墓在龍井嶺上沙盆塢儀山 王趙
仲提墓在西湖顯明寺王生時有紫光照室視
之則肉塊兩剖之間即嬰兒在內靖康時諸軍
欲推立之伏劍以曉諭諸軍曰自有真王軍猶

比十一

未退遂自拔劍欲刺六軍方退約踰月真王出
衆喏言若真王不出則王當立矣王陽許陰實
款其期未幾高廟即位于屢嘉歎忠義如此王
嘗自贊其像曰惟忠惟孝不污不苟皓月清風
良朋益友湛然靈臺確乎不污浙西提刑龍圖
周格墓在馱角門步司前軍容前殿揆周杞墓
在徐范危村之間忠毅畢再遇墓在西溪秘閣
朱弁墓在西湖丞相李文靖墓在小隱山紫芝
趙師秀墓在葛嶺花翁孫季藩墓在水仙廟側
淳固先生宋斌墓在資國寺之右忠武鄂王墓


在栖霞頌下

歷代古墓

晉杜子恭墓在錢塘唐馬三寶墓在行春橋水竹塢教場內紹興末回增廣教場惟此塚獨高大寨卒欲去之方舉錦間墓中有黑蜂數百飛出着人不可向而止是夕步帥感夢有一衣黃服之人曰吾前錢王之子葬此已久祈勿毀辭語甚切次早有本軍申至應夢遂輟其役丁蘭母塚故居在艮山門外三十六里丁橋之右母死刻木事之如生塚在姥山之東唐孝女墓在

錢塘孝女南鄉故老相傳昔有唐媿娘年十二三母病曾剗腹取肝和粥以進母之病愈媿娘以瘡破入風而死里人葬于此美其孝故名曰唐孝女墓記之更父塚在阜亭山木娘墓在艮山門太平鄉華林里蔡塘東其蔡汝揆庶母沈氏卒汝揆尚幼父母火葬汝揆傷母無松楸之地嘗言之輒泣自後長成以木刻母形以衣衾棺槨擇地葬之仍置田畝造庵舍命僧以奉晨香夕燈鄉人遂稱為木娘墓蘓小小墓在西湖上有詩題云湖堤步遊客此即題蘓氏之墓也

夢梁錄
卷之十五



國家圖書館, NATIONAL CENTRAL LIBRARY, TAIWAN, R.O.C.

夢梁錄卷之十六

茶肆

宋錢塘 吳自牧 著

汴京熟食店張掛名畫所以勾引觀者留連食
客今杭城茶肆亦如之挿四時花掛名人畫裝
點店面四時賞奇茶異湯暑天添賣雪泡梅花
酒冬月添賣七寶搗茶餛子葱茶或鹽豉湯暑
天或縮脾飲暑藥之屬向紹興年間賣梅花酒
之肆以鼓樂吹梅花飲曲破賣之用銀盃杓盞
子亦如酒肆論一角二角今之茶肆列花架安

類竒松異檜于其上裝飾店面敲打响盞歌賣
上用瓷盞漆托供賣則無銀盃物也夜市于大
街有車搭設浮鋪點茶湯以便遊觀之人大凡
茶樓多有富室子弟諸司下直等人會聚習樂
學器上教曲賺之類謂之挂牌兒人情茶肆本
非以點茶湯為業但將此為由多覓茶金耳又
有茶肆專是五妓打聚處亦有諸行借工賣妓
人會聚行老謂之市頭大街有三五家開茶肆
樓上專安着妓女名曰花茶坊如市西坊南潘
節幹俞七郎茶坊保佑坊北朱骷髏茶坊太平坊

郭四郎茶坊太平坊北首張七相幹茶坊蓋此
五處多有妙鬪非君子駐足之地也更有張賣
麵店間僻黃尖嘴蹴毬茶坊又中瓦內王媽
茶肆名一嚙鬼茶坊大街車兒茶肆將檢閱茶
肆皆士大夫期朋約友會聚之處巷陌街坊自
有提茶瓶沿門點茶或朔望日如遇凶吉二事
點送隣里茶水倩其往來傳語耳有一等街司
衙兵百司人以茶水點送門面鋪席人乞覓錢
物謂之敲茶僧道頭陀道者欲行題注先以茶
水沿門點送以為進身之階

酒肆

中瓦子前武林園向是三元樓康沈家在此開沽店門首綠畫歡門設紅綠杈子緋綠簾幙貼金紅紗柅子燈裝飾廳院廊廡花木森茂酒座瀟灑但此店入其門一直主廊約一二十步分南北兩廊皆濟楚閣兒穩便坐席向晚燈燭螢煌上下相照濃粧妓女數十聚于主廊廡面上以待酒客呼喚望之宛如神仙次有南瓦子熙春樓王厨開沽新街巷口花月樓施厨開沽融和坊嘉慶樓聚景樓俱康沈脚店金波橋風月

樓嚴厨開沽靈椒巷口新賞樓沈厨開沽填頭西市坊雙鳳樓施厨開沽下瓦子前日新樓鄭厨開沽俱有妓女以待風流才子買笑追歡耳如酒肆門首排設杈子及柅子燈蓋因郭五代時郭高祖游幸汴京茶樓酒肆俱如此裝飾故效做成俗也大抵酒肆除官庫子脚店之外其餘謂之栢戶兼賣諸般下酒食次隨意索喚酒家亦自有食牌從便點供更有色子酒店專賣灌漿饅餒薄皮春菊色子鰓肉色子魚兜雜合粉灌熨大骨之類又有肥羊酒店如豐豫門歸

家者馬院前莫家後市街口施家馬婆巷雙羊
店等鋪零賣軟羊大骨龜背爛羔大片羔雜燴
羊攪四件有一等直賣店不賣食次下酒謂之
角毬店零沽散賣或有百單四十七五十二三
十八者是也又有挂草葫蘆銀馬杓銀大碗亦
有挂銀裹直賣牌多是竹柵布幕謂之打碗頭
只三二碗便行更有酒店蒸賣血臟豆腐羹煨
螺螄煎豆腐蛤蜊肉之屬乃小輩去處若酒力
高美者牌額賣過小之名其言一小二小三小
之類是也大凡入店不可輕易登樓恐飲宴短

淺如買酒不多只就楼下散坐謂之門床馬道
初坐定酒家人先下看菜問酒多寡然後別換
好菜蔬有一等外郎士夫未曾諳識者便下筋
喫被酒家人哂笑然店肆飲酒在人出着且如
下酒品件其錢數不多謂之分茶小分下酒或
命妓者被此輩索喚珍品下細食次使其高臺
價數惟經慣者不墮其計最者東京楊樓白砵
八仙樓等處咸于今日其富貴又可知矣且杭
都如康沈施厨等酒樓店及薦橋豐禾坊王家
酒店閣門外鄭厨分茶酒肆俱用全桌銀器四

沽賣更有碗頭店一二處亦有銀臺碗沽賣於他郡却無之

分茶酒店

凡分茶酒肆賣下酒食品厨子謂之量酒博士師公店中小兒謂之大伯更有百姓入酒肆見富貴子弟等人飲酒近前唱喏小心供過使人買物命妓謂之閉漢又有向前換湯斟酒歌唱獻果燒香之藥謂之廝波有一等下賤妓女不呼自來筵前祇應臨時以此少錢會贈之而名打酒座亦名禮客有賣食藥香菓果子等物不

問要典不要散與坐客名之散暫如此等類處處有之杭城食店多是效學京師人間張亦效御厨體式貴官家品件凡點索茶食大要及時如要速飽先重後輕煎之食次名件甚多姑以述于後曰百味羹錦絲頭羹十色頭羹間細頭羹海鮮頭食酥沒辣象眼頭食蓮子頭羹百味韻羹雜粉羹軟葉頭羹五軟羹四軟羹三軟羹集脆羹三脆羹雙脆羹群鮮羹落索兒培腰子鹽酒腰子脂蒸腰子釀腰子荔枝培腰子腰子假炒肺雞絲簽鷄元魚鷄脆絲筍鷄搗奈香新

法雞酒蒸鷄炒雞葷五味焙鷄粉蛋鷄奪真
五味杏酪鵝繡吹鵝間筍蒸鵝：排吹羊大骨
蒸軟羊鼎煮羊：四軟酒蒸羊綉吹羊五味杏
酪羊千里羊：雜鷄羊頭元魚羊蹄筍細抹羊
生膾改炙汁作羊攪粉細點羊頭三色肚絲羹銀
絲肚：絲簽雙絲簽葷素簽大片羊粉大官粉
三色團圓粉轉官粉三鮮粉二色水龍粉鮮鰕
粉肥掌粉梅血粉細鋪薑粉雜合粉珍珠粉七
寶料頭粉攪香螺酒燒香螺香螺膾江瑤清羹
酒燒江瑤生絲江瑤攪望潮青鰕蟬炬酒炙青

鰕酒法青鰕青鰕辣羹酒撥孺生燒酒蠟薑酒
決明五羹決明三陳羹決明發決明四鮮羹赤
魚分明薑螺子赤魚：鰕二色膾海鮮膾鱸魚
膾鯉魚膾鯽魚膾群鮮膾螺子沙魚絲兒清供
沙魚拂兒清汁鰕鰕假團團噪子襯腸血筒螺
子或作麼茹
又作磨茹麻茹絲筍螺子沙潭筍釀筍抹肉
筍簽酥骨魚釀魚兩熟鯽魚酒蒸石首白蒸魚
時魚酒吹鱒魚春魚油煤春魚魴魚石首油煤
鮭鯽油煤假河純石首玉葉羹石首桐皮石首
鯉魚炒鱒石首鱒生石首鯉魚兜子銀魚炒鰕

攪鱸魚清羹鮭鮑假清羹鰵魚肚兒羹鮭鮑
盒鰵江魚假蟻酒法白蝦紫蕪鰵水荷鰵兒鰵
色兒蝦玉蟬辣羹蝦蒸假奶查鰵魚水龍鰵魚
鰵圓子麻飲雞蝦粉芥辣蝦膾蹄麻飲小雞頭
汁小雞元魚羹小鷄二色蓮子羹小鷄假花紅
清羹攪小雞拂兒笋煨小鷄五味炙小雞小鷄
假炙鴨紅爐小鷄哺小雞假五色假料頭肚尖
假炙江瑤肚尖煤肚小鷄菜鷄子鳩子笋焙鷄
子假燒鴨清攪鷄子紅爐鳩子八槌鷄蜜炙鷄
子鳩子黃雀釀黃雀煎黃雀辣爐野味清供野

廿

味假炙野味鴨盤免糊爐野味清攪鹿肉黃羊
獐肉炙犯兒赤蟹炙假蟹棖醋赤蟹白蟬辣羹
蚌蝸簋蝸蚌辣羹淡溪蟹奈香盒蟹辣羹蟹簋
糊蝸蟬棖醋洗手蟬棖釀蟹五味酒醬蟬酒潑
蟹生蚶子煤肚燥子蚶棖醋蚶五辣醋蚶子蚶
子明芽肚蚶子膾酒燒蚶子蚶子辣羹酒鷄鳩
鮮蚶二蚶淡菜淡菜膾改汁辣淡菜米脯鮮蛤
米脯淡菜米脯風縵米脯羊米脯鳩子鮮鷄蛤作
假爐蛤蜊肉葷素水龍白魚水龍江魚水龍肉
水龍腰子假葷菜腰子假炒肺羊爐下飯假牛

凍假驢事件凍蛤蚧凍鷄凍三鮮凍石首白魚
凍鮑鮑假蛤蚧三色水晶絲五辣醋羊生膾十
色事件凍三色炙潤鮮粥蜜燒鶩肉炙犯兒江
魚炙潤鹿獐肉炙潤江魚醃豉十色醃豉下飯
鶩肉假燒鴨下飯三色炙潤骨頭等食品更有
供未盡名件隨時索喚應手供送品嚐不致闕
典又有托盤檮架至酒肆中歌叫買賣者如炙
雞八焙雞紅燒鷄脯雞燒鴨八糙鶩鴨白煤春
鶩炙鴿糟羊蹄糟蟹燒肉蹄子糟鵝事件燒肝
事件酒香螺海醋糟脆筋千里羊諸色薑豉波

絲薑豉薑蝦海蜇鮮膘皮煤子獐犯鹿脯影戲
蒜條紅羊犯槌脯線條界方條兒三和花桃骨
鮮鵝大魚鮮鮮鯉寸金鮓筋子鮓魚頭醬等
鱖魚蝦葷鰻絲地青絲野味醋白魚肝乾金魚
乾梅魚乾鱈魚乾銀魚乾鱈魚乾銀魚脯紫魚
螟脯絲等脯脂從食葷素點心色兒旋炙犯兒
灌燒鷄粉羹料頭攪魚肉細粉小素羹灌肺羊
血糊羹海蜇螺頭辣菜餅或作熱餅鮮蝦肉
團餅羊脂韭餅四時果子圓柑乳柑福柑甘蔗
土瓜地栗麝香甘蔗沉香藕花紅金銀水蜜桃

紫李水晶李蓮子擘桃新胡桃新銀杏花紅紫
楊梅銀瓜福李台柑洞庭摘蜜橘區橘金橘橄
攬红柿方頂柿火珠柿綠柿巧柿櫻桃豆角青
梅黃梅枇杷金杏此果未遇時則有歌賣更有
乾果子如錦荔木彈京枣、圈香蓮串桃條梨
旋勝番糖、霜番擘桃松子巴攬子人面子嘉
慶子諸韵果十色蜜煎泡螺諸般糖煎細酸四
時像生兒時果春蘭秋菊石榴子兒馬院醍醐
乳酪韵果蜜薑豉皂兒膏輕錫瑪瑙錫十色糖
麝香豆沙糰子又有陳州果兒蜜雲柿糖絲梅

山糖烏李反旋果萬莖生菜筍薑油多糟瓊芝
四色辣菜四時細色菜蔬糟藏秋天有炒栗子
新銀杏香藥木瓜棗子等類更有檯床賣熟羊
炙鰻炙鰻炙魚粉鰻粉等物諸店肆俱有廳院
廡廊排列小小穩便閣兒吊窓之外花竹掩映
垂簾下幕隨意命妓歌唱雖飲宴至達旦亦不
妨也

麵食店

向者汴京門南食麵店川飯分茶以備江南往
來士夫謂其不便北食故耳南渡以來幾二百

餘年水土既慣飲食混淆無南北之分矣大凡
麵食店亦謂之分茶店若曰分茶則有四軟羹
石髓羹雜彩羹軟羹焙腰子鹽酒腰子雙脆石
肚羹猪羊大骨雜辣羹諸色魚羹大小鷄羹攪
肉粉羹三鮮大塊骨頭羹飯食更有麵食名件
猪羊盒生麵鷄絲麵三鮮麵魚桐麵皮鹽煎麵
筍撥肉麵炒鷄麵大塊麵子料澆蝦蟇麵澆汁
米子諸色造羹糊羹三鮮棊子蝦蟇棋子蝦魚
棋子絲雞棊子七寶棊子抹肉銀絲冷淘笋燥
釐淘絲雞淘要魚麵又有下飯則有焙鷄生熟

燒對燒、肉煎小雞煎鷺事件煎襯肝腸肉煎
魚煤梅魚鮎鯽雜鳩豉汁鷄焙鷄大塊燻魚等
下飯更有專賣諸色羹湯川飯并諸煎肉魚下
飯且言食店門首及儀式其門首以枋木及花
樣皆結縛如山棚上挂半片猪羊一帶近裏門
面窓牖皆朱綠五綵裝飾謂之歡門每店各有
廳院東西廊廡稱呼座以客主坐定則一過賣
執筋遍問坐客杭人侈甚百端呼索取覆或熟
或冷或溫或絕冷精澆塊燒呼容隨意索喚各
卓或三樣皆不同名行菜得之走迎厨局前從

頭唱念報典當局者謂之鐺頭又曰著案記行
菜詣灶頭托盤前去從頭散下盡合諸客呼索
指揮不致錯悞或有差錯坐客白之店主必致
叱罵罰工甚至逐之有店舍專賣餛飩麪如大
燒餛飩^餛大燥子料澆蝦燥絲鷄三鮮等餛飩并賣
餛飩亦有專賣菜麵熟齋笋肉淘麪此不堪尊
重非君子待客之處也又有專賣素食分茶不
悞齋戒如頭羹雙峰三峰四峰到底蒸蒸果子
熬蒸羊大段果子魚油煤魚蟹兒三鮮奪真鷄
元魚元羊蹄梅魚兩熟魚煤油河純大片腰子

鼎煮羊麪乳水龍麪笋辣羹雜辣羹白魚辣羹
飯又下飯如五味燒麪糟醬燒麪假炙鴨乾蒸
雜鳩假羊事件假驢事件假煎白腸葱醋焙油
漂骨頭米脯大片羊紅燒大件肉煎假烏魚等
下飯素麪如大片鋪羊麪三鮮麪炒鱈麪捲魚
麪笋撥刀笋辣麪乳齋淘筍齋淘笋菜淘麪七
寶棋子百花棋子等麪皆精細乳麪笋粉素食
又有專賣家常飯食如攪肉羹骨頭羹蹄子清
羹魚辣羹鷄羹要魚辣羹猪大骨清羹雜合羹
南北羹魚賣蝴蝶麪煎肉大燒蝦燥等蝴蝶麪

及有煎肉煎肝凍魚凍鮓凍肉煎鴨子煎鱗魚
醋鮓等下飯更有專賣血臟麵葷肉菜麵筍淘
麵素骨頭麵麩筍素羹飯又有賣菜羹飯店煎
賣煎豆腐煎魚煎鮓燒筍煎茄子此等店肆乃
下等人求食處飽往而市之矣

葷素從食店 諸色點心
事件附

市食點心四時皆有任便索換不悞主顧且如
蒸作麩行賣四色饅餛細餛大包子賣菜薄皮
春蠶生餛饅餛子笑靨兒金銀炙焦牡丹餅
雜色煎花饅餛粿粿隨荷葉餅芙蓉餅菊花餅月

凡
十

餅梅花餅開爐餅壽帶龜仙桃子母春蠶子母
龜子母仙桃閣歡喜駱駝蹄糖蜜果食果食將
軍肉果食重陽糕肉絲糕水晶色兒筍肉色兒
蝦魚色兒江魚色兒蟹肉色兒鵝鴨色兒鶩眉
夾兒十色小從食細餛夾兒筍肉夾兒油燂夾
兒金錠夾兒江魚夾兒甘露餅肉油餅菊花餅
糖肉饅餛羊肉饅餛太學饅餛筍肉饅餛魚肉
餛饅蟹肉饅餛肉酸餛子層兒炊餅鶩旦更有
專賣素點心從食店如豐糖糕乳糕栗糕鏡面
糕重陽糕粿糕乳餅麩筍絲假肉饅餛筍絲饅

餛飩蒸饅餛飩波菜果子饅餛七寶酸餛飩薑糖饅
餛飩辣餛飩糖飯饅餛活糖沙餛飩諸色春蠶仙桃龜
兒包子點子諸色油煤素夾兒油酥餅兒筍絲
麩兒韻果：子七寶色兒等心點更有饅頭店
蕪賣江魚塊子雜合細粉灌塊軟爛大骨利頭
七寶料頭又有粉食店專賣小葉九子真珠丸
子金橘水糰澄粉水糰乳糖拍花糕糖蜜糖
糕裹蒸粽子粟粽金錠裹蒸芡粽糖蜜韻果巧
粽豆糰麻糰糍糰及四時點心糖食及沿街巷
陌盤賣點心饅頭炊餅及糖蜜酥皮燒餅夾子

薄脆油煤從食諸般糖食油煤假魚刻子常熟
糍糕餛飩瓦鈴兒春餅菜餅元子湯糰水糰蒸
糍糰粟粽裹蒸米食等點心及沿門歌叫熟食
燒肉炙鴨塊鷺熟羊鷄鴨等類及羊血灌肺攪
粉料頭應手市食就門供賣可應倉卒之需

米舖

杭州人烟稠密城內外不下數十萬戶百十萬
口每日街市食米除府第官舍宅舍富室及諸
司有談俸人外細民所食每日不下一二千餘
石皆需之舖家然本州所賴蕪湖常秀淮廣等

處客米到來市湖州市米市橋黑橋俱是米行
接客出糶其米有數等如早米晚米新破礮冬
春上色白米中色白米紅蓮子黃芒上稈秔米
糯米箭子米黃私米蒸米紅米黃米陳米且言
城內外諸鋪戶每戶專憑行頭口於米市做價
徑發米到各鋪出糶鋪家約定日子支打米錢
其米市小牙子親到各鋪支打發客又有新開
門外草橋下南街亦開米市三四十家接客打
發分依鋪家及諸山鄉客販賣街市鋪戶有大
徑庭杭城常願米船紛二而來早夜不絕可也

且又袋自有債戶肩駝脚夫亦有甲頭管領船
隻各有受載舟戶雖米市搬運混雜皆無爭差
然鋪家不勞餘力而米徑自到鋪矣

肉鋪

杭城內外肉鋪不知其幾皆裝飾肉案動器新
麗每日各鋪懸掛成邊猪不下十餘邊如冬年
兩節各鋪日賣數十邊案前操刀者五七人主
顧從便索喚剉切且如猪肉名件或細抹落索
兒精鈍刀丁頭肉條攪精攪燥子肉燒猪煎肝
肉醬肉盒蔗肉骨頭亦有數名件曰雙條骨三

層骨浮筋骨脊銀骨毳伏骨蕪骨寸金骨棒子
蹄子腦頭大骨等肉市上粉々賣者聽其分寸
略無錯悞至飯前所掛之肉骨已盡矣蓋人烟
稠密食者衆故也更待日午各鋪又市焜膠熟
食頭蹄肝肺四件雜焜蹄爪事件紅白焜肉等
亦有盤街貨賣更有犯鮓鋪兼貨生熟肉且如
犯鮓名件最多姑言一二其犯鮓者筭條影戲
鹽豉皂角鈺松脯界方條綠條糟豬頭肉瑪瑙
肉糞鮓旋鮓寸金鮓魚頭醬三和鮓切鮓挑花
鮓骨鮓飯鮓槌脯紅羊犯大魚鮓鱈魚鮓等


類冬間添賣凍薑豉蹄子薑豉鷄凍白魚凍波
斯薑豉等堪北修義坊名曰肉市巷內兩街皆
是屠宰之家每日不下宰數百口皆成邊及頭
蹄等肉俱係城內外諸麪店分茶店酒店犯鮓
店及盤街坊肉鋪各自作坊屠宰貨賣矣或遇
婚姻日及府第富家大席華筵數十處欲收市
腰肚頃刻並皆辨集從不勞力蓋杭廣潤可見
矣

鮓鋪


杭州城內外戶口浩繁州府廣潤過坊巷橋門

及隱僻去處俱有鋪席買賣蓋人家每日不可
闕者柴米油盐醬醋茶或稍豐厚者下飯羹湯
尤不可無雖貧下之人亦不可免蓋杭城人嬌
細故也姑以魚鮓言之此物產於溫台四明等
郡城南渾水開圍有招客旅鮓魚聚集于此城內
外鮓鋪不下一二百餘家皆就此上行合撫魚
鮓名件俱載于後郎君鮓石首鮓望春鮓皮片
鮓鮓鮓鮓鮓鮓鮓鮓條鮓帶鮓裙鮓黃魚鮓
青魚鮓鱸鮓老鴉魚鮓海裏羊更有海味如酒
江瑤酒香螺酒蠣酒雌龜脚瓦螺頭酒壠子酒

鯉鱈醬蠍蠣鎖官蠍小丁頭魚紫魚鮓鰛子
鯖子鮓子海水團望潮洶蠍蛟鱗鮓紅魚明脯
鮓乾比目蛤蜊醬蟹丁車螯江蠍蚕蠍鰾腸等
類鋪中亦兼賣大魚鮮鮓魚鮮銀魚鮮飯鮮蟹
鮮淮魚乾魷蠍鹽鴨子煎鱗魚凍魚凍要魚凍
鮓炙鮓炙魚魚粉鮓炙鰻蒸魚炒白蝦又有盤
街叫賣以便小街狹巷主顧尤為快便耳



國家圖書館, NATIONAL CENTRAL LIBRARY, TAIWAN, R.O.C.



夢梁錄卷之十七

歷代人物

宋錢塘 吳自牧 著

杭城湖光山色之秀鍾為人物所以清奇傑特
為天下冠自陶唐至于秦漢晉隋唐之人物彬
彬寂盛至宋則人物尤甚唐矣今以歷代杭之
人物考之曰陶唐箕公許由隱寓昌化晚溪

漢嚴陵光武之故人不屈于朝隱

耕富春山

孫堅孫策字伯符孫瑜

字仲異孫

伯陽吳景徐琨張

儼 吳孫真字季

孫鄰字公達

孫亘字叔武郭城字元

全琮字

璜褚泰諸葛起字岑仕丁諡 晉孫拯字顯世

孫惠字德施孫晷字文度范平字子安文

褚陶字季雅暨孫字茂言 宋 天典吳

喜范叔孫 齊顧歡字景怡宋廣之字處深褚

伯玉字元醇杜京產字景齊杜栖字孟山朱謙

之字處先呂道惠 梁范光琰字伯珪范述曾

字子元戚袞字公支褚脩盛紹遠 陳顧越字

允南杜之偉字子大錢遠字通甫杜陵字子雄

盛駱文牙字旗門全綬字弘立 隋陸知命字

仲通顧彪字仲文魯世達 唐褚亮字希明褚

遂良字登善南國處士孫彊褚無良字洪度許

遠何公弁章成編方宗凌準宗一吳降字下已

袞不約字還朴杜凌字騰雲吳公納字吳仁羅

隱字昭諫 五代武肅王錢鏐字具美杜建徽

字延光成及字洪濟馬綽鮑君福字慶臣賈圭

曹仲遠水丘昭春吳敬忠孫陟 宋忠懿秦國

王錢俶字文德錢 字延世錢惟演字希聖錢

暄字載陽錢昆字裕之錢易字希白錢彥遠字

子高錢明逸字子飛錢勰字穆父錢詠字岳南
又字岳仲錢藻字仲老薛溫字伯順顧仁冀字
遷元德昭字明遠元奉宗字知禮元絳字厚之
潘閔字道遙吳銳林和靖先生林逋字君復胡
則字子正陸滋字元參一作彖孫長者誌不載
名與表唐拱揚太雅字子正唐肅字叔元唐詢
字彥獻盛京盛度字公量郎簡字叔廉謝濤字
濟之謝絳字希深謝景初字師厚謝景溫字師
直葉杲鄉字稱之誌不載徐字希顏又表復
之俞舉善楊蟠字公濟沈文通亦不載名以字

代之沈僚字濬達陸字介夫閔魯閔治字聖
淵沈括字存中吳天秩字平甫強至字幾聖王
復字無韋驤字子駿周邠字開祖周邦彥字
美成周邦式字南伯虞奕字繩臣吳師仁吳師
禮安安中八行先生崔賁字廷碩李執字彥淵
滕茂竇字穎秀史徽字洵美沈晦字元用張九
成字子韶凌景夏字季文樊光遠字茂寔郎暉
鄭知運字次張施德操字彥執楊子平誌不載
名閔注字子東姚真舊名叔興楊由義字置之
俞烈字若晦余古趙華字子固俞灝字商卿洪

咨夔字舜俞趙汝談字履常趙汝讜字蹈中李
宗勉字強父並歷代英傑文武賢良進士隱士
之秀兼之博學精華忠勇孝義之才或身廉而
直道以事或職顯而位居三公或歷練公忠于
大朝或掌軍務而好墳典或隱而不仕為教博
之師或者諸經子義疏詩頌設段義數百篇行
于世或建立大功終事中國忠節盛名青史不
朽詳見于臨安志書考其本末則照然矣

文武狀元表

科舉盛代皆舉求賢之詔自太祖太宗朝始舉

業端拱三年臨軒唱名進士及第狀元陳克叟
淳化三年孫何 真宗朝咸平元年孫瑾二年
陳克咨景德一年李迪大中祥符五年徐爽八
年蔡齊 仁宗天聖八年王拱辰景祐元年張
唐卿寶元元年呂泰寶歷二年楊真六年賈黯
皇祐元年馮京五年鄭獬嘉祐二年張衡四年
劉輝六年王俊民八年許將 英宗朝端平二
年彭汝礪四年許安世 神宗朝熙寧三年葉
洽六年俞中九年徐繹元豐二年時彥五年黃
裳八年焦蹈 哲宗朝元祐三年李常熙寧六

年馬洵紹聖元年畢漸四年何昌吉元符三年
李奎徽宗朝崇寧二年霍端友五年蔡疑大
觀三年賈安宅政和二年莫儔杭五年何鼎八
年嘉王宣和三年何煥六年沈晦杭人欽宗朝
則無科舉矣高宗朝中興建炎二年戊子李
易紹興二年壬子張九成杭五年汪應辰邠八
年戊午黃公度十二年壬戌陳誠之十五年乙
丑劉章十八年戊辰王佐二十一年辛未趙達
二十四年甲戌張孝祥二十七年丁丑王十朋
三十年庚辰梁克家孝宗朝隆興元年癸未

長

木待問乾道二年丙戌蕭國梁五年己丑鄭僑
八年壬辰黃定淳熙二年乙未唐發五年戊戌
姚穎八年辛丑王由十一年甲辰衛涇十四年
丁未王容光宗朝紹熙元年庚戌余復四年
癸丑陳亮寧宗朝慶元二年丙辰鄒應隆五
年己未曾從龍嘉泰二年壬戌傅行簡開禧元
年乙丑毛自知嘉定元年戊辰劉鄭自誠四年
辛未趙建大七年甲戌袁甫十年丁丑吳潛十
三年庚辰劉涓十六年癸未蔣重珍理宗朝
寶慶二年丙戌王會龍紹定二年己丑黃朴五

年壬辰徐元杰端平二年乙未吳玠吉嘉熙二
年戊戌周垣淳祐元年辛丑徐儼夫四年甲辰
劉夢炎七年丁未張洲徽十年庚戌方逢辰寶
祐元年癸丑姚免四年丙辰文天祥開慶元年
己未周震炎景定三年壬戌方山京 度宗朝
咸淳元年乙丑阮登炳四年戊辰陳文龍七年
辛未張鎮孫

武舉狀元

高宗朝中興南渡誌不載武舉姓氏自于孝廟
朝以後俱可考淳熙八年江伯虎十一年

林慄十四年黃褒然 光廟朝紹熙元年屬仲
祥四年林管 寧廟朝慶元二年周虎五年陳
良彪嘉泰二年葉滢開熙元年鄭公侃嘉定元
年周師杭四年林泌決七年劉必芳杭十年朱
嗣宗十三年陳正大十六年杜幼節 理廟朝
寶慶二年楊必高杭嘉熙二年劉必成淳祐元
年趙國華四年項桂發七年張夢飛十年陳億
子寶祐元年程鳴鳳四年章宗德開慶元年朱
應舉景定三年俞葵 度廟朝咸淳元年王國
四年俞仲鰲七年失名

后妃列女

宋章懿太后李氏性莊重寡言雖仁宗為己子而后不曾言中外罔知后薨後方追冊皇太后謚章懿葬永定陵 漢孫策破虜母吳太夫人助治軍國甚有補益 徐琨母氏孫定策破吳英之謀 孫胡妻徐氏守節定殺二兇得報夫之寃 晉虞潭母定夫人孫氏年少喪偶遺孤誓不改節撫養訓子成義節以克戰 孫畧妻虞氏棄華尚素與畧同志至孝奉舅凡起居嘗饌不辭薪水井臼之勞 孝婦嚴氏事舅姑不

失起居供饌之禮舅喪未葬因火沿屋哭告于天孝心有感而火遂滅無傷其棺 唐孝女馮氏少孤獨無兄弟共侍母子相依誓不適人以奉母 病篤行孝治之不救葬母乃結草廬于墓側以供晨香夕燈待奉如生又刺血書經報劬勞之德以宅舍建梵宮為母仍不嫁以死盡孝 鄴郡臣聞于朝賜束帛旌之勅頌寺額曰報恩以表其孝也 鄴婦何氏年少喪偶志不再嫁奉姑至孝忽賊掠婦巢穴欲污其節遂定策解襦自刎則賊驚視而已死義而葬之五代吳

越國恭懿太夫人吳氏諱漢月性慈惠而節儉頗尚黃老學居常布練而已每侍王決事凡以忠恕為言諸子遺投皆峻阻多加訓勵母令驕恣吳越忠懿王妃孫氏訓太真性端謹而聰慧延接姻宗以盡恩禮好學詩書嚴重而尚儉約忠以事上 孝婦盛氏事舅姑盡孝躬紡績烹飪以養侍姑性太急婦怡聲下氣每侍立無敢怠惰娣姒敬順和睦亦皆化之姑病篤貧無資鑿乃執簪珥裙襦鬻之以供其費又剝脇取肝為嘗膳長姒潘氏亦封股而進姑食而病愈州

家長官劉既濟上于朝詔旌表其門閭 凌大淵妻劉氏及笄許嫁請期將至而凌生告卒氏聞之告于父母曰兒聞女子以一志為良以死生不易其節兒已許凌今既喪則吾夫也兒當易服奔喪誓呼柩舟不更二也父母以女未嘗踐其庭何遽若此氏答以身許人而背之乎有死而已決無易其志父母懼其言而從所請易窆衰臨棺舉哀以脩婦道守義節以兄子養為己子典之娶娣至于抱孫白首不易其志也

歷代方士

歷代方士蔡經郭文宇文舉葛洪字稚川號抱朴子許邁字叔元杜子恭徐靈府號然希子錢道士令狐綯丁飛字翰之潘尊師馬湘字自然管肅真賜号玄靖崇教法師正白先生沈若濟字子舟号洞玄大師徐立之舊名炳一號迴峰先生陸維之字永仲又名疑之又表于古号石室先生。表字天秀賜号悟靜處士徐真賜号冲晦先生俱杭之得道仙士有超世之志脩真之術或上升或羽化或葬而解化或羽化後游于外郡乃真仙作用使俗眼凡夫茫然不知

諸士之詳載于淳祐咸淳兩志及感應神仙傳中攷之有著百論石室小隱集行于世

歷代方外僧

歷代高僧由宋武帝朝為始僧慧靜慧基慧集法匱淨度瑜本翼本僧詮道琳是本明徹法開惠明曇超真宮宇聖遠号南天竺岳師道欽國一澄悟禪師圓脩道林号烏窠禪師會通号招賢禪師齊安號悟空禪師道標号西嶺和尚慧琳字抱玉交游前後刺史學士如杜陟裴常棣陵則楊憑盧元轉白居易李幼崔郢路異俱造

室講論心要靈照名龍華禪師号真覺大師行
修生有異相耳垂兩肩稱長耳禪師賜号崇慧
大師延壽號抱一子幼在俗誦經感諸年跪
聽後捨業為僧聚徒講道傳播高麗遣使盡弟
子禮奉金線織袈裟紫水晶數珠金藻罐為獻
唐開寶入滅号智覺大師崇寧歲追謚宗熙禪
師逢號普覺大師遇安號善智禪師慶祥九
曲禪師行明号開代禪師太宗朝賜紫衣師号
善昇元禧年詔註釋御製法音集賜号曰觀大
師又深于琴律法照不妄交游與和靖先生同

時僧智圓為友宰臣王欽若王隨王化基深敬
之崇寧歲賜號玄照大師道誠慧悟大師余弼
題上方寺詩曰孤峯半落幾何年臺殿于全挿
半天已是精藍誇絕微更將寶塔在危巔烟霞
色任陰晴變磬鐘聲隨上下傳珍重老僧無幻
境一生幽趣只山川契嵩字仲靈自號潜子姓
李賜号明教大師熙寧歲季夏入滅以釋氏法
荼毗而根不壞名其塔曰五根不壞之塔贊寧
太平興國春阿育王舍利朝宗太賜号通慧大師
真宗召對賜坐以右街陞左街僧錄賜号通慧

一作圓明大師寶達號利利法師智圓孤山法
慧通師自号中庸子尊道式姓葉字知白崇寧歲賜
號慧通大師掌天台教園觀紹興間高宗降旨
賜號曰懺慧禪主大法師塔号瑞光恩悟每誦
呪身出舍利元照姓唐字湛如號安忍子賜号
靈芝大智律師宗本字無詰姓管号靜慈圓照
禪師神宗召對賜茶入福寧殿說法詔賜肩輿
入內善本字法誦大師号失載哲宗遣中使撫
問降香宣賜高麗磨納衣勅賜大通禪師大觀
入滅追謚圓定之号塔号定光之塔元淨字無

法
年

家姓徐賜紫衣辨才法師一本号方生時左肩消禪師
有肉起如袈裟條至八十一日方消師之入滅
寔八十一歲矣延壽興教小壽禪師脩廣字妙
徽自京師自京師至四方凡公卿學士大夫知
其名皆樂從之景祐歲紫賜衣詔賜寶月大師
之號文益于周顯德時謚封大法眼禪師塔名
無相道潛字參寥嘗與蘓東坡秦少游為密交
曾咏臨平絕句云風蒲獵獵弄輕柔欲立蜻蜓
不自由五月臨平山下路藕花無數滿汀洲東
坡守杭時因道潛入智果精舍賦詩云雲岷有

淺井玉醴嘗半尋遂名參寥泉可濯幽人襟又
作參寥泉銘記之歲月東坡愛其詩嘗稱無一
點筍蔬氣味體制絕似儲光羲非近世詩僧比
崇寧末老于江湖既示寂有詩行于世句云清
絕法號曰妙總大師懷顯西湖持淨大師嘗撰
錢塘勝蹟記慧勤有歐陽文忠公賦詩送之曰
越俗僭宮室傾貲事雕牆佛屋尤其侈耽之假
侯王文彩瑩丹漆四壁金焜煌上垂百寶蓋晏
坐以方牀胡為尔不居棲身居京坊辛勤營一
室有類燕巢梁南方精飯食菌笋鄙羔羊節以

玉粒羹調之甘露漿一饌費千金百品羅成行
晨興未飯僧日昃不敢嘗乃茲隨北客枯粟充
飢腸東地南秀絕山水澄清光餘杭幾萬家日
夕然青香烟霏四面起雲霧襟芬芳豈知車馬
塵鬢髮染成霜三者孰苦樂子奚勤四方乃云
慕仁義可以治膏肓有志誠可嘉及時宜自強
人情重懷土飛鳥思故鄉夜枕聞北雁歸心逐
南檣歸方能來否送予以短章同時有惠恩師
曾于於潛西普明寺為浴堂記宰臣王安石賦
詩贈之曰綠淨堂前湖水泳歸時正復有荷花

花前若此餘杭姥為道仙人憶酒家惟尚本姓
曹幼歲為僧徧叅叢林得法于英普照常住壽
聖本雪峰結庵故地有荆榛蛇虺人莫敢居師
住八年敝立殿廡為之一新謝埽故里後住薦
福以疾還廬入戒守璋姓王安秉介特凜不可
犯戒行精潔尤工于詩號文慧禪師有柳園集
行于世高廟于紹興二年幸覺圓寺因睹其集
宸翰親臨晚春一絕賜之見圓覺寺刻石于亭
曰山深烟景重林茂夕陽微不雨花猶落無風
絮自飛德朋姓顧字洛堂入徑山請訂禪教四

年回觀竹溜以杵通鄰有聲豁然開悟遂号為
竹筒和尚紹興年兩膏宣入慈寧殿陞座講般
若經法高廟奇之賜号及法衣清潤字怡然奇
久字逸老所居皆湖山勝景而清約介靜不妄
與人交無故不入城士大夫多往見之就餽米
日以一二合食雖蔬茹亦未嘗有故人尤重之
同時有思聰亦似之而詩差優宗杲字曇晦姓
奚主徑山學徒一千七百衆來者猶未已故千
僧閣以居之号臨濟中興時與張九成為方外
交後因誹謗朝政課九成而宗杲和之秦檜疑

其僧遂編海外四方衲子志軀皆往從之續蒙
宸恩教便復僧伽梨往阿育王山復居舊山孝
廟為吳安郡王遣使入山謁之獻之以倡後建
邸再遣內侍供五百應真請謀法席親書妙喜
庵三字并製讚罷之自後退居明月堂而示寂
孝廟聞而歎息詔以明月堂為妙喜庵謚号普
覺禪師賜塔額曰寶光此僧雖林下人而義篤
君親談及時事憂形于色而垂涕其時名公鉅
卿皆稱其才有正法眼藏等集淳熙初詔隨大
藏流行蓋杭之高僧散聖棄儒成道戒行精潔


學問孤高博習教典以訓諸衲著文翰脩懺儀
諸經法註宗鏡論心要纂法語觀鬼神以禮問
止潮水而擊西興感群羊而跪聽墜大星以隕
靈鷲列朝宣講慧号錫順至于入滅瑞光顯然
蓋叢林中素有儒者之風故與公卿大夫氣味
相投講論道要酬倡詩篇靡不起敬若大藏經
高僧傳錢塘勝蹟記臨安新舊志皆脩其詳矣
茲不復贅

行孝


陳藏器本草謂肉人可療疾非人肉之果能療

疾也蓋人子一念孝誠出于天性能動天地鬼神故借此以奏功耳今撫杭之外邑行孝若子若女載于新志者攷其姓名述之富陽何氏女子江陰村盛立旺二子富陽葛小潤臨安朱應孫俞延用子重佛其家祖大成父延用及其子凡三世行孝矣臨安錦北鄉陳茂祖其父母俱病皆療而愈臨安邑人龔婆兒鹽官邑周阿二周小三昌化邑農家子梅耒兒以上皆因父母病篤百藥罔功思劬勞之恩無以報答或剖心或割股以嘗膳而進之莫不愈焉于此可見孝

為百行之原天地神明亦為之佑助矣



國家圖書館, NATIONAL CENTRAL LIBRARY, TAIWAN, R.O.C.



夢梁錄



卷之十八至二十終

國家圖書館, NATIONAL CENTRAL LIBRARY, TAIWAN, R.O.C.

夢梁錄卷之十八

民俗

杭城風俗凡百貨買賣多是裝飾車蓋擔兒盤
盒器皿新潔精巧以炫人耳目蓋倣學汴京氣
象及因高宗南渡後常宣喚買市所以不敢苟
簡食味亦不敢草率也且如士農工商諸行百
戶衣中裝着皆有等差香鋪人頂帽披肩子質
庫掌事裹巾着皂衫角帶街市買賣人各有服
色頭巾各可辨認是何名目人自淳祐年來衣

宋錢塘

吳自牧

著

冠更有易一等晚年後生不依舊規竒中異服三五為羣聞美誇麗殊令人厭見非復昔時淳樸矣但杭城人皆篤高誼若見外方人為人所欺衆必為之救解或有新搬移來居止之人則隣人爭借動事遺獻湯茶指引買賣之類可見睦隣之義又率錢物安排酒食以為之賀謂之煥房朔望茶水往來至于吉凶等事不時慶吊之禮不廢甚者出力與之扶持亦睦隣之道不可不知

戶口

三
二

杭城者為都會之地人烟稠密戶口浩繁與他州外郡不同姑以自隋唐考之隋戶一萬五千三百八十 唐貞觀中戶三萬五千七百十口一十五萬三千七百二十九 唐開元戶八萬六千二百五十八 宋太平寰宇記錢塘戶數主六萬一千六百八客八千八百五十七九域志主一十六萬四千二百九十三客三萬八千五百二十三 中興兩朝國史該戶二十萬五千三百六十九 乾道志戶二十六萬一千六百九十二口五十五萬二千六百七 淳祐志

主客戶三十八萬一千三十五口七十六萬七
 千七百三十九 咸淳志九縣共主客戶三十
 九萬一千二百五十九口一百二十四萬七百
 六十 錢塘仁和兩赤縣乾道志主客戶該十
 萬四千六百六十九口該一十四萬五千八百
 八 淳祐志戶該十一萬一千三百三十六口
 三十二萬四百八十九 咸淳志兩赤縣城主
 客戶一十八萬六千三百三十口四十三萬二
 千四十六自今而往則歲閏月長殆未易以算
 數也

物產

穀之品

杭早占城 紅蓮 礮泥烏 雪裏盆 赤稻
 黃秬 杜糯 光頭糯 蠻糯 大麥 小麥
 赤麻 白麻 烏麻 黃麻 大黑豆 大
 紫豆 大白豆 大黃豆 大青豆 白扁豆
 黑扁豆 白小豆 赤小豆 菘豆 小紅
 樓子 青豌豆 白眼 羊眼 白缸 白豌豆
 刀豆 粟 狗尾 金罌

絲之品

綾柿蒂^蒂 狗蹄 羅花素 結羅 熟羅 線
住 錦 內司街坊以絨背為佳 尅絲花素
二種 杜綉^{又名起綠} 鹿胎次名透背皆花紋特
起色樣織造不一 紵絲染絨所織顏色者有
織金閃褐間道等類 紗素紗 天淨 三法
暗花紗 粟地紗 茸紗 絹 官機 杜村
唐絹幅濶者密 西家多用之 綿以臨安於潛
白而細密者佳 綢有綿線織者者土人貴之
泉之品
泉
柘 麻 苧

之 9

貨之品

茶寶 雲茶 香林茶 白雲茶 又寶嚴院
垂雲亭亦產東坡以詩戲云妙供來香積珍烹
具太官揀芽分雀舌賜名出龍團益南北兩山
七色諸山皆產徑山禾穀雨前茗以小缶貯饋
之
鹽湯鎮 仁和村 鹽官 浮山 新興 下
管 上管 蜀山 岩門 南路茶槽等場掌
產之地漢置鹽官吳王漢煮海為鹽之地
蜜 蠟 紙 餘杭由拳利出藤紙富陽有小

并紙赤亭山有赤亭紙

菜之品

諺云東菜西水南柴北米杭之日用是也薑心
矮菜矮黃大白頭小白頭夏菘黃芽冬至取巨
菜覆以草即久而去腐菜以黃白鮮莖者故名
之芥菜生菜菠菱菜為苙苔蕒葱礮韭大蒜小
小蒜紫茄水茹稍瓜黃瓜葫蘆蕒蘆名冬瓜瓠
子等山藥牛蒡茭白蕨菜蘿蔔甘露子水芹蘆
笋雞頭菜藕條菜薑、芽新薑老薑茵多生小
谷名黃耳蕒東坡詩云老楮忽生黃耳蕒故人

卷六

蕪致白芽薑益大者淨白名玉蕒黃者名茅蕒
赤者名竹茹若食須薑煮 薑黑勿食

果之品

橘富陽王洲者佳 橙有脆綿木 梅有消便
糖透黃 桃有金銀水蜜紅稔細葉紅餅子
李有透押紅蜜明紫色 杏金蘇 柿方頂牛
心紅柿^柿稗^柿牛妳水柿大珠步簷麩柿 梨雪廉
玉消陳公蓮蓬賞花甜霄砂爛 棗鹽官者寂
佳 蓮湖中生者名繡蓮尤佳 瓜青白黃等
色有名金波沙皮蜜瓮等筒銀瓜 藕西湖仁

和護安村舊名范堰產扁眼者味佳 菱初生
嫩者名沙角硬者名餛飩湖中有如栗子樣古
蕩大紅菱 林擒鄔氏園中名花紅郭府園未
熟時以紙剪花樣貼上熟如花木瓜嘗進奉其
味蜜甜 枇杷無核者名椒子東坡詩云綠暗
初迎夏紅殘不及春槐花非老伴盧橘是鄉人
木瓜青色而小土人剪片爆熟入香藥貨之
或糖煎名燒木瓜 櫻桃有數名稱之淡黃者
甜 石榴子顆大而白名玉榴紅者次之 楊
梅亦有數種紫者甜而頗佳 蒲萄黃而瑩白

修
七

者名珠子又名水晶竅甜紫而瑪瑙色者稍晚
雞頭古名又名雞壟 平錢塘梁諸竅頭仁和
藕湖臨平湖俱產獨西湖生者佳却產不多可
篩而粉 银杏 栗子 甘蔗臨平小林產以
土截至春夏味不變小如蘆者名蔗荻亦甜

竹之品

竹碧玉間黃金筴淡紫斑金苦方竹鶴膝猫頭
竹筍有數名曰南路白象牙哺雞猫兒頭黃鶯
晚筍皆即涼筍和靖有烟岨早筍肥之句又有
紫筍邊筍

木之品

桑數種名青桑白桑拳桑大小梅紅雞爪等類
 梓木中王 柘 栢孤山陳朝窠古 松淮
 天目者斜短穉健 栝子三斜華山四斜 桐
 檜 楠東坡詩云中和堂後古楠樹與君對
 床聽雨聲 楮 櫟 槐 杉 桂 檀 榿
 楓 榆 栲今胡埭窠盛垂者名楊長條可
 玩 棕名拼欄笋可蒸煨味微苦太冷 青神
 鳳集目奇者名之
 花之品

花之品

牡丹有數種色樣又一本冬月開花詩云一朵
 嬌翠欲流春光回報雪霜羞韓文公咏牡丹詩
 云幸自同開俱隱約何須相倚鬪輕盈凌晨勿
 作新妝面對客偏含不語情雙燕無机還拂掠
 游蜂多思正經營年長是事都拋盡今日欄邊
 眼暫明石曼卿詩獨步性兼吳苑艷渾身天與
 漢宮香又李山甫詩邀勒春風不早開裊芳飄
 後上樓臺數芭仙艷火中出一片異香天上來
 曉露精神妖欲動暮烟情態恨成堆知君已解
 相輕薄斜倚欄干首重迴又云嫚黃妖紫間輕

紅穀雨初晴早景中靜女不言還愛日綵雲無
定只隨風炉烟坐覺沉檀薄妝面行看粉黛空
此別又須經歲月酒闌把燭遠芳叢有一種秋
開牡丹成山詩咏云白帝工夫綾綵霞肯將顏
色弄韶華酒粘織女秋衣薄風動姮娥寶髻斜
霜露莫推今日蕊輪蹄多看異時花陰陽多苦
栽培地不趁春風有幾家芍芍有早緋玉綴
露千葉白者佳梅花有品綠萼有千葉香梅
東坡和靖秦太秦虛云西湖處士骨應高只有此詩
君墜倒又云江頭千樹春欲暗竹外一枝斜更

佳

好林和靖詩二首吟懷長恨負芳時為見梅花
輒入詩雪後園林終半樹水邊籬落忽橫枝人
憐紅艷多應俗天與青香亦有私堪笑胡維亦
風味解將聲調角中吹哀芳搖落獨暄妍占斷
風情向小園疎影橫斜水清淺暗香浮動月黃
昏霜禽欲下先偷眼粉蝶如知合斷魂幸有微
吟可相狎不須檀板共金樽戴石屏咏梅韻曰
瀟洒春葩縞壽陽百花惟有此花強月中分外
精神出雪裡幾多風味長折向書窓疑是玉吟來
齒頰亦生香年々茅舍江村畔勾引詩人費品

量王介甫詩曰頗怪梅花不肯開豈知有意待
春來燈前玉面披香出雪後春容取勝回觸撥
清詩成走筆淋漓紅袖趣傳杯望塵俗眼那知
此只買天桃艷杏栽潘紫岩詩曰柴門盡日少
蹄輪坐對橫窓數點春心向雪中偏暴白影來
月上亦精神十分洗盡鉛華相百劫修來貞潔
香殺笑唐人風味短不應喚作弄珠人又咏落
梅詩曰一夜風吹恐不禁曉來零落已駸々忍
聞病鶴和苔啄空遣飢蜂逸竹尋稚子躊躇看
不掃老夫索寞坐微吟窓前寂是闌情處拾片

殷勤在掌心楊元素落花詩夜來經雨學啼粧
今日推紅怨夕陽已落旋隨春水急強由還怯
晚風狂應將別恨憑鶯語更把歸期趁蝶忙謂
誰多情消不得夢魂猶惜滿欄香更有諸賢咏
梅詩曰未落小寒獨占春十分清瘦轉精神雪
疎雪密花添伴溪淺溪深樹寫真三弄笛聲風
過耳一枝筇影月隨身吟魂欲斷相逢處恐是
孤山隱逸人韓偓詩云北陸候終變南枝花已
開無人同悵望把酒獨徘徊凍月雪為伴寒香
風是媒何因逢越使腸斷謫仙才東坡又和楊

公濟詩綠鬢尋春湖畔回萬松嶺上一枝開學
士任希夷宿直玉堂賦梅邊小池詩云眼見梅
花照玉堂只濃綠覆宮牆膠枝偃益雲千疊
下蔭清池玉一方紅梅有福州潭州經柔枝
千葉邵武紅等種東坡詩云寒心未肯隨春態
酒暈無端上玉肌周必大在秘書省館中次洪
邁紅梅詩云紅羅亭深宮酒遲宮花四面誰得
知南唐內苑中有紅羅亭四面專植紅梅見襟
志蓬山移植自何世國色含酒紛滿枝初疑太
真欲起舞霓裳拂拭天然姿又如東家窺牆女

施朱映粉尤相宜不然朝雲頰薄怒自持似對
襄王時須臾胭脂着雨落整妝俯照含風漪游
蜂戲蝶日采掇嗟尔何異氓之蚩提壺火急就
公飲他日墮馬空蹄眉周必大在秘書省署連
中咏庭中緗梅詩云蜚黃織就費天机傳典園
林曉出枝東觀奇章承詔後南昌故尉欲仙時
芳心向日重展清馥因風細知詩志品題
猶悞在紅梅未是獨開遲蠟梅有數本檀心
磬石者佳東坡詩有蜜蜂採花作黃蠟之句又
詩云萬松嶺上黃千黃玉蕊檀心兩奇絕周必

大咏黃梅在省中次五十朋韻化工未幻荼蘼
菊先放細梅伴群玉幽姿著意添鉛黃正色向
心輕萼綠妝成自相風味深對此寧辭食無肉
方憐涪翁被渠惱中氣悔屏杯杓醪 碧蟬
棠棣 金林檎 郁李 迎春 長春 桃花
有數種單葉千葉餅子緋桃白桃 黃薔薇
薔薇 杏花 玉簪 水仙 寶相 月季
小牡丹 粉團 徘徊貴官家以花片製作餅
光供送 佛見咲 聚八仙 百合 滴心金
石竹和靖詩云深枝丹心裝輕翠碎片莫英

剪海霞 木香 荼蘼二種有白而心紫者亦
有黃色俱香馥然可愛省中種黃梅在荼蘼
側黃魯直戲荅王觀復荼蘼詩云誰將陶令黃
金菊幻作荼蘼白玉花 櫻桃花 萱草 梔
子 蜜友 剪紅羅 金鈴 金沙 山丹
貢珠又名醜水青條白蕊燦然可玩 錦帶
錦堂春 笑靨 大咲 金鉢盂 菊品最多
有七十餘種 荷花紅白色千葉者西湖荷蕩
邊風送荷香馥然白樂天詩遠郭荷花三十里
之句樞屬官楊萬里在西府直舍咏盆池種荷

詩二首飛空天鏡隔葦苔玉井移蓮未盆內栽
坐看一花隨手長挨開半葉出頭來稍添菱荇
相縈帶便有龜魚數往迴剛刺欲遠池兩三匝
數聲排馬苦相催又曰西府寒泉汲十尋深澆
淺洒碧森々高花已照紅妝鏡小蕊新抽紫玉
簪鈿破尚餘祈雨恨繖踈還作半池陰西湖瘦
得盆來大更伴詩人忍忍不禁瑞香種頗多
大者名錦薰籠東坡詩云幽香結湘紫來自孤
峰陰骨香不自知色淺意殊深紅辛夷蕙
東坡題楊次公詩蕙本蘭之族依然臭味同曾

卷十七

為水仙佩相識楚詞中蘭東坡詩云春蘭如
美人不采羞自獻時聞風露香蓬艾深不見
紫薇花東坡詩曰虛白堂前合抱花秋風落日
照橫斜後省有此花任希夷咏云清晚開軒俯
鳳池小小徑雨石增輝琉璃葉底珊瑚立軒出
池邊是紫薇紫荊花紫楊鷄冠有三色
鳳仙杜鵑罌粟蜀葵有二種黃葵
映山紅金銀蓮子花櫻桃花唐時棹亭驛
種双樹白樂天詩云南館飛軒兩樹櫻春條長
定夏陰成素華朱寔今雖盡碧葉風來別有情

七里香 橙花 榴花有數種單葉千葉色
有數十項唐時孤山有此花白樂天詩云山榴
花似結紅巾容艷新妍占斷春色相故開行道
地香塵悔觸坐禪人 木犀有黃紅白色者甚
香且韻頊天竺山甚多又長橋慶樂園有數千
枝士夫賞徃賞此奇香向東坡送花贈素詩云
月闕霜濃細蕊乾此花元屬桂堂仙鷲峰子落
驚前後蟾闕枝空記昔年高廟在德壽宮賞桂
嘗命画工為岩桂扇向仍製御詩分賜群臣親
王云秋入幽岩桂影團香深粟 照林丹應隨

王母瑤池宴染得朝霞廣寒楊誠齋詩云塵世
何曾識桂林花仙夜入廣寒深移將天上衆香
國寄在梢頭一粟金露下風高月當戶夢回酒
醒客閒姑詩情惱得渾無那不為龍涎與水沉
華岳詩曰西風吹老碧蓮房萬壑風流 梳折麝
囊謾與籬花爭曉色肯教盆蕙墜秋芳月中有
女曾分種世上無花敢開香要識仙根迥然別
一枝開傍邴家墻咏落英詩淨掃庭階襯落英
西風吹恨入蓬瀛人從紫麝囊中過馬在黃金
屑上行眠醉不須鋪錦褥研香還解作珠纓宮

娥未許填溝壑收拾流蘓浸玉罌 山茶 磬
口茶 玉茶 千葉多心茶 秋茶東西馬勝
色品頗盛栽接一本有十色者有早開而晚發
者大率變物之性盜天之氣雖時亦可違他花
往々皆然頃有接花詩云花單可使十分黃果
奪天之造化忙 木芙蓉蘓堤兩岬如錦如霞
有一本兩岸如錦湖水 內庭亦有芙蓉閣盛開
影而又愛秋日如霞 如錦潘紫岩詩云為惜艷陽粧新枝不肯長綠
深秋後雨紅圻夜來霜偏向垂楊畔多臨古岸
傍年年根蒂在

卷十九

藥之品

藁本 雲母 茵芋 鬼田 木鱉以上本草
載杭州所有 地黃 牛膝仁和蘭橋白石種
乾薑以上各件並歲貢 蛇床子 白石生
躑躅花根名天門冬生錢塘富陽 白芷
千金草蘭橋生 威靈仙 茱萸 澤蘭 鬼
箭 烏藥 鈎藤 覆盆子 麥門冬 白芨
牽牛 地骨皮 牛旁子 地虜子 百合
香附子 乾薑並出富陽 木通 何首烏
劉寄奴生富陽小井 百部根生天目山 藜

蘆 草烏 秦皮 菖蒲 桑白皮 芍藥
 荊芥 薄荷 紫蘓 天南星生於潛昌化
 天花粉 即瓜萎根 馬兜鈴一作白鮮皮 石竹
 子耀 山蘓 黃精生於潛餘杭山 枸杞
 茯苓 半夏 貫衆 地扁蓄 苦練棘皮
 益母草生龍井山谷 山豆根 牡丹皮 車
 前子 石膏錢塘縣西有山出如雪瑩白舊縣
 治亥地有獄產此 寒水石南高峰下生軟者
 寒水硬者石膏 石燕九色山洞中皆有之
 榆白皮 蒲黃 鳳眼草 金星草生南高峰

卷十七

黃皮生於潛及雷峰塔下 枳實 青蒿子
 續斷 香薷 千年潤土人呼為地蜈蚣草 石香薷

禽之品

宋書云燕官屬 鶩 鷄有山鷄 家鷄 朝鷄
崔有白雀之異 鷓鴣 雉 鷓鴣 鷓鴣 鷓鴣

鶴 鳩 鷹 鷄 鶻 鷂 燕 韓旣詩云對

語春風翠滿衣碧江迢遞往來稀遠空盡日和
 烟去深院無人帶兩埽珠箔下時猶脉脉畫堂
 深處正依々王孫盡許營巢穩慣聽笙歌夜不
 歸 鶯元稹詩曰天上金衣侶還能既草萊風

流音王謝言語漢鄒枚公等久安在君從何處
 來山禽正嘈雜慰我日徘徊 鸚鵡 鵲 鶻
 雪竹鷄 鷓鴣 鶻 紺練 鷓鴣亦名鷓 鑽
 沙 魚虎 章鷄 白頭翁 烏頭白鷄 蠟
 背 告天 杜鵑沈樂山詩云到得春深便憶
 香鄉要歸去底須忙催殘隴月情何切徧染
 林花恨更長夢破四山風雨夜心灰萬里利名
 場為言蜀道今非昔縱使歸來亦斷腸 布谷
 画眉 百舌林和靖詩云百種堪憐好巧言
 語一般惟欠好毛長 婆餅焦 提壺和靖過

卷之七

下湖別墅詩云多謝提壺鳥由人到落暉 黃
 雀 鴻鵠和靖春日郎事詩鴛鴦如綺杜蘅肥
 鷓鴣夷猶翠澹微 偷倉 家鷄 八哥兒
 披綿 鷺鷥邵棠詩如鷓非鶴自精神天地江
 湖快爾生既不鷓吟回甚瘦何嘗食素也能清
 隨身釣具去無繫到處画畝來便成見說得魚
 婦較晚蘆花灘上月偏明徐靈祐詩云一點白
 如雪頂粘絲數莖沙邊行有迹空外過無聲高
 柳葉方穩危灘立不驚每看閑意思漁父是前
 生 釣鴨和靖詩雲木叫輶轉 野鳧

守 鯢 鮪 鱮 鰻 鱧 蝦 湖河生
 者殼青江產者名白鰈大者名青理蝦 蚌
 龜 蝟 蟻 蚌 蚌 蚌 蚌 蚌 蚌 蚌 蚌
 蚌 淮南子云蚌蚌珠龜與月盛衰皆陰屬也西
 湖舊多葑田蟹螯產之今湖中官司開圻蕩地
 難得矣和靖詩有草泥行郭索之句劉貢父詩
 稻熟水波老霜螯已上罾味尤堪荐酒香美寂
 宜橙殼薄胭脂染膏腴琥珀凝情知烹大鼎何
 似莫橫行 廬 屨 一作 規 蛤 螺 有 數 種 螺 蚌
 海螺田螺海螂 金魚有銀白玳瑁色者東坡

曾有詩云我識南屏金鯽魚又曰金鯽池邊不
 見君則此色魚舊亦有之今錢塘門外多蓄養
 之入城貨賣名魚兒活豪貴府第宅舍花池畜
 之青芝塢玉泉池中盛有大者且水清泉湧巨
 魚游泳可愛

免本州歲納及苗稅

杭州乃吳分野號右揚州昔武肅錢王統二浙
 地濶民稠賦歛苛暴人不堪生太宗朝納土後
 命考功范旻知兩浙諸州事鎮撫除一切苛害
 之政蠲損害之賦民得更生四野老稚咸鼓舞

于德意之中紹興年間六飛南渡寬恩大頒首
除歲貢御綾百匹景定年度宗踐阼之初首遵
先朝遺制蠲免臨安府近例歲貢增添進錢
一百一十五萬八千五百四十貫有奇更有資
政帥臣申錢塘仁和兩赤縣寺觀府第官舍撥
賜田地免徵折帛苗糧及冊逃虧賦等苗稅咸
淳歲九縣畸零稅絹除赦文蠲免一尺以外戶
京潛臯墅更與本州代輸一尺以上絹畸零稅
色計一千四萬六千五百七十一人有奇紐談
界錢十八界會子計三萬四千四百八十貫文

又苗米不及一升者朝家已行蠲放外其一升
以下至一斗以下秋苗米本州代輸寬民力通
計八千八百一石有奇紐談價錢十八界二十
六萬九千五百五十貫更代輸咸淳七年本州
夏稅畸零錢共談十八界四十六萬七千六百
四貫潛京尹首尾三載代輸頗多誠有德于百
姓深足尚矣

免本州商稅

杭州五稅場自趙撫節齋申請減放外一歲共
收十八界會四十二萬貫為定額景定改元以

來朝家務欲平物價紓寬民力累降旨蠲免商
稅仍令本州具合收稅額申省科還咸淳二年
二月又降旨揮再免商稅五日以便商賈自後
帥府遵承朝旨接續展放蠲免稅額嘗以五月
為期朝省每五月一次照本府徵額撥一十八
界一十七萬五千貫文以補郡費至今行之
百姓與商賈等人莫不歌舞感戴上賜此歷代
所罕有也

恩霽軍民

宋朝行都于杭若軍若民生者死者皆蒙雨露

之恩但霽澤嘗頒難以枚舉始述其一二焉遇
朝省祈晴請雨禱雪求瑞或降生及聖節日分
淫雨雪寒居民不易或遇慶典大禮明堂皆頒
降黃榜給賜軍民各關會二十萬貫文益杭郡
乃駐驛之所故有此恩例耳兼官私方屋及基
地多是賃居還餽金或出地錢但屋地錢但分
大中小三等錢如遇前件祈禱恩典官私出榜
除放房地錢大者三日至七日中午者五日至十
日小者七日至半月如房舍未經減者遇大禮
明堂赦文條劃謂一貫為減除三百止令公私

收七百或年歲荒歉米價頗窮官司置立米場以官米賑濟或量收價錢務在實惠及民更因焚惑為災延燒民屋官司差官吏以火場上具抄被災之家各家老小随口數分大小給散錢米官置柴場城內外共設二十一場許百司官廳及百姓從便收買價錢官司量收與市價大有饒潤民有疾病州府置施藥局于戒子橋西委官監督依方脩製丸散吹咀來者診視詳其病源給藥醫治朝家撥錢一十萬貫下局令師府多方措置行以賞罰課督醫員月以其數上

其州家脩申朝省或民以病狀投局則昇之藥必奏更生之効局側有局名慈幼官給錢典催乳母婦養在局中如陋巷貧窮之家或男女幼而失母或無力撫養拋棄于街坊官收歸局養之月給錢米絹布使其飽煖養育人聽其自便生理官無所拘若民間之人願收養者聽官仍給月錢一貫米三斗以三年住支更有老疾孤寡貧乏不能自存及丐者諸人州縣陳請于朝即委仁和錢塘縣官以病坊改作養濟院籍家姓名每名官給錢米贍之此見朝家恤

貧救老如此又殿步馬三司養軍以護行都及秋脩之防月給錢糧春冬請衣帛使之飽煖遇有差出日給口券成功則賞如三司招軍補額之時每刺一卒官給閔會一二封衣裝七事件則出軍先散處發閔會及衣裝則軍妻老幼月支贍家米銀糧隨軍日支券糧功成則轉資給犒如陣亡官給津送妻兒仍支贍孀幼之糧更有兩縣置漏澤園一十二所寺菴寄尚襦積無主者或暴露遺骸俱瘞其中仍置屋以為春秋祭奠聽其親屬享祀官府委德行僧二員主管

月給各支常平錢五貫米一石瘞及二百人官府察明申朝家給賜紫衣號賞之

恤貧濟老

杭城富室多是外郡寄寓之人蓋此郡鳳凰山謂之容山其山高木秀皆蔭及寄寓者其寄寓人多為江商海賈穿桅巨舶安行于烟濤渺莽之中四方百貨不趾而集自此成家立業者衆矣數中有好善積德者多是恤孤念苦敬老憐貧每見此等人買賣不利坐困不樂觀其聲色以錢物週給助其生理或死無周身之具者妻

見固措莫能支吾則給散棺木助其埋葬以終
其事或遇大雪路無行徑長幼啼號口無飲食
身無衣蓋凍餓于道者富家沿門觀察其孤苦
艱難過夜以碎銀或錢會挿于門縫以週其苦
俾清晨開戶得之如自天降或散以綿被絮襪
與貧者丐者使煖其體如此則飢寒得濟感戴
無窮矣古諺云作善者降百祥天神祐之作惡
者降千灾鬼神禍之天之報善罰惡甚于影響
世人當以此為法也

夢梁錄卷之十八

夢梁錄卷之十九

園圃

宋錢塘 吳自牧 著

杭州苑圃俯瞰西湖高挹兩峯亭館臺榭藏歌
貯舞四時之景不同而樂亦無窮矣然歷年既
多間有興廢今詳述之以為好事者之鑒在城
萬松嶺內貴口王氏富貴園三茅觀東小梅亭
慶壽庵褚家塘東瓊花園清河北慈明殿園楊
府秀芳園張府北園楊府風雲慶會閣望仙橋
下牛羊司側內侍蔣苑使住宅側築一園亭臺

花木最為富盛每歲春正月放人遊玩堂宇內
頓放買賣闌撲並體內庭規式如龍船闌竿花
籃谷工用七寶珠翠奇巧裝結花朵冠梳並皆
時樣官窰碗探歷古玩具鋪列堂列右做如閑
雜歌咏之聲清婉可聽湯茶巧細車兒排設進
呈之器桃村杏館酒肆裝成鄉落之景數畝之
地觀者如市城東新門外東御園即富景園項
孝廟奉 憲聖皇太后嘗遊幸五柳即西園
張府七位曹園南山長橋慶樂園舊名南園隸
賜福印園內有十樣亭榭工巧無二俗傳魯班

收

造者射圃走馬廊流盃池山洞堂宇宏麗野店
林庄裝點時景觀者不倦內有閑門名凌風閑
下香山巍然立于閑前非古沉即枯朽木耳蓋
攷之志與聞見錄所載者誤矣淨慈寺南翠芳
園舊名屏山園內有八面亭堂一片湖山俱在
目前雷峰塔寺前有張珍珠園內有高寒堂極
其華麗塔後謝府新園即舊甘內侍湖曲園羅
家園白蓮寺園霍家園方家塢劉氏 寺園北山
集芳園四聖延祥觀御園北湖山勝景獨為冠
頃有侍臣周紫芝從駕幸後山亭曾賦詩云附

山結真祠朱門照湖水湖流入中池秀色埽淨
几風簾邃旌幢神衛森劍履清芳宿華殿瑞愛
靄蒙玉宸彷彿懷神京想像輪奐美祈年開新
宮祝釐奉天子良辰後難會歲暮得新喜洲乃
清撻中飛接見千里霜車僮可乘吾事茲已矣
便當賦遠遊未可回屐齒園有涼堂巍然在于
山巔後改為西太乙宮黃庭殿向朝臣高似孫
曾詩賦曰水明一色抱神洲雨壓輕塵不敢浮
山北山南人喚酒春前春後客凭樓射熊觀暗
花扶衣下鵝池深柳拂舟白首都人能道舊君

王曾奉上皇遊下竺寺園錢塘門外九曲墻下
擇勝園錢塘正庫側新園城北隱秀園菩提寺
後謝府玉壺園四井亭園昭慶寺後古柳林楊
府雲洞園西園楊府具美園飲綠亭裴府山濤
園葛頰水仙廟西秀野園集芳園為賈秋壑賜
第耳趙秀王府水月園張府凝碧園孤山路張
內侍棹宜園西冷橋西水竹院落裏湖內諸內
侍園圃樓臺森然亭館花木艷色奪錦景白公
竹閣瀟灑清素沿堤先賢堂三賢堂湖山堂園
林茂盛妝點湖山九里松嬉遊園湧金門外隄

北一清堂園顯應觀兩齋堂觀南聚景園孝
光寧三帝嘗幸此歲久蕪圯迄今僅存一堂兩
亭耳堂扁曰鑑遠亭曰花光一亭無扁植紅梅
有兩橋曰柳浪曰學士皆粗見大概惟夾徑老
松益婆婆每盛夏秋首芙蓉遠堤如錦遊人舫
舫賞之頃有侍從陸游舟過作詩詠曰聖主憂
民罷露臺春風側苑晝常開盡除蔓衍魚龍戲
不禁芻蕘雉兔來水鳥避人橫翠靄宮花經雨
委蒼苔殘年自喜身強健又作清都夢一回又
詩曰水殿西頭起砌臺綠楊開處杏花開簫韶

本與人同樂羽衛纔聞歲一來鷓首波光涵藻
苻金鋪兩後上葦苔遠臣侍宴應無日日望堯
雲到晚回高似孫遊園詠曰翠華不向苑中來
可是年々惜露臺水際春風寒漠漠官梅却作
野梅開張府泳澤環碧園舊名清暉園大小魚
莊其餘貴府內宮沿堤大小園圃水閣涼亭不
紀其數御前宮觀俱在內苑以脩車駕幸臨憇
足之處內東太乙宮有內苑後一小山名曰武
林山即杭州主山也宰臣樓鑰曾賦長篇詠云
昔易君求賦武林山身困塵勞無暫閒我求掛

冠欲歸去念此詩債須當還武林山出武林水
靈隱後山無乃是此山亦復用此名細考其來
具有以天目兩乳到錢塘一小環湖萬龍翔扶
輿磅礴擁王氣皇居壯麗環宮墻湖陰一峰如
怒猊勢臨城北尤瑰奇吳越大作緇黃廬為穿
百井以壓之從來有龍必有珠此雖培塿千山
餘中興南渡為行都崇列原廟太乙廬曾回祠
事來登眺闌闌塵中有負嶠薰風時來洗溽暑
綠樹陰々隱殘照我得暫來猶醒心羨君清福
住年深長安信羨非我土倦翼惟思歸故林城

南則有玉津園在嘉會門外南四里紹興四年
虜使來賀高宗天申聖節遂宴射其中孝
廟常臨遊幸既嘗命皇太子宰執親王侍從五
品以上官及管軍官講宴射禮孝廟御製詩
賜皇太子以下官曰一天秋色破寒烟別藥連
隄壓巨川欣見歲功成萬寶因行射禮命群賢
騰々喜氣隨飛羽嫋々淒風入控弦文武從來
資並用酒餘端有待臣篇時光廟在東宮侍
駕恭和曰秋深欲曉欲輕烟翠木森圍萬里川
閭闔啟闕開法駕玉津按武會英賢皇々聖父

明如日挺，良臣直似弦。蹈舞歡呼稱萬歲，未
饒天保報恩篇。宰臣魯懷恭和曰：名園佳氣霽
非烟，冠佩朝宗似百川。五品並令陪宴射，四鑊
端欲序賓賢。恩涵春意魚翻藻，威入秋聲雁落
弦。竣事更容窺典雅，宸章應陋栢梁篇。又詩曰：
江山秋日淨，輕烟別院風。光勝輞川位，設虎侯
恢盛典。技精楊葉校，名賢禮均湛。露宣飛葦樂，
奏鈞天。看發弦，聖主經文蕪緯武。全勝巡幸射
蛟篇，其餘群臣俱有恭和詩。不悉得榮竹而載
史。魏王彌遠出判寧國府。理廟命宰執侍

從于北園設宴餞行，有朝官胡銓賦詩曰：餞行
朱紀帝城春，隨例顛忙宴。玉津報國獨勞千一
慮，鈞天同聽十三人。金卮宣勸君王重，花露消
愁醉夢真。却憶故人猿鶴在，便思投老乞閒
身。按玉津園乃都舊名，東坡嘗賦試有紫壇
南峙表連岡之句，益亦密邇園壇也。嘉會門外
有山名色家山，內侍張侯壯觀園。王保生園山
上有閨名桃花閣，舊扁蒸霞兩帶，皆直桃花都
人春時遊者無數。為南城之勝境也。城北城西
門外趙郭園，又有錢塘門外溜水橋，東西馬塍

諸圃皆植怪松異檜四時奇花精巧果兒多為
龍蟠鳳舞飛禽走獸之狀每日市於都城好事
者多買之以脩觀賞也

瓦舍

瓦舍者謂其來時瓦合出時瓦解之義易聚易
散也不知起于何時頃者京師甚為士庶放蕩
不羈之所亦為子弟流連破壞之門杭城紹興
間駐蹕於此殿岩楊和玉曰軍士多西北人是
以城內外初立瓦舍招集妓樂以為軍卒暇日
娛戲之地今貴家子弟即君因此蕩遊破壞尤

甚于汴都也杭之瓦舍城內外不下有十七處
如清冷橋西熙春樓下謂之南瓦子市南坊北
三元樓前謂之中瓦子西坊內三橋巷名大瓦
子舊呼上瓦子衆安橋南羊棚樓前名下瓦子
舊呼北瓦子鹽橋下蒲橋東謂之蒲橋瓦子又
名東瓦子今廢為民居東青門外菜市橋側名
菜市瓦子崇新門外章家橋南名爲橋門瓦子
舊呼四通館保安門外名小堰門瓦子候潮門
外北首名候潮門瓦子使門外北謂之使門瓦
子錢湖門外南首省馬院前名錢湖門瓦子亦

廢為民居後軍寨前謂之赤山瓦子又名靈隱
天竺路行春橋側曰行春瓦子北郭稅務曰北
郭瓦子又名大通店米市橋下米市瓦子石牌
頭北麻線巷內則曰舊瓦子

塌房

柳永咏錢塘詞曰叅差十萬人家此元豐前語
也自高廟車駕自建康幸杭駐驛幾近二百餘
年戶口蕃息至百萬餘家杭城之外城南西東
北各接十里人烟生聚民物阜庶市井坊陌鋪
席駢盛數日經行不盡各可比外路一州郡足

見杭城之繁盛矣其城郭內外北閔水門裡有
水路周迴數里自梅家梅橋至白洋湖方家橋直
到法物庫市舶前有慈元殿各富豪內侍諸司
等人家于水次起造塌房數十所為屋數千間
專以假賃與市郭間鋪席宅舍及客旅寄藏物
貨并動具等物四面皆水不惟可避風烟亦可
免偷盜極為利便蓋置塌房家月月取索假賃
者管巡廊錢會雇養人力過夜巡警不致疎虞
其他州郡如荆南沙市太平州黃池皆客商所
聚雖云浩繁亦恐無此等穩當房屋矣

社會

文士有西湖詩社此乃行都縉紳之士及四方流寓儒人寄興適情賦咏膾炙人口流傳四方非其他社集之比武士有射弓踏弩社皆能攀弓射弩武藝精熟方可入此社更有蹴鞠打毬射水弩社則非仕宦者為之益一等富室郎君風流子弟與閑人所習也奉道者有靈寶會每月富室當供持誦正一經卷如正月初九日玉皇上帝誕日杭城行香諸富室就承天閣上建會北極佑聖真君聖降士庶與羽流建會于

宮觀或于舍庭誕辰佑聖觀奉旨建醮士庶炷香紛然諸寨建立聖殿者俱有社會諸行亦有獻供之社遇三元日諸琳宮建普度會廣度幽冥二月初三日梓潼帝君誕辰川蜀仕官之人就觀建會三月廿八日東嶽誕辰四月初六日城隍誕辰二月初八日霍山張真君聖誕四月初八日諸社朝五顯^王度佛會九月二十九日五王誕日每遇神聖誕辰諸行市戶俱有社會迎獻不一如府第內官以馬為社七寶行獻七寶玩具為社又有錦體社臺閣社窮富賭錢社

過雲社女童清音社蘓家巷傀儡社青果行獻
時果社東西馬勝獻異松怪檜奇花社魚兒活
行以異樣龜魚呈獻豪富子弟緋綠清音社十
閑等社有內官府社第以精巧雕鏤筠籠養蓄
奇異飛禽迎獻者謂為可觀遇東岳誕日更有
錢燔社重鎖囚枷鎖社也奉佛者有上天竺者
光明社會俱是富豪之家及大街鋪席施以大
燭巨香助以齋費供米廣設勝會齋僧禮懺三
日作大福田又有善女人背府室宅舍內司之
府第娘子夫人等建庚申會誦圓覺經俱帶珠

翠珍寶首飾赴會人呼曰開寶會更有城東城
北善友道者建茶湯會遇諸山寺院建會設齋
又神聖誕日助緣設茶湯會供衆四月初八日
六和塔寺集童男童女善信人建朝塔會九月
初一日湖州市遇土神崇善王誕日亦有童男
童女迎獻茶果以還心懽每月八日或庚申諸
寺庵舍集善信人誦經設齋或建西婦會寶叔
塔寺每歲春季建受生寄庫大齋會諸寺院清
明建供天會七月十五日建盂蘭盆會二月十
五日長明寺及諸教院建澄聚會四月八日西

湖放生池建放生會頃者此會所集數萬人太平興國傳法寺向者建淨業會每月十七日集善男信女十八日集善女信人入寺誦經設齋聽法年終以所收貲金建藥師道場七晝夜以終其會今廢之久矣其餘白蓮行法三壇等會各有所分也

閒人

閒人奉食客人盃孟嘗君門下有三千人皆客矣姑以今時府第宅舍言之食客者有訓導童蒙子弟者謂之館客又有講古論今吟詩和曲圍

碁撫琴投壺打馬撒竹寫蘭名曰食客此之謂閒人也更有一等不着業藝食於人家者此是無成子弟能文知書寫字善音樂今則百藝不通精專陪侍富豪子弟郎君遊宴執役甘為下流及相伴外方官員財主到都營幹又有猥下之徒與妓館寫家書送柬帖之類更專以參隨服役之事舊有百業皆通者如紐元子學像生叫聲教蟲蟻動音樂雜手藝唱詞白話打令商謎弄水使拳及善能取覆供過傳言送語又有專為棚頭鬧黃頭養百虫蟻促織兒又謂之閑

漢凡擊鷹架鷓調鶉鷓開鷓鷓賭撲落生
之類又有一等手作人專攻刀鏹出入宅院趨
奉郎君之子弟專為幹辦雜事插花掛畫說合
交易掣涉妄作謂之涉兒蓋取過水之意更有
一等不奉色業藝專為探聽妓家賓客趕趁唱
喏買物供過及遊湖酒樓飲宴所在以獻香送
勸為由乞覓贖家財謂之厥波大抵此輩若顧
之則貪婪不已不顧之則強顏取奉必滿其意
而後已但看賞花宴飲君子出着發放何如耳
雇覓人力

凡雇倩人力及幹當人如解庫掌事貼憲鋪席
主管酒肆食店博士鏹頭行菜過買外出髻兒
酒家人師公大伯等人又有府第宅舍內諸司
都知太尉直殿御藥御帶內監寺廳分雇覓大
夫書表司廳子虞侯押番門子直頭轎番小廝
兒厨子火頭直香燈道人園丁等人更有六房
院判提點五房院承旨太尉諸內司殿贖判司
幕士六部朝奉催倩私身轎番安童等人或藥
舖要當舖裏郎中前後作藥生作下及面門面
舖席要當舖主管後作上門下番當直安童俱

各有行老引領如有逃閃將帶東西有元地脚保識人前去跟尋如府宅官員豪富人家欲買寵妾歌童舞女厨娘針線供過厩細婢妮亦有官私牙嫂及引置等人但指揮便行踏逐下來或官員士夫等人欲出路還鄉上官赴任遊學亦有出陸行老雇倩脚夫脚從承攬在途伏役無有失節

四司六局筵會假債

凡官府春宴或鄉會遇鹿鳴宴文武官試中設同年宴及聖節滿散祝壽公筵如遇宴席官府

容將人吏差撥四司六局人員督責各有所掌無致苟簡或府第齋舍亦於官司差借執役如富豪士庶吉筵函席合用椅桌陳設書画器皿盤合動事之數則雇喚局分人員俱可圖脩凡事毋苟且謂四司六局所掌職何役開列于後
張設司專掌仰塵錄壓桌幃搭席簾幙繳額果憑屏風書画簇子畫帳等 茶酒司掌旅客過茶湯斟酒上食唱揖而已民庶亦用之掌管筵席合用金銀酒茶器具及直茶湯授盞斟酒請坐諮席開話斟酒食上唱揖唱坐席迎送親

姻吉筵慶壽邀賓筵會喪奠齋筵修設僧道齋
供傳話取覆上書請客送聘禮合成姻禮儀先
次迎請等事 厨司事前後掌筵生熟看食粧
釘合食前後筵九盞食品坐歇坐泛勸品件放
料批切調和精細美味羹湯精巧簇花龍鳳勸
盤等事 臺盤司掌把盤打送賫擎勸盤出入
椀椽等事 果子局掌裝簇釘盤看果時新品
果南北京果海脂朮脯齋切像生花果勸酒品
件 蜜煎局掌簇釘看盤果套小子蜜煎像生
果兒 菜蔬局掌筵上簇釘看盤菜蔬供筵泛

供果品菜蔬時新品味糟藏像生件段等 油
燭局掌燈火焰耀上燭修燭點照壓燈辦集立
臺手把豆臺竹籠燈臺裝火簇炭 香藥局掌
管龍涎沉腦清和福異香香壘香炉香毬裝香
簇燼細灰效事聽候換香酒後索喚異品酒湯
菓餅兒 排辦局掌椅卓校椅卓捲書桌及洒
掃打渲拭抹供過之職蓋四司六局等人祇直
慣熟不致失節省主者之勞也欲就名園異館
寺觀亭臺或湖舫會賓但指揮局分即可立辦
皆能如意俗諺云燒香點茶掛畫挿花四般閑

事不宜累度家若有失節者是祇役人不精故
耳且如筵會不拘大小或衆官筵上喝犒亦有
次第先茶酒次厨司三妓樂四局分五本主人
從此雖末事回筆述之耳

夢梁錄卷之十九

夢梁錄卷之二十

嫁娶

宋錢塘 吳自牧 著

嫁娶之法先憑媒氏以草帖子通于男家男家以草帖問卜或禱籤得吉無尅方回草帖亦卜吉媒氏通音然後過細帖又謂定帖中序男家三代官品職位名諱議婚第幾位男及官職年甲月日吉時生父母或在堂或不在堂或書主婚何位尊長或入贅明開將帶金銀田土財產宅舍房廊山園俱列帖子內女家回定帖亦

如前開寫及議親第幾位娘子年甲月日吉時
生具列房奩首飾金銀珠翠寶器動用帳幔等
物及隨嫁田土屋業小園等其伐柯人兩家通
報擇日過帖各以襯色綵襯盤安定帖送過方
為定論然後男家擇日備酒禮詣女家或借園
圃或湖舫內兩親相見謂之相親男以酒四杯
女則添脩雙杯此禮取男強女弱之義如新人
中意即以金釵挿于冠髻中名曰挿釵若不如
意則送綵段二匹謂之整驚則婚事不諧矣既
已挿釵則伐柯人通好議定禮往女家報定若

豐裕之家以珠翠首飾金器裙褶及段匹茶餅
加以雙羊牽送以金餅酒四罇或八罇裝以大
花銀方勝紅綵銷金酒衣簇蓋酒上或以羅帛
貼套花為酒衣酒擔以紅綵綴之男家用銷金
色紙四幅為三啟一禮物狀共兩封名為雙緘
仍以紅綠銷金書袋盛之或以羅帛貼套五男
二女綠盞成禮壽為頭合共湊十合或八合用
綵袱蓋上送往女家接定禮合於宅堂中脩香
燭酒果告盟三界然後請女親家夫婦雙全者
開合其女氏即于當日脩回定禮物以紫羅及

顏色段匹珠翠鬚掠皂羅巾段金玉帕銀七寶
金環篋帕鞋襪女工各之更以元送茶餅果物
以四方回送羊酒亦以一半回之更以空酒樽
一雙收入清水盛四金魚以箸筋一雙葱兩枝
安于樽內謂之回魚箸若富家官戶多用金銀
打造魚箸各一雙並以綵帛造像生葱雙抹挂
于魚水樽外各之自送定之後全憑媒氏往來
且望傳話遇節序亦以冠花綵段合物酒果遺
送謂之追郎女家以巧作女工金寶帕環各之
次則送聘預令媒氏以鵝酒重則羊酒尊

日方行送聘之禮且論聘禮富貴之家當脩三
金送之則金釧金鐲金帔是也以至鋪席宅
舍或無金器以銀鍍代之否則貧富不同亦從
其便此無一定耳更言士官亦送銷金大袖黃
羅銷金裙段紅長裙或紅素羅大袖段亦得珠
翠持髻珠翠團冠四時冠花珠翠排環等首飾
及上細襟色綵段匹帛加以花茶果物團圓餅
羊酒等物又送官會銀錠謂之下財禮亦用雙
緘聘啓禮狀或下等人家所送一二疋官會一
二封加以鵝酒茶餅而已若下財禮則女氏得

以助其虛費耳又有一等貧窮父母兄弟所倚者惟色可取而奩具茫然在議親者以首飾衣帛加以諸物送往謂之兜禮今富家女氏既受聘送亦以禮物答回以綠紫羅匹綵色段疋金玉文房玩具珠翠鬚掠女工等如前禮物更有媒氏媒箱段匹盤盞官楮花紅禮合惠之自聘送之後郎序不送擇禮成吉日再行導日禮報女氏親迎日分先三日男家送催粧花髻銷金蓋頭五男二女花扇花粉盪洗項画彩錢果之類女家答以以金銀雙勝御羅花撲頭綠袍靴

廿九

笏等物前一日女家先往男家鋪房挂帳幔鋪設房奩器具珠寶首飾動用等物以至親壓鋪房脩禮前來煖房人以親信婦人與從嫁女使看守房中不令外人入房須待新人方敢縱步往來至迎親日男家刻定時辰預令行郎各以執色如花瓶花燭香毬沙羅洗漱粧盒照臺裙箱衣匣百結青涼傘校椅授事街司等人及催借官私妓女樂^來馬及和備樂官鼓吹引迎花擔子或棧擔花藤轎前往女家迎取新人其女家以酒禮款待行郎散花紅銀樸利市錢會訖然

後樂官布樂催粧尅擇官報時辰催促登車茶酒互念詩詞催請新人出閣登車既已登車擊擔從人未宜起步仍念詩詞求利市錢酒畢方行起擔作樂迎至男家門首時衆少止樂官妓女及茶酒等人互念詩詞攔門求利市錢紅尅擇官執花斛盛五穀豆錢綠果望門而撒小兒爭拾之謂之撒穀豆以歷青陽然耳方請新人下車一妓女倒朝車行捧鏡又以數妓女執蓮炬花燭導前迎引遂以二親信女信左右扶持而行踏青錦褥或青氈花蓆上行先跨馬鞍背

平秤過入中門至一室中少歇當中懸帳謂之坐虛帳或徑入迎房室內坐于床工謂之坐牀富貴之家委親戚接待女氏親家及親送客會陽次拂脩酒四盞款待若論浙東以饒親客急三盃或五盞而回名曰走送向者迎新郎禮其婿服綠裳花幘頭于中堂升一高座先以媒氏或親戚互斟酒請下高堂婦房至外始致請方下座回房坐富貴今此禮久不用矣止用妓樂花燭引入房二門前先以綵一段橫于楣上碎裂其下婿入門衆手爭扯而去謂之利市繳

門爭求利市也。壻登床右首，坐新婦左首。生
一作生正坐，富貴禮也。其禮官請兩新人出房，
謂中堂。叅堂男執槐，蘭挂紅綠綵，縮雙同心結。
倒行女挂于手，面相對而行，謂之牽巾。並立堂
前，遂請男家雙全女親，以秤或用機杼挑益頭。
方露花容，叅拜堂次諸家神及家廟，行叅諸親
之禮。畢，女復倒行，執同心結，牽新郎回房，講交
拜禮。再坐床，禮官以金銀盤盛金銀錢，襍果撒
帳。次命妓女執雙杯，以紅綠同心結縮蓋底行。
交盃禮畢，以盞一仰一覆，安于床下，取大吉利。

意次男左女右，結髮名曰合髻。又男以手檢女
之花，女以手解郎綠，拋紐次髻，擲花髻于床下。
然後請掩帳，新人換粧畢，禮官迎請兩新人詣
中堂，行叅謝之禮。次親朋講慶賀及叅謁外舅。
姑已畢，則兩親家行新親之好。然後入禮筵，行
前筵五盞禮。畢，別室歇坐，數杯勸色，以序親義。
仍行上賀賞花節。次仍復再入公筵，飲後筵四
盞，以終其儀。三日，女家送冠花綵段，鶯蛋以金
銀缸兒，盛油蜜，頓于盤中，四圍撒帖子，套膠于
上，並以茶餅鶯羊果物等盒送去。壻家謂之送。

三朝禮也其兩新人于三日或七朝九日往女家行拜禮女親家廣設華筵款待新婿名曰會郎亦以上賀禮物與其婿禮畢女家備鼓吹迎送婿回宅第女家或于九朝內移厨往婿家致酒謂之媿女會自後迎女回家以冠花段足合食之類送婿婿家謂之洗頭至一月女家送彌月禮合婿家開筵延款親家及親眷謂之賀滿月會親自此禮文方可簡遇節序兩親互送節儀若士庶百姓之家貧富不等亦宜隨家豐儉却不拘此禮若果無所措則已之

廿 又

育子

杭城人家育子如孕婦人月期將屆外舅氏家以盆綵盒一本如孕婦筭在何月免身先一月父母家以銀盆盛粟桿一束上以錦或紙蓋之上簇花朵通草貼套五男二女意思及眠羊卧鹿併以綵画鴨蛋一百二十枚膳食羊豕枣栗諸果及芽兒繡棚綵衣送至婿家名催生禮既坐尊分媿親朋爭細送米炭醋三朝與兒落臍炙顛七日名一臘十四日謂之二臘二十一日名曰三臘女家與親朋俱送膳食如猪腰猪蹄肚脚之物至滿月則外家

以綵画錢或金銀錢襟果及綵段珠翠顛角兒
食物等送往其家大展洗兒會親朋俱集煎香
湯于銀盆內下洗兒果綵錢等仍用色綵繞盆
謂之圍盆紅尊長以金銀釵攪水名曰攪盆釵
親賓亦以金錢銀釵撒于盆中謂之添盆二內
有立棗兒少年婦爭取而食之以為生男之徵
消兒落胎髮畢盛髮于金銀小合以色綵結絡
之抱兒徧謝諸親坐客及抱入姆孀房中謂之
移窠若富貴家則用此禮貧者隨其儉可也至
一百日亦開筵作慶至來歲得周名曰周晬其

家羅列錦席于中堂燒香炳燭頓果兒飲食及
父祖誥勅金銀七寶玩具文房書籍道釋經卷
秤尺刀剪升斗戩子綵段花朵官楮錢陌女工
針線應用物件并兒裁物却置得周小兒于中
堂觀其先拈何物以為佳識謂之拈週試晬其
日諸親饋送開筵以待親朋

妓樂

散樂傳樂教坊十三部惟以襟劇為正色舊教
坊有箏策部大鼓部拍板部色者歌板色琵琶
色箏色方響色笙色龍笛色頭管色舞旋色襟

劇色叅軍等色但色有色長部有部頭上有教坊使副鈐轄都管掌儀掌範皆是襍流命官其諸部諸色分服紫緋綠三色寬衫兩下各垂黃義襴襍劇部色皆譚裹餘皆幘頭帽子更有小兒隊其外別有鈞容班人四益乘馬後駕後動樂者是也御馬院使臣凡有宣喚或御教入內承應奏樂紹興年間廢教坊職名如遇大朝會聖節御前排當及駕前導引奏樂撥並臨安府衙前樂人屬脩內司教樂所集定姓名以奉御前供應向者汴京教坊大使孟角迷曾做襍劇

本子葛守誠撰四十大曲丁仙現提才知音南渡以後教坊有丁漢弼楊國祥等景定年間至咸淳歲衙前樂撥充教樂所都官部頭色長等人員如陸恩顯時和王見喜何雁喜王吉趙和金寶范宗茂傅呂祖張文貴侯端朱堯鄉周國保王榮顯等且謂襍劇中末泥為長每一場四人或五人先做尋常熟事一段名曰艷段次做正襍劇通名兩段末泥色主張引戲色分付副淨色發喬副末色打諢或添一人名四裝孤兒吹曲破斷送謂之把色大抵全以故事務在滑

稽唱念應付通變遍此本是鑿戒又隱于諫諍故從便跣露謂之無過虫耳若欲駕前承應亦無責罰一時取聖顏咲凡有諫諍或諫官陳事上不從則此輩裝做故事隱其情而諫之于上顏亦無怒也又有襍扮或曰襍班又名經元子又謂之拔和即襍劇之後散段也頃在汴京時村落野夫罕得入城遂撰此端多是借裝為山東河北村叟以資咲端今士庶多以從省筵會或社會皆用融和坊新街及下瓦子等處散樂家女童裝未加以絃索賺曲祇應而已大凡動

細樂比之大樂則不用大鼓秋鼓羯鼓頭管琵琶等每只以簫笙篳篥瑟琴方響其音韻清且美也若合動小樂器只三二人合動尤佳如雙韻合阮咸嵇琴合簫管箜篌合葫蘆琴或彈撥下四絃獨方打響吹賺動鼓鉦海樂一拍子至十拍子又有拍番鼓兒敲水盞打鑼板和鼓兒皆是也街市有樂人三五為隊擊一二女童舞旋唱小詞專沿街趕趁元夕放燈三春園館賞玩及游湖看潮之時或于酒樓或于花衢柳巷妓館家祇應但犒錢亦不多謂之荒鼓板若論

動清音比為後樂加方響笙與龍笛用小提鼓其聲音亦清細輕雅殊可人聽更有小唱口叫執板慢曲破大率輕起重殺謂之淺斟低唱若舞四十大曲皆為一體但唱令曲小詞須是聲音軟美與叫菜子唱要令不犯腔一同也朝廷御宴是歌板色承應如府第富戶多于邪御等處擇其能謳妓女催倩祇應或官府公筵及三學會齊縉紳同年會鄉會皆官差諸庫角妓祇直自景定以來諸酒庫設法賣酒官妓及私名妓女數內揀擇上中下者委有娉婷秀媚

十一

桃臉櫻唇玉指纖秋波滴溜歌喉宛轉道得字真韻正令人側耳聽之不厭官妓如金賽蘭范都宜唐安倪都惜潘稽心梅醜兒錢保奴呂作娘康三娘桃師姑沈三如等及私名妓女如蕪州錢三姐七姐文字季惜鼓板朱一姐媳婦朱三姐呂雙十般大胡憐婺州張七好蠻王二姐搭羅卽三姐一丈白楊三媽舊司馬二娘裱褶陳三媽履片張三娘半把傘朱七姐轎番王四姐大臂吳二媽浴堂徐六媽沈盼盼普安徐雙彭新等後輩雖有歌唱者比

之前輩終不如也說唱者宮調昨汴京有孔三傳編成傳奇靈怪八曲說唱今杭城有女流熊保及後輩女童皆效此說唱亦精于上鼓板無二也益噪唱為引子四句就入者謂之下影帶無影帶名為散呼若不上鼓面止獻盞兒謂之打拍唱賺在京時只有纏令纏達有引子尾聲為纏令引子後只有兩腔迎五循環間為纏達紹興年間有張五牛大夫因聽動鼓板中有太平令或賺鼓板即今拍板大節揚處是也遂撰為賺者悞賺之義也正堪美聽中不覺已

至尾聲是不宜為片序也又有覆賺其中變花前月下之情及鐵騎之類今杭城老成能唱賺者如寶四官人離七官人周竹窻東西兩陳九郎包都事香沈二郎雕花楊一郎招六郎沈媽媽等凡唱賺竅難兼慢曲破大曲噪唱耍令番曲叫聲接諸家腔譜也若噪唱耍令者如路岐人王雙蓮呂大夫唱得音律端正耳今街市與定院往往做京師叫聲以市井諸色歌叫賣物之聲採合宮商成其詞也

百戲伎藝

百戲踢弄家每于明堂郊祀年分鹿正門宣赦
時用此等人立金鷄竿承應上竿搶金雞兼之
百戲能打筋斗踢人踏踉上索打交鞦脫索
上擔水索上走裝神鬼舞判官斫刀蠻牌過刀
門過圈子等理廟時有路岐人名十將宋喜常
旺兩家踢弄人如謝恩張旺宋寶哥沈家強自
來強宋達揚家會宋賽歌宋國昌沈善張寶哥
常家喜小娘兒李顯沈喜湯家會湯鉄柱莊德
劉家會小來強鮑老兒宋定哥李成莊寶潘貴
宋慶哥湯家後等過朝家大會聖節宣押殿庭

承應則官府公筵府第宴會點喚供筵俱有大
槁又有村落百戲之人拖兒帶女就街坊
橋巷呈有百戲使藝求覓鋪席宅舍錢酒之資
且襟手藝即使藝也如踢瓶弄碗踢磬踢缸踢
鐘踢花錢花鼓槌踢筆墨壁上懸虛空挂香爐
弄花毬兒棹築球弄斗打硬教虫蟻弄熊藏人
燒火藏劍喚針射弩端親背攢壺瓶等綿兒兒
撮空酒撮放生等藝淳祐以後藝術高者有包
喜陸壽施半仙金寶金時好宋德徐彥沈興趙
安陸勝包壽范春吳順金勝等此藝
施呈

委是奇特藏去之術則手法疾而已凡傀儡敷演烟粉靈怪鐵騎公案之書歷代君臣將相故事話本或講史或作雜劇或如崖詞如懸線傀儡者起于陳平六奇解圍故事也今有金線盧大夫陳中喜等弄得如真無二燕之走線尤佳更史有狀頭傀儡最是劉小僕射家數果奇大抵弄此多虛少實如巨靈神姬大仙等也其水傀儡者有姚遇仙賽寶哥王君金時好等弄得百憐百悼燕之水百戲往來出入之勢規模舞走魚龍變化奪真功藝如神更有弄影戲者元

汴京初以素紙雕鏤自後人巧工精以羊皮雕形用以綠色裝飾不致損壞杭城自賈四郎王昇王國卿等熟于擺布立講無差其話本與講史書者頗同大抵真假相半公忠者雕以正貌姦邪者刻以醜形蓋亦寓褒貶于其間耳

角觥

角觥者相撲之異名也又謂之爭交且朝廷大朝會聖節御宴第九盞例用左右軍相撲非市井之徒名曰內等子隸御前忠佐軍頭引見司所管元子殿步諸軍選膂力者充應名額即虎

賁郎將耳每遇拜郊明堂大禮四孟車駕親饗
駕前有頂帽鬢髮鬆握拳左右行者是也過
聖節御宴大朝會用左右軍相撲郎此内等子
承應但内等子設額一百二十名内有管押人
員十將各二名上中等各五對下等八對劍捧
手五對餘皆合額裡額外準備祇應三年一次
就本司爭揀上名入額其管押以下至額内等
子亦三年一次當殿呈試相撲謝恩賞賜銀絹
外出職管押人員本司牒發諸州道郡軍府充
管營軍頭也前輩朝官曹赴御宴有詩咏曰虎

賁三百總威猙急颭旗催疊鼓聲疑是嘯風吟
兩處怒龍影虎角虜盈益赤渠發也瓦市相撲
者乃路岐人聚集一等伴侶以圖操手之賞先
以女颭毆對打套子令人觀覩然後以膂力者
爭交若論護國寺南高峯露臺爭交須擇諸道
州郡膂力高強天下無對者方可奪其賞如頭
賞者旗帳銀杯綵段錦袂宮會馬匹而已頃于
景定年間賈秋堅秉政時曾有温州子韓福者
勝得頭賞曾補軍佐之職杭城有周急快董急
快王急快賽閔索赤毛朱超周忙懂鄭伯大鐵

梢工韓通住揚長脚等及女占賽閨寶索費三娘黑四娘女衆俱瓦市諸郡爭勝以為雄偉耳

小說講經史

說話者謂之舌辨雖有四家數各有門庭且小說名銀字兒如烟粉靈怪傳奇公案朴刀捍棒發二踪叅之事有譚淡子翁三郎雍燕熙王保義陳良甫陳郎婦素兒余二郎等談論古今如水之流談經者謂演說佛書說叅請者謂賓主叅禪悟道之事有寶庵管庵喜然和尚等又有說譯經者戴忻庵講史書者謂講說通鑑漢唐

歷代書史文傳興廢爭戰之有戴書生周進士張小娘子宋小娘子邱機山徐宣教又有王六大夫元係御前供話為幕士請給講諸史俱通于咸淳年間敷演復華篇及中興名將傳聽者紛二益謀得字真不俗記問淵源甚廣耳但竅畏小說人益小說者能講一朝一代故事頃刻間控合典起令相似各占一事也商謎者先用鼓兒賀之然後賧人猜詩謎字謎戾謎社謎本是隱語有道謎來客念思司語識謎又打謎走智改物類以因猜者正猜來客索猜謎下套商

者以物類相似者譏之都城紀事勝云來客念
隱語說謎又名打謎
又名對智貼套貼智思索橫下許傍人猜問曰
商者唱問句頭調夾假作難猜以走其智杭之
猜謎者且言之一二如有歸和尚及馬定齋記
問博洽名傳久矣

夢梁錄卷之二十

錢塘吳君諱自牧其世次不可考大都南
宋遺民所著夢梁錄二十卷文筆雖不甚
雅馴然記載臨安風物一一無遺俾覽者
慨然想見當年南渡之盛偏安尚如此况
東京為趙氏開剏歷百八十餘年享車書
之一統者乎掩卷低徊正典秦離友秀同
一感慨也向聞予友李小園有此書未暇
借觀昨來金陵即中丞幕府見案上頭本
人請遺集而夢梁錄在其中予以長夏無
事日抄六七頁決月而書成其中魯魚甚

多畧次改正十之二三至文義不解仍襲其偽者尚復不少當俟他日取小園藏本參對之

康熙壬辰七月錢塘徐逢生識于金陵行館之西齋

是書文筆拖沓于宋人中小品中尚屬其次復耐得翁都城紀勝一書又名古杭夢遊錄頗覺明淨可謂奪胎勝蓋然吳君耳聞目見鉅細畢收志家寶之以作諸書証佐亦不少之物聞維揚有刻本惜未之見

餘俱傳寫多譌茲借四本校之魯魚帝虎庶去十去五云



國家圖書館 : NATIONAL CENTRAL LIBRARY, TAIWAN, R.O.C.

中華民國
八十年
六月
二十日

國家圖書館
藏